

---

---

# ABREGE EUS AN AVIEL,

*Gant Meditationou evit an oll Suliou ha  
Goueliou mobil eus ar Bloaz, evit ober  
Oræson a galon, hac un Instruction evit  
disqui æz ha facil he ober.*



---

---

EVIT AR SUL QUENTA EUS ~~REAZVENT.~~

*Abrege eus an Aviel hirio.*

**J**ESUS a lavaras d'e Zisquibien : beza  
e vezo Signou en Heaul, el Loar  
hac er Steret; hac ar Mor a raï un  
drous quer bras ha quen horribl, ma  
vezo an dud en un dristidiguez es-  
trainch, pehini a raï dezo disec'ha var  
o zreit. Goudese e vezo guelet Map  
Doue o tisquen eus an Eê evit barn  
ar bed-oll. Quemensé tout a zigoueo  
a boent-da-boent. An eé hac an douar  
à dremeno, mæs va c'homsou - me  
ne dremenint quet. *Sant Lucas,*  
*Chabist 21.*

A

2 *Ar Sul quenta eus an Azvent.*

*Meditation var ar Varn general hae  
ar Setanç diveza.*

Considerit penaus da fin ar bed ,  
goude cals a signou bras hac horribl  
pere a raï d'an dud dizec'ha gant  
spont , an tan o coueza eus an Eê evel  
un diluich , a zevo hac a lacaï en  
poultr hac e ludu quement tra a so  
var an douar.

Varlec'h an diluich - se a dân , e  
ressuscito an oll dud , hac ous ar son  
a raï an Æl gant e drompil , e com-  
parissint e traounen Josafat.

Jesus-Christ ar Barner Souveren a  
zisquenno eus an Eê gant e groas di-  
razan , pehini a vezo un ansaign a  
c'hraç evit ar re vad , hac un ansaign  
a rigor evit ar re fall : separi a raï ar  
re just dious ar re vechant , o lacaat  
darn en tu deou , ha darn all en tu  
cleiz. Digueri a raï Levriou ar Gous-  
tians : rei a raï da anaout sclær ha  
patant d'ar bed-oll , maliç ar re ve-  
chant , quement pec'het , quement  
crim o deus gret epad o buez. Discu-  
lia a raï o songesonou muya euzet ,

*Ar Sul quenta eus an Azvent.* 3  
 o hipocrizi hac o oll fallagriez. Pebes  
 mæs, pebes confusion evit-o! Rebeich  
 a raï dezo an abus o deus gret eus an  
 oll graçou hac an oll moyennou en  
 devoa roet dezo evit en em savetei :  
 souffret am eus, emezàn, bete ar  
 maro evidoc'h, ho calvet hac ho clas-  
 quet am eus bepret epad ho puez,  
 gret hoc'h eus atau ar scouarn vou-  
 zar, dispriget hoc'h eus va inspiratio-  
 nou ha va oll graçou, va c'huiteet  
 hoc'h eus evit heulia ar bed maleü-  
 rus, evit countanti hoc'h inclination  
 disordren, evit oboissa d'an drouc-  
 speret. Peguën terribl vezo ar rebei-  
 chou-ze, mæs peguer just!

O trei goudese ous e gostez deou  
 o rei da anaout d'an oll innoçanç ar  
 re just, ar vertuziou o deus prati-  
 quet, an œuvrou mad o deus gret, ar  
 poaniou hac ar persecutionou o deus  
 souffret evit gloar Doue. O pebes  
 consolation evit-o!

2. *P.* Considerit erfin ar setanç a  
 brononço ar Barner Souveren a enep  
 ar re vechant: *üt, emezà, üt, tud*  
*milliguet, d'an tån eternal, pehini a*

A 2

4 *Ar Sul quenta eus an Aavent.*  
*so prepalet evit an drouc - speret hac*  
*ar re o deus e heuliet. Quer buan*  
*goude an Arret prononcet , an douar*  
*o tont da zigueri en un taul dindan o*  
*zreit , e vezint precipitet en lfern*  
*corf hac ene evit devi eternellamant.*  
*Pebes horrol , pebes disesper ! Consi-*  
*der, ô va ene , an eternite-ze ! O Eter-*  
*nite , Eternite a dourmanchou , te a*  
*so scrijus hac horribl !*

Chelaouit er c'hontrol ar setanç  
favorabl a recevo ar re vad : *deut* ,  
eme Jesus-Christ , *deut tud beniguet*  
*gant va Zad , deut da guemer pos-*  
*session eus ar Rouantelez a so pre-*  
*palet deoc'h.* Pignat a raïnt neuse  
gantàn en Eê , evit jouissa eus un  
eürusdet eternal. Pebes grac , pebes  
recompanç !

*Reflexion varnomp hon-unan.*

Ha songeal a ràn-me alies penaus  
un deiz e rentin cont da Zoue eus va  
oll actionou , comsou , songesonou ,  
ha penaus e vezin barnet hervez ma  
œuvrou ?

Songeal a ràn-me penaus ar pec'he-  
jou-ze pere am eus cuzet gant que-

*Ar Su? quenta eus an Azvent.* 5  
ment a sourci, a vezo disoloet dirac  
ar bed-oll, ma ne labouràn d'o effaci  
bremàn dre ur guir binigen?

Ar brassa Sænt, goude ur vuez hur  
ha santel, o deus crenet gant aon rac  
jugeamant Doue; pebes spont na  
dleàn-me. quet da gaout, me pehini  
a so quen dibourvez a œuvrou mad,  
ha quer carguet a bec'hejou; cous-  
goude e vevàn hep aon ebet: e gui-  
rionez, var petra eo fontet va assu-  
ranç-me?

#### P E D E N .

O va Salver, c'hui pehini a so bre-  
mâ leun a vadelez evit ar bec'herien,  
na bermetit quet e ancoaën morse e  
comparissin un deiz dirag ho tribunal,  
terribl, evit renta cont eus va oll œu-  
vrou, ha receo ur setanç a vuez pe a  
varo eternal. Grit dre ho craç, ma re-  
parin dre ar binigen va fautou treme-  
net, ha ma reglin quer mad va buez,  
ma illin esperout receo ur setanç fa-  
vorabl, ha caout an heur da veuli  
da jamæs ho misericord gant an Ælez  
hac an oll Sænt.

## EVIT AN EIL SUL EUS AN AZVENT.

*Abrege eus an Aviel hirio.*

**S**ANT Yan o veza clevet er prison ,  
 Se pehini e voa lequeet gant Herodes,  
 ar Miraclou a ree Jesus-Christ ,  
 a gassas daou eus e zisquibien evit  
 goulen ountà hac èn a oa ar Missii.  
 Hor Salver a reas en o fresanc meur  
 a viracl , hac evit oll-respont e lavaras  
 dezo : iit da raporti d'ho Mastr ar  
 pez hoc'h eus clevet hac ar pez hoc'h  
 eus gulet , ar re zall a vèl , ar re  
 glàn so pare , ar re varo a ressuscit ,  
 an Aviel a so preseguet d'ar re baour.

*Sant Vaze, Chab. 11.*

*Meditation var an œuvrou - mad ha  
 var ar voyen hac ar facilitate hon  
 eus d'o ober.*

Sant Yan a c'houlenne dious Jesus-  
 Christ a beza e oa ar Missii? ha Jesus  
 a respont dezàn dre e œuvrou. Chetu  
 aze ur guir voyen da rei da anaout  
 petra oump , ha d'en em anaout hon-  
 unan. Dious ar frouez a zoug ur ve-  
 zen e anavezer petra eo.

*An eil Sul eus an Azevent.* 7

An-œuvrou-mad a so ar guir merq eus hor vertu en hor buez : beza e vezint hor c'honsolation en heur ar maro : ober a raïnt hor c'hurunen , hor gloar, hon eürusdet er bed-all.

Ar goall actionou er c'hontrol a so ur merq eus hor goall inclination hac eus a gorrupcion hor c'halon : rei a raint deomp un dristidiguez diremed en heur ar maro , ha beza e vezint hon tourmant er bed-all.

Pe seurt œuvrou a rit-hu , pe seurt exempl a roit-hu ? hac èn a aller lavaret hoc'h ho gouelet : cetu aze ur c'hristen mad , ur servicher mad da Zoue ?

Petra a illit - hu da songeal eus ac'hanoc'h hoc'h-unan , pa sellit ous hoc'h actionou ?

Dont a raï un deiz e pehini e carac'h beza grêt cals a œuvrou-mad , mæs neuse ne allot muy ober : bremâ e illit : perac eta na rit-hu quiet ? bremâ hoc'h eus an amser , ar voyen hac an occasion , bemdez hac e pep lec'h oc'h en em acquitta eus a zeveriou ho stad hac ho condition. Ober

8 *An eil Sul eus an Azvent.*

a illit a bep hini eus hoc'h actionou  
quellies a œuvr-mad, eus hoc'h ac-  
tionou memes distera hac ordinala ,  
evel oc'h ober ho labour ordinal pe  
ho servich, mar er grit gant un intan-  
tion santel, evit plijout da Zoue, dre  
garantez evit Doue.

Ar garantez eo a ro da un action  
e fris hac e merit. Doue a gonsider  
muy intantion vad ha calon an den,  
evit ne gonsider e action.

Ar c'haëra actionou grêt hep beza  
raportet da Zoue, a so inutil evit an  
Eê, hac ar re distera, pa ho grêt evit  
Doue, ne chomint quet hep recom-  
panç.

Evit ober œuvrou - mad, ne d'eo  
quet necesser ober œuvrou bras ha  
dreist-ordinal; Doue ne c'houlén di-  
gueneoc'h nemet ar pezh a illit. Ne  
illit quet ober pinigennou rust, evel  
e deus grêt ar Sænt; ho labour a so  
teñn: he bien, andurit a galon vad  
ar fatig a santit en ho labour, hac of-  
frit ho poan da Zoue. Ne illit quet  
ober an alusen, n'hoc'h eus quet a  
gomodite, paour oc'h hoc'h-unan:



*An eil Sul eus an Azvent.* 9

souffrit ho paourentez gant patientet. Ne illit quet pidi cals; clàn oc'h : savit a amser-da-amser ho calon varzu Doue, andurit ho clènvèt gant resination d'e volonte divin, unisset ho souffrançou gant re Jesus-Christ. Er fæcoun-ze ema bepret en ho callout ober œuvrou - mad.

*Reflexion varnomp hon-unan.*

Petra oun-me? Pe seurt œuvrou a ràn - me?

*Respontit hoc'h-unan.*

Ne ràn-me quet muy a re fall evit a re vad?

*Respontit.*

Ma guella actionou memes petra a dalont - y dirac Doue? Evit piou o gràn-me? O offri a ràn-me da Zoue?

*Respontit.*

Un deiz e carren beza grèt va oll actionou evit Doue, petra vir ouzin-me n'er gràn quet? Ah, ah! ret eo din commanç d'e ober eus a vremâ, a hirio.

O va Doue, pa songèan ne estimit netra ar c'haëra actionou, ma ne vent grèt gant un intantion santel,

A 5

10 *An trede Sul eus an Azvent.*

hac e recompansit gant liberalite ar re distera, pa vezont grêt evit ho cloar; pebes queuz am eus-me da veza en em servichet quen nebeut bete vrema eus ur voyen quen æz da ober ervad va oll actionou! Pebes tensor a veritou n'am bize-me quet acquisitet, hac am eus collet dre va negligeanç, siouaz, din!

---

EVIT AN DREDÈ SUL EUS AN AZVENT.

*Abrege eus an Aviel hiria.*

**S**ANT Yan-Badezour interroget gant Sar Farisianet hac èn a oa Elii, pe ur Profet, a respontas ne oa nac an eil nac eguile. Piou oc'h - hu eta, emind-y, ha petra a livirit-hu ac'hanoc'h hoc'h-unan? Neuse e lavaras: Ne doun nemet ur Voues digacet gant Doue evit avertissa ar bed d'en em brepari da receo ar Messii, da behini ne doun quet dign da zilassa e voutou.

*Sant Yan, Ch. 1.*

*Meditation var an Humilite.*

Considerit humilite Sant Yan. Respont a elle d'ar re pere en interroge,

ha penaus e voa Profet ha Precursor ar Messii ; cousgoude e humilite a reas-  
dezàn lavaret ne oa quet Profet , pe-  
naus ne oa quet dign da ~~zibssa~~ e  
voutou d'ar Messii.

Ar brassa Sænt a so bet ar re. hum-  
pla en o amser : cuzet a reent muya  
ma ellent o vertuziou , hac ar pez o  
devoa a vras hac a excellant : ne ze-  
sirent ha ne glasquent nemet beza  
reputet evit netra , ha beza dispri-  
get gant ar bed. Beza o devoa santi-  
mauchou isel , aneze o-unan , ha n'en  
em gonsiderent nemet evel ar re dis-  
tera eus an oll , hac evel ar brassa  
pec'herien.

Ha me ma-unan , pehini ne douñ  
nemet ur pec'her , pe seurt santimant  
am eus ac'hanon-me ? N'en em bre-  
feràn-me quet d'ar re-all ?

Eleac'h desirout beza reputet evit  
netra ha beza dispriset gant ar bed ,  
ne glascàn-me quet beza estimet ha  
meulet ?

Mar em eus ur mad pe un avan-  
taich bennac dreist ar re-all , n'en em  
c'hlorifiàn me quet a guemense , ha

n'er publiàn-me quet elec'h e ouac'h,  
pe da viana tevel, ha raporti an oll  
gloar da Zoue ?

Ha caret a ràn-me an disprisañç hac  
an injuriou, pe da viana hac aoalc'h  
a humilite am eus-me evit o souffr  
gant patiantet hac heb en em glem ?

Ne doùn-me quet quen arrogant  
ha quen ourgouillus na allàn quet  
souffr an distera disprigeañç, pe ar  
biana humiliation ? Pebes differañç  
etre santimançhou ar Sænt ha va re-  
me ! Peguen humbl oant-ii, ha pe-  
guen ourgouillus oùn-me !

Cousgoude ma ne doùn humbl, ne  
antrein birviquen e Rouantelez Doue.  
Ar superbite e deus collet an drouc-  
Ælez, o chasseet eus an Eê hac o fre-  
cipitet en Ifern. Doue a resist ous ar  
re superb, hac a ro e c'hraçou d'ar  
re humbl. An nep en em iselaï, eme  
hor Salver, a vezo hueleet, hac an  
nep en em huelaï, a vezo iseleet.

Va ene, en em gonsider da-unan,  
consider da fragilite, da bec'hejou  
ha da neant, hac e quivi pe - a - dra  
d'en em humilia.

*An drede Sul eus an Azvent.* 13

O va Doue, ne gavàn enoùn nemet re a sujet d'en em humilia, mæs ne allàn quet beza humbl nemet dre ho misericord; accordit din eta, me ho suppli, ar c'hraç d'en em zisabusi dious ar santimanhou væn a istim am eus bet ac'hanon bete vrenâ : roit din ar c'hraç d'en em zisprizout va-unan : roit din ar c'hraç da suporti ha da garet an disprigeañ hac an humiliationou hervez an exempl hoc'h eus roet din, quen dreizoc'h hoc'h-unan, quen dre ho Sænt.

---

EVIT AR BEVARE SUL EUS AN AZVENT.

*Abrege eus an Aviel hirio.*

SANT Yan-Badezour pehini, o veza Sc'hoas ur c'hrouadur yaouanc a oa en em dennet en desert, a guitaas e solitud d'an oad a dregont vloaz hac a zeuas var bord Rivier Jourdren evit preseg ar binigen, hac evit publica donediguez ar Messii. N'en devoa evit guiscamant nemet croc'hen ur c'hanvâl, hac evit oll magadurez un

14 *Ar bevare Suleus an Azvert.*  
nebeut mël sauvaich, dour ha gri-  
ziou lousou. Grit pinigen, emezàn  
d'ar bobl pehini a zirede e foul evit  
e glevet hac e velet, grit pinigen  
evit en em zisposi da receo Redem-  
tor ar bed. Peb den a velo souden  
ar Salver pehini a zeu eus an Eê evit  
Redemtion ar bed-oll.

*Sant Lucas, Ch. 3.*

*Meditation var ar Binigen.*

1 *Poent.* Ret eo ober pinigen.

2 *P.* E pe fæçoun e rër pinigen.

Sant Yan ne sortias eus e zesert  
nemet evit preseg ar binigen, an oll  
Brofetet o deus bepret prezeguet ar  
binigen; Jesus en deus coumancet e-  
bredicationou dre exherti ar bobl da  
ober pinigen, ha disclæria a ra pe-  
naus hepdy ne deus quet a silvidi-  
guez. Doue a so just : evelse ar pe-  
c'het a dle beza punisset er bed-mâ  
pe er bed-all; ret eo eta ober pinigen.

Ar binigen a so necesser non pas  
hepquen evit effaci ar pec'hejou com-  
metet, mæs c'hoas evit en em bre-  
servi eus ar pec'het en amser da zont.  
Hor sempladurez hac hor fragîlite a

*Ar bevare Sul eus an Aavent.* 15  
so bras, adversourien hor silvidiguez  
an drouc-speret, ar bed hac ar c'hiq,  
a ra deomp ur bresel continuel, ha  
ne allomp o zrec'hi nemet dre ar bi-  
nigen.

Ar brassa sænt petra bennac ma oa  
pur ha santel o buez, ha ma pelleent  
muya ma ellent dious ar bed ha dious  
an occasionou eus ar pec'het, o deus  
gret pinigennou ar re rusta. Ha credi  
a allàn-me goudese e venn exant d'e  
ober, me pehini am eus coumetet  
quellies a bec'het, hac a so exposet  
da quellies a zanger?

2. *P.* Ret eo ober pinigen, mæs  
petra a dleàn-me da ober evit que-  
mense?

Renoncit d'ar pec'het ha d'an oc-  
casionou a ell ober deoc'h e goumeti;  
labourit da vortifia ho coal inclinatio-  
nou; grit œuvrou mad evit repara an  
drouc hoc'h eus gret hac ar goal  
exempl hoc'h eus roet; en em abste-  
nit muya ma ellot eus ar plijadure-  
zou permetet en intantion da satisfia  
evit ar plijaduriou difennet hoc'h eus  
quemeret. Pratiquit ar vertuziou con-

16 *Ar bevare Sul eus an Azvent.*

trol d'ar vicoù da bere hoc'h bet sujet.

Ur binigen excellant eo c'hoas souffr gant patientet hac a galon vad an afflictionou, ar c'hollou, ar c'hroasiou a zigouez digueneoc'h. Ur binigen vad eo anduri gant resination da volonte Doue ar boan a santit en hoc'h etat, en ho tieguez, en ho labour, oc'h offri ar boan-ze da Zoue evit satisfaction eus ho pec'hejou.

Evit en em excita da ober pinigen, songit penaus e illit dre eno ober ho Purgator er bed-mâ; songit er gloar a brocuro deoc'h en Eê ho pinigen hac ho mortificationou.

Mar seblant deoc'h e ve diaz ha rust ar binigen, guefeet penaus ar c'hraç interior hac an onction a scuil Doue en ene, a ra e c'haout douç hac agriabl. Ar sænt a oa leun a gountantamant hac a joa e creis ar rusta pinigennou.

*Reflexion varnomp hon-unan.*

Ha comprenet am eus-me biscoas peguen necesser eo ar binigen, ispi-  
cial d'ar bec'herien, ha da ur pec'her  
eveldòn.



*Ar bevare Sul eus an Azvent. 17*

Pe seurt pinigen, pebes mortification am eus-me grêt em buez?

Pe sort plijadur am eus-me refuset d'am c'horf evit e bunissa eus ar plijadurezou criminel en deus quemeret?

N'am eus-me quet credet penaus goudé beza coessaet va fec'hejou, ha recevet an absolven, n'em boa muy ezom ebet da ober pinigen?

N'am eus-me quet songet e reen avoalc'h a binigen o caout em stad cals a labour, a sourci hac a fatig? Mæs penaus am eus-me souffret ar poaniou-ze? hac o recevet am eus-me gant soumission da volonte Doue? O offret am eus-me da Zoue evit pinigen eus ma fec'hejou? Allas bevet am eus e creis ar boan hac ar binigen, ha defaut ober usaich mad eus ma foaniou, n'am eus grêt pinigen ebet.

Me a guemer hirio ar resolution da receo gant ur speret a binigen quement poan a erruo guené. Pe sort poan bennac am bezo, e livirin bepret : peguen eürus oün-me mar galàn gant quen nebeut a dra satisfia

18 *Ar bevare Sul eus an Azvent.*

da Zoue, ha racquitta ar poaniou  
am eus meritet dre ma fec'hejou.

O va Doue, va c'hreaït em resolu-  
tion gant ho craç oll-galloudec.

---

EVIT AR SUL GOUDE NEDELEC.

*Abrege eus an Aviel hirio.*

**A**N Itron Varia a zougas Jesus  
d'an Templ evit e bresanti d'e  
Dad Eternel. Rancontri a eure eno  
Simeon, pehini goude beza e anave-  
zet evit ar Messii hac e adoret, a bro-  
fetizas dezi penaus he Map divin a  
andurze cals abers an dud, ha pe-  
naus hi he-unan he divize he c'halon  
mantret gant glac'har o velet ar goal  
dretamant a vize grêt d'he Map. Dis-  
cleria a eure ive dezi penaus petra  
benâc ne oa deut Jesus er bed nemet  
evit silvidiguez ar bed-oll, cals cous-  
goude dre o faut ne zeuzent quet da  
brofita eus a c'hraç ar redemption,  
ha penaus evelse e vize he Map ur  
sign a silvidiguez evit cals, hac ur  
sign a reprobation evit cals a re all.

*Sant Lucas, Ch. 2.*

*Meditation var an necessite da heul-  
lia ha da imita Jesus-Christ.*

Considerit penaus hor e'henta hac  
hor brassa studi a dle beza da gon-  
templi buez Jesus-Christ evit e imita.  
Hor squêr hac hon exempl eo. Dis-  
cleria a ra deomp penaus mar fell  
deomp beza eus an nombr e servi-  
cherien, e tleomp absolutant mont  
d'e heul. Lavaret a ra da bep-hini  
ac'hanomp evel ma lavaras d'e Zis-  
quibien : roet am eus exempl deoc'h,  
evit ma reot ec'his ma em eus grêt  
va-unan : mar doùn bet humbl,  
douç ha patient, mar em eus pellaet  
dious an enoriou, ma em eus re-  
noncet d'ar plijadurezou, mar em  
eus douguet va c'hroas, mar em eus  
souffret heb en em vengi hac heb en  
em glem, mar em eus pardonet d'am  
adversourien, ez eo evit hoc'h anga-  
gi d'am heulia e quemense.

Jesus en deus gret abundamant eus  
e gostez quemement a oa ret evit hor  
savetei ; disquezet en deus deomp  
hent an Eê, hon instruet en deus dre  
e zoctrin ha dre e exempl ; hon dili-

20 *Ar Sul goude Nedelec.*

vret en deus a buissanç an drouc-  
speret; hon reconciliet en deus gant  
Doue e dad; roet en deus deomp an  
oll moyenou a silvidiguez : mæs  
goude quemense-oll, ma ne reomp  
un usaich mad eus e c'hraçou, ma  
ne heuliomp quet an hent en deus  
desquet deomp, ma ne zeuomp d'e  
imita, quement en deus gret evi-  
domp, quement en deus souffret, an  
oll goad en deus scuillet, a vezo  
inutil deomp, ha ne servicho nemet  
evit hor brassa condaonation.

*Reflexion varnomp hon-unan.*

Heulia a ràn-me Jesus-Christ? e  
imita a ràn-me? va buez hac hi so  
henvel ous e hini? Jesus en deus ca-  
ret ar baourente : ganet eo bet, be-  
vet en deus, ha maro eo en ur baou-  
rente vras. Ne garàn-me quet er  
c'hontroll madou an douar : n'am  
eus-me quet va c'halon stag outo?  
mar em eus dienez eus un dra benâc,  
na zeuàn-me quet d'en em jala ha da  
vurmuri?

Jesus a so bet humbl, ha me n'ouñ-  
me quet ourgouillus ha superb.

Jesus a so bet douç ; ne doùn-me  
quet colerus ?

Jesus en deus pardounet d'e adver-  
sourien ; ne glasquàn-me quet d'en  
em vengi eus va re ?

Jesus a so bet patiant, ha ne fell  
din souffri netra.

Jesus a so bet disprizet ; hac e fell  
din beza enoret ?

E vuez a so bet leun a boaniou  
hac a souffrançou ; ha me ne glascàn  
nemet beva em æz hac em flijadur.

O va Salver, peguen dishenvet eo  
va buez dious hoc'h hini ! Peguer ra-  
visset oùn-me, pa gonsideràn ho  
vertuziou ! Mæs peguer spontet oùn  
me, pa sellàn ous ma viçou !

C'hui eo va mæstr, va squêr ha va  
exempl, hoc'h imita hac hoc'h heu-  
lia e peb lec'h a fell din hivisiquen  
gant ar sicour eus ho craç.

Ma sicourit da regli va oll actionou  
ha va oll desirou hervez ho re, da  
gonsideri gant disprijanç eveldoc'h  
madou, enoriou ha joaüsdet ar bed ;  
ha da gridi parfet penaus ar brassa  
avantaich hac ar brassa consolation

a allàn da gaout er vuez-mâ, eo  
hoc'h imita hac hoc'h heulia.

---

EVIT AR SUL QUENTA GOUDE AR  
ROUANE.

*Abrege eus an Aviel Iurio.*

JESUS d'an oad a zaouzec vloaz  
Ja yeas gant Sant Joseph ha gant e  
Vam beniguet da visita an Templ a  
Jerusalem en un deiz solennel. Pa voe  
achu ar solennite eus ar Gouel, ar  
Verc'hes Sacr ha Sant Joseph a bar-  
tias evit mont d'ar guær, o songeal  
e teue Jesus e compagnunez re-all  
eus o anaoudeguez hac eus o c'herent.  
Pa voent avancet en hent, en em le-  
quezont d'e glasq ha d'e c'houlén,  
mæs evel n'er c'hefzont quet, e zis-  
trojont var o c'his da Jerusalem, af-  
fliget ha desolet: e gavout a rejont  
en Templ e creis an Doctoret eus al  
Lesen, da bere e explique ar Scri-  
tur Sacr.

e oa dianquet e Map, a zistroas da Jerusalem d'e glasq; evelse ive, pec'her, querquent ha ma hoc'h eus collet graç Doue, querquent ha ma ouc'h coueet er pec'het, labourit da sortial eus ar stad maleürus-ze hep differi. Dangerous eo beva en ur stad e pehini ne false quet deoc'h mervel.

Pa illit mervel e pep moument eus ho puez, na zifferit quet ho conversion. Iit da glasq Jesus-Christ en Templ eharz ur c'hovesour, eno eo er c'heffot.

Peñaus ellet-hu beva na cousquet e peoc'h o veva e stad a bec'het marvel? Ha c'hui a oufe cousquet e repos var bord ur punç pe ur precipiç, ha gant ur serpent en ho querc'hen.

Ma visac'h bet surprenet gant ar maro ebars er stad-ze, evel ma zeo digouet gant cals a re all, siouas dezou, pelec'h e vec'h-hu bremâ?

*Reflexion varnomp hon-unan.*

E pe stad emaoùn-me? Ha me a so e graç Doue? Ha me a so er meas eus e c'hraç? Va c'houstianç ha ne reproc'h-y netra din? N'emaouùn-me

*Meditation var ar c'holl eus a c'hraç*

*Doue, ha var ar voyen da repara  
ur c'holl quer bras.*

An Itron Varia a oa affliget heb  
gallout en em gonsoli, abalamour ma  
voa dianquet Jesus; ar pec'het a dle  
gant muy a ræsoun beza affliget ha  
caout e galon mantret pa en deus col-  
let ar c'hraç, pa en deus collet Doue.

Goëla a rit pa velit ho Tad, ho  
Mam pe ho Crouadur o vervel, goëla  
a rit pa erru gueneoc'h ur c'holl tem-  
porel bennac, ha ne ret van ebet pa  
gollit ar c'hraç, pa zeu hoc'h ene da  
vervel dre ar pec'het. Cousgoude en  
ur goll ar c'hraç-ze, e collit ar mad  
souveren, e collit ar barados, e col-  
lit Doue, e collit tout. Na voëlit  
quet evit ar c'holl eus a draou ar bed-  
mâ, ho taëlou n'o rentin quet  
deoc'h; mæs goëlit abalamour ma  
hoc'h eus collet ar c'hraç, an daë-  
lou-ze a raï deoc'h he c'havout.

2. P. Considerit penaus ar Ver-  
e'hes santel querquent a ma santas



quet er stad a bec'het marvel? Ha me a garre marvel er stad e pehini en em gavàn bremâ? Ret eo din eta sortial anezàn heb dale; ret eo din en em lacât e stad da vont dirac Doue, pa bligeo gantàn va guervel.

O va ene, trugareca an Autrou Doue da veza da zeportet bete vrema; profit eus an amser a ro did dre e vadelez, ha na zale quet pelloc'li da effaci da bec'hejou gant an daëlou eus ar binigen, evit ober da beoc'li gant Doue hac autren en e c'hraç.

---

EVIT AN EIL SUL GOUDE AR ROUANE.

*Abrege eus an Aviel hirio.*

JESUS hac e Zisquibien, hac an Itron Varia a voe pedet da un eured er Guer a Gana e Galilee. Carga a reas a c'hraçou an dud nevez, hac ober a eure ar miracl en o faveur, o ceinch an dour en ur guin excellent.

*Sant Yan, Ch. 1.*

*Meditation var an disposition requis evit ober un dimizi eürus ha santel.*

Considerit da guenta ez eo ret caout

B

ur vocation legitim, da lavaret eo, ret eo beza galvet gant Doue d'ar stad-ze. Ne aparchant nemet ouz Doue, eme ar profet, disposi eus hor fortun. Da Zoue eo d'hon lacaat er stad hac er gondition a bligeo gantàn, ha non pas deomp d'e choas hon-unan.

Darn a so galvet gant Doue da zimisi, darn a chom er bed heb dimizi, lod so galvet da antren er c'houen-chou, lod all evit beza tud a Ilis.

Mar quemerit er stad pehini a so destinet deoc'h gant Doue, e vevot contant ennàn, hac e vezo æz deoc'h ober ho silvidiguez. Mæs mar choasit ur stad da behini ne doc'h quet galvet, ne guesot nemet displijadur er vuez-mâ, hac e viot en danger bras d'en em goll, abalamour Doue ne d'eo quet obliget da rei deomp graçou special evit trec'hi an difficulteou a so en ur stad e pehini e vemp en em angaget a enep e volonte.

Abars eta en em angagi e stad e briedez nac e stad all ebet, goulennit alies digant Doue dre bedennou fer-

vant ar sclærigen evit anaout au hini en deus destinet deoc'h. Examinit an obligationou hac an difficulteou eus a bep stad, ha guelit ha c'hui so capabl d'en em acquitta ervad eus an obligationou-ze.

Quemerit c'hoas cusul digant ur c'hovesour pe un directeur mad. Chelaouit an avizou fur a roi deoc'h. ho querent, mæs chelaouit muy c'hoas mouez an Autrou Doue eguet hini ho querent. Ma ue doc'h quet galvet gant Doue d'ar stad a broposont deoc'h, hac ind-ii a roi deoc'h graçou evit en em savetei ennàn? Hac ho tenna a raint-ii eus an ifern, pa viot en em brecipitet ennàn evit plijout dezo?

Goude beza goulennet sclærigen digant Doue ha quemerit avis ho Directeur, mar gouelit e veac'h galvet d'ar stad a briedelez, considerit an dispositionou a dleit da gaout evit ober un eured mad, eürus ha santel. Da guenta, songit da gonservi bepret un intantion pur ha chast, songit da zimizi non pas evit ho countantant

nac evit ar blijadur, mæs abalamour ma credit beza galvet gant Doue d'ar stad-ze, ha ma esperit ober quent ho silvidiguez ennàn, evit ne raec'h en un all.

D'an eil, seùl ma tostaï an amser da eureugi, redoublit ho pedennou evit tenna graç Doue var hoc'h eured. Songit hoc'h eus ezom eus a gals a c'hraçou evit beva ervad er stad-ze; pep stad en deus e boan, hac ar stad a briedelez ne d'eo quet an hini en deus an nebeuta; poan so gant bugale pa vent bian, hac alies muy e'hoas pa vent deut bras; speret an eil pried ne d'eo quet bepret henvel ouz speret eguile.

D'an drede, bezet e stad e c'hraç pa recevot sacramant a briedelez: ur sacrileich eo e receo e stad a bec'het marvel, hac en em briva eo eus an oll graçou a dleffac'h da receo en hoc'h eured.

D'ar bevare, tremenit devez an eured gant modesti, gant temperans, en ur façoun christen.

Peguen nebeut a zeu da zimizi gant

an dispositionou-ze ! Ha soueset e tleer beza mar gueler quement a zivisionou , a zisurzou , a valeuriou en tieguezou , pa zeu quen nebeut a dud da zimisi liervez Doue ! Eleac'h ar burete , ar beden hac an alusen , pere a so ar moyennou da gonvia Jesus d'e eured , ne veler alies nemet impurete , ebatou , dansou , meventiou quent ha goude an eured. E guirionez , hac hennes eo ar voyen da denna benediction ha graç Doue var e eured ?

*Reflexion varnoc'h hoc'h-unan.*

Mar hoc'h eus grêt deja ar choas eus ur stad a vuez , mar hoc'h eus dija grêt ho fortun , ha c'hui ho poa abars en em angagi , examinet mad ho vocation ?

Mar d'oc'h angaget e stad a Briedelez , ha c'hui ho poa an dispositionou necesser evit receo santelamant ar Sacramant-ze ?

Penaus hoc'h eus-hu tremenet an devez eus hoc'h eured ?

Goulennit pardon digant Doue eus ar fautou ho pe grêt. Songit d'o re-  
pari dre hoc'h œuvrou mad ; ha souf-

frit gant ur speret a binigen ar boan eus ho stad.

Tud yaouanc, c'hui pere n'hoc'h eus quet c'hoas grêt ar choas grêt eus a ur stad a vuez, commancit ur bloas pe zaou abars quemer ho resolution da c'houlen sclærigen an Eê. Offrit alies da Zoue ho pedenrou hac ho communionou en intantion-ze, ha grit bemdez ar beden-mâ: Va Doue, me a fell din a-gren ober ma silvidiguez, coustet pe gousto. Grit din, va Doue, anaout al lec'h hac ar stad e pehini e fell deoc'h ho servichen, hac e pehini e allin ober va silvidiguez gant muy a assurance. En em abandoni a ran etre ho taouarn, disposit ac'hanon hervez ma plijo gue-neoc'h.

#### AVIS.

*Pa ve Pasq' abred, a ve nebeutoc'h a Suliou goude ar Rouane, da lavaret eo, etre ar Rouane hac ar Septuagesim, pehini a erru bepret pemzec deiz abars ar Sul ened, neuse e ve ive muy a Suliou goude ar Pante-cost, da lavaret eo etre ar Pante-*

*goude ar Rouane.* 31

*cost hac an Azvent. Mar gu'erru eta Sul ar Septuagesin, goude an eil, pe an drede, pa ar bevare, pe ar bempet Sul varlec'h ar Rouane, e reot ar veditation merquet evit Sul ar Septuagesim, hac e tremenot ar reall, pere o devezo o flas goude an drede Sul varn-uguent varlec'h ar Pantecost, hervez ind é merquet eno.*

---

EVIT AN DREDE SUL GOUDE AR ROUANE.

*Abrege eus an Aviel hirio.*

**P**A antree Jesus er Guær a Gafarnaom, ur Centenier, da lavaret eo un Officer pehini a gommande varcant soudart, a yeas d'e gavout hac a lavaras dezàn : Salver, beza em eus ur servicher clàn em zy, hac a souffr ur boan diremed. Jesus a respontas : mont a rin d'y, ha me er pareo. An officer a replicas : ne veritanquet, va Salver, e antreac'h em zy, gant ur goms hepquen a leverrot amà, e illit renta dezàn ar yec'het. Jesus a veulas dirac an oll feiz an

Officer-ze , hac a lavaras dezàn : iit , ha ra vezo gret hervez ma hoc'h eus credet ; hac er memes heur ar servi-cher en em gavas pare.

*Sant Vaze , Ch. 8.*

*Meditation var ar Feiz.*

Evit beza salvet, ret eo cridi que-ment a gred hac a zesq deomp hor Mam santel an Ilis , ha regli *hor buez hervez ar Feiz.*

Considerit penaus ar Feiz a so ur vertu absolutant necesser evit beza salvet. Heb ar Feiz ne aller plijout da Zoue , eme an Abostol Sant Paul.

Ret eo cridi ferm , parfet , heb douëtanç ebet an oll guirionezou en deus revelet Doue , hac a bropos deomp an Ilis eus e bers da gridi. Ne d'eo quet cousgoude avoalc'h cridi ar guirioneou ar Feiz , ret eo c'hoas regli hor buez hervez ar Feiz a behini e reomp profession , hervez ar pez a zesq deomp an Aviel , ne viot quet salvet evit beza bet Christen , mæs evit beza grêt œuvrou ur C'hristen. Ar Feiz heb an œuvrou mad , a so ur Feiz maro , ur Feiz inu-



til, pelini ne servicho nemet evit hor c'hondaounation.

Mar hor be ur Feiz parfet e ve souden distruget an oll viçou ha reformet ar bed-oll, ma ve ar guirionezou eus ar Feiz imprimet doun en hor speret, netra ne ve capabl da ober deomp coueza er pec'het; disprijout a raemp enoriou, madou ha plijadurezou ar bed evel traou dangerous. Souffr a raemp gant joa ar poaniou, an afflictionou, an injuriou, evel moyennou avantajus evit hor silvidiguez, pratica a raemp gant couraich ar binigen hac an oll vertuziou.

Mar doump quel lezirec e servich Doue quen diegus d'en em acquita eus hon dever hac eus hon obligationou, mar gueler quement a zizurs er bed, petra so caus a guemense nemet hon nebeut a Feiz hac an nebeut a reflexion a reomp var ar guirionezou bras eus hor religion.

*Grit amâ reflexion varnoc'h hoc'hunan.*

Ha cridi a rit-hu parfet an oll guirionezou eus ar feiz? Cridi a rit-hu ez eus

un Doue pehini ho quel hac ho clef, dirac pehini e rencot apparissa un deiz evit renta cont ous hoc'h oll œuvrou, ha receo ho setanç diveza? Penaus il-lit-hu eta ober en e bresanç ar pez ne gretac'h quet ober dirac un den?

Ha c'houi a gred penaus Doue dre e brovidanç en deus sourci a bep tra Perac eta e vurmur-it-hu en ho paou-rente pe en ho poaniou?

Ha cridi a rit-hu penaus ur pec'het marvel hepquen ho rend coupabl eus a boaniou an Ifern? Penaus e teut-hu eta da gommeti quellies a hini heb remors, heb aoun ebet?

Ha cridi a rit-hu penaus evit beza salvet ez eo necesser trec'hi ho coal inclinationou, renonç d'ar bed, d'ar c'hiq, d'an drouc-speret, pardouni a galon d'hoc'h adversourien, beza humbl, beza trugarezus, hac en ur guer heulia reglennou eus an Aviel.

Ma ne gredit quet ar guirionezou-ze oll, n'hoc'h eus quet a Feiz ha ne veritet quet douguen an hano a Gristen; mar o c'hredit heb ho fratica, en em gondaounit hoc'h-unan. Nep

ne gret quiet, eme sant Yan, a so deja barnet : mæs nep a gred hac a ra ar c'hontrol d'ar pez a gred, a so deja condaounet.

Grit resolution da ober alies Actou a Feiz, ha da ober reflexion var ar guirionezou bras eus hon Religion; quemense ho sicouro cals da gundui ur vuez gristen. Quemense a inspiro deoc'h santimanchou bras eus a Zoue, eus e buissanç, eus e brovidanç, eus e vadelez, eus e justiç, hac a raï deoc'h beva en e zougeanç hac en e garante. Hac e vec'h couëet er brassa disurz, ar reflexionou-ze a so capabl d'ho tenna anezàn ha da ober deoc'h terri pep goal acostumanç.

Va Doue, me a gred ferm an oll guirionezou hoc'h eus revelet hac a bropos deomp an Ilis eus ho pers da gridi.

Me ho trugareca, va Doue, da veza gret din ar c'hraç da veza bet ganet er Religion Gristen.

Grit, va Doue, ma reglin va buez hervez ar Feiz, hervez ho Lesen, hervez an Aviel.

EVIT AR BEVARE SUL GOUDE AR  
ROUANE.

*Abrege eus an Aviel hirio.*

**J**ESUS o veza en ur vâg var ar mor  
gant e Zisquibien, e savas un avel  
hac un tourmant quer bras, ma oa go-  
loet ar vâg gant an houliou vor : Jesus  
a gousque cousgoude, e Zisquibien en  
dihunas en ur lavaret : hor Mæstr, hor  
saveteit, mont a reomp da goll. Jesus  
a lavaras dezo : perac hoc'h eus-hu  
aoun, tud a nebeut a seiz? Neuse o  
sevel, e commandas d'an avel ha d'ar  
mor, ha quer buan an avel a souplaas  
hac ar mor a galmas. Ar re a ioa pre-  
sant a voe soueset meurbet, hac e la-  
varent entrezo : piou eo an den-mâ,  
ma obeis dezâ an avel hac ar mor.

*Sant Vaze, Ch. 8.*

*Meditation var an Tentationou.*

1 *Poent.* Evit petra e permet Doue  
e vemp tentet.

2 *Poent.* Ar pezh a dleomp da ober  
pa santomp an dentation.

Considerit penaus an avel hac an  
tourmant

tourmant-ze pehini a erruas gant au Ebestel, a represant ar pezh a erru gueomp var ar mor perillus eus ar bed-mâ, e pehini oump exposet da un infinite a zangerou, a gontroliezou, a demptationou. Beza ez eus bepret un avel bennac o c'huea, un dentation bennac pehini hon tourmant, un dristidiguez pe ur boan bennac pehini a droubl peoc'h hon ene.

Doue a bermet quemense evit distaga hor c'halon diouz ar vuez-mâ, e pehini ne gavomp nemet trubuil ha miser; Doue er permet evit ober deomp santout hor sempladurez, ha peguement e tleomp disfiziout ac'hanomp hon-unan; Doue er permet evit eprouvi hor vertu : *Abalamour mui oc'h agreabl da Zoue, eme an Ael da Dobil, eo bet necesser ma e veac'h bet eprouvet dre an dentation.* Doue er permet evit hor purifia, car evel an tân a amprou hac a burifi an aour, evelse eme ar Speret-Santel, an dentation a amprou hac a burifi mui-oc'h-mui an den just. Doue er permet erfin evit rei deomp occasion da bratica ar

C

vertuziou, ha da grisqui hor mirit hac hor c'hurunen en Eê.

2 *Poent.* Considerit penaus an Ebestel oc'h en em velet en danger da vont da goll, o devoe recours da Jesus-Christ. Disquit dre o exempl ar peza dleit da ober abars pep tra pa santit an tourmant eus an tentation o sevel en hoc'h ene, ho pêt recours d'an hini pehini hepquen a ell ho savetei hac ho tilivra a bep drouc. N'en em arretit quet neuse da ober reflexion varnoc'h hoc'li-unan, na da chelaou pe da examina an dentation; mæs rac-tâl ho pêt recours da Zoue, evel ma o devoue an Ebestel, ha livirit dezàn : va sicourit, va saveteit ; va Doue, emedòn en danger d'en em goll.

Consider amâ, va ene, ar vadelez eus a Jesus e quenver e servicherien pere en em guet en danger; querquent ha ma cleo mouez e Ebestel, e teu d'o sicour ha d'ho c'honsoli, lavaret a ra dezo ne dleont caout aoun ebet pa edont gantàn, ha lacât a ra dre e goms ar peoc'h hac ar c'halm en o sperejou.

O peguer mad eo esperout e Jesus,

ha lacât e fizianç ennàn! car piou en deus-èn pedet a vir galon, ha ne d'eo quet bet chelaouet? Piou en deus bet recours dezàn en e ezom, ha ne d'eo quet bet sicouret?

*Grit reflexion varnoc'h hoc'h-unan.*

Querquent ha ma santit an dentation, ha recours hoc'h eus-hu da Zouedre ar beden?

Ha fizianç hoc'h eus-hu ennàn?

Ha ne d'eo quet eus an defaut a fizianç e teu ho tigonfort hac ho tigourajamant?

Elec'h lacât ho fizianç e Doue n'en em abandonet-hu quet heb resistanç ebet d'an dentation, da adversour ho silvidiguez, d'an drouc-speret, o cridi ne illit quet resista outàn? Penaus eta a disfiziout a rit-hu eus a c'hraç an Autrou-Doue hac eus e vadelez? O peguen nebeut a feiz hoc'h eus-hu? Ne ouzoc'h-hu quet penaus ne arru netra gueneoc'h nemet dre urz Doue pe dre e bermission, ha penaus e oar tenna ar mad eus an drouc? En em abandonit eta etre e zaouarn en amser an

C 2

dentation; galvit-èn d'ho sicour, liâ  
liquid hoc'h oll fizianç ennàn. Gant ur  
goms hepquen e all lacât ar c'halm hac  
ar peoc'h en hoc'h ene.

O va Doue, anaout a ràn va sem-  
pladurez ha va fragilite, mæs gouzout  
a ràn ive penaus e illit, hac ez oc'h  
prest bepret d'am souten a enep an at-  
tacou eus an tentationou. Rac-se o  
tisfiziout ac'hanon va-unan, hac o la-  
cât va fizianç enoc'h, e livirin deoc'h  
an affliction evel an Ebestel : *Va si-  
courit, va Doue, emoun en danger  
d'en em goll; hac esperout a ràn n'em  
abandonot quet e creiz an danger.*

EVIT AR PEMPVET SUL GOUDE AR  
ROUANE.

*Abrege eus an Aviel hirio.*

**R**Ouantelez an Eè, eme hor Sal-  
ver, a so hènvel ous un den pe-  
hini en deus hadet greun mad en e  
zouar; mæs epad an noz e adversour  
a hadas yvre e touez an yd. E servi-  
cherien o velet ur maread amser gou-  
deze an yvre o crisqui emesq an yd,



a lavaras dezàn Mæstr, mont à reomp,  
mar quirit, da zisplanta an yvre-ze.  
Ne d'eo quet poent c'hoas, emezàn,  
gant aoun na zeuac'h da zisc'brizienna  
er memes amser an yd mad; mæs gor-  
toit amser an Eust; neuse e destu-  
mot an yvre evit e deul en tân, hao  
e lequeot an yd em grygnol.

*Sant Vaze, Ch. 13.*

*Meditation.*

1 *Poent.* Doue a souffr ar re ve-  
chant.

2 *Poent.* O andurì e dleomp ive  
gant patientet.

Considerit penaus Doue a oar tenna  
ar mad eus an drouc. Souffr a ra ar  
re vechant, evit exerci patientet ar re  
vad. Ma ne vize quet bet a Dirantet,  
ne vize quet bet a Verzeriën.

Doue a souffr ar re vechant evit dis-  
quez e batiantet hac e vadelez, da bep  
heur, e pep leo'h Doue a so offanset,  
e pep façon ha gant pep sort tud. En  
em vengi a alfe, ha coll evit jamæs ar  
re en offanç, ha n'er gra quet; er  
c'hontrol ober à ra vad dezo: alies e  
ro dezo madou enabondanç, o c'hlasq

a ra , rei a ra dezo amser da ober pinigen , ha ne ancoa netra evit o gounit , heb en em rebuti evit tra ebet. Peguen admirabl eo ho patientet hac ho madelez, va Doue ! Pebes mez evidon-me beza quen nebeut patient ! An distera tra, ur goms, un netra a ra din en em lacât e coler, en em dransporti, en em vengi.

2 *Poent.* Considerit penaus pa souffran Autrou-Doue ar re vechant gant quemment a vadelez, e tleit ive hoc'h-unan o anduri gant patientet hervez e exempl. Ho pêt cäs ous an drouc a reont, mäs arabat eo coll ar garantez a dleit da gaout evit-o. Elec'h o chassaat, e tleit quent caout truez out-o, o velet e redont d'o maleur ha d'en em goll da jamæs.

Mar hoc'h eus gallout, distroit-o dious ar goal hent a guemeromp. Si-courit-o da sortial anezàn dre hoc'h avisou mad; da viana goulennit digant Doue ar c'hraç eus o c'honversion.

Ar brassa pec'herien a ell en em gonvertissa, na zisesperont quet eus

a zen : hac an nep a so bremâ mad ha just, a ell dont da veza fall ha mechant : en em humiliomp ha n'em breferomp quet d'ar re a velomp couezet e fautou bras ha scandalus.

Ma ne gouezit quet hoc'h-unan er memes fautou , trugarecaît Doue da veza ho preservet, songit penaus hoc'h eus defautou all marteze brassoc'h. Alies ne velomp quet hor fautou hon-unan : guelet a reomp ur blousen e lagat hon nessa , ha ne velomp quet un treust en hon hini.

Petra bennac memes ne rebeche netra deoc'h ho coustianç, n'em em istimit quet evit-se muy evit ar re-all , car ne doc'h quet sur ha c'hui a so e grac Doue pe emeas eus e c'hraç ; ne ouzoc'h quet nebeutoc'h c'hoas ha c'hui a bersevero bete'r fin e stad a c'hraç ; ne ouzoc'h quet ha e'hui a so yvre destinet evit an tân , pe yd mad pehini a vezo lequeet e grignol an tad a famil.

En em humiliet eta bepret , ha ne zisprigit quet ho nessa ; en em gonsiderit evel an distera eus an oll ; ha

44 *Ar pempvet Sul*  
credit ne deus den semploc'h na fragiloc'h evidoc'h.

*Reflexion varnoc'h hoc'h-unan.*

Mar doc'h obliget dre hoc'h etat da veva gant tud mechant, tud control, tud vicius, n'hoc'h eus-hu quet cas ha maliç out-o, elec'h caout truez out-o, o velet an danger e pehini emaint eus o silvidiguez.

Ne roit-hu quet dezo goal beden-nou, elec'h pidi evit o c'honversion?

Essât a rit-hu o gounit dre ho patientet ha dre ho touçder?

P E D E K.

O va Doue, quemer a rit patientet guené en despet d'an defautou a velit enòn, en despet d'an offançou a gometàn en hoc'h enep, en despet d'am ingrateri en hoc'h andret; peguer mechant bennac ez oùn, em souffrit, em c'hirit, e rid vad din. Grit dre ho craç ma teuin da imita un exempl quer caër a batiantet hac a vadelez.

EVIT AR C'HUEC'HVET SUL GOUDE AR  
ROUANE.

*Abrege eus an Aviel hirio.*

**R**Ouantelez an Eê, eme hor Salver d'e Zisquibien, a so hênvel ouz ur c'hreunen seneve pehini a ha-der en ur parc; ar c'hreuned-ze a so ar biana eus an oll hadou: mæs pa vez cresquet, e teu da veza brassoc'h evit an oll lousaou all, hac e teu da veza ur vënn, en hevelep façoun ma tisquen laboucet an Eê da reposi var e branco. Rouantelez an Eê, eme c'hoas hor Salver, a so ive hênvel ous un tamic goell lequeet etouez ar bleud pe an toas, pehini a ra d'an toas oll c'huea ha goï. Evelhen eo e explique Jesus-Christ e zoctrin celestiel dre comparæsonou familier.

*Sant Vaze, Ch. 13.*

*Meditation var ar fidelite en traou  
bian ha dister.*

1 P. Hor silvidiguez a zepand alies eus hor fidelite da Zoue en un dra  
vian.

C 5

2 *P.* Hor reprobation a goumanç peurvuya dre hon infidelite en traou bian.

1 *P.* Considerit penaus horsilvidiguez eternal a zepand alies eus hor fidelite da heulia un inspiration vad deut deomp eus an Eê, pe da brofita eus un avis mad roet deomp, pe da ober reflexion var ul lectur vad hon be clevet. Ur songeson vad, pe en em arreter da ober reflexion enni, a zeu da brodui effejou bras en ene.

Hor silvidiguez a zepand eus hor fidelite d'en em viret ous ar fautou dister. An hini en deus aon rac ar pec<sup>h</sup>ejou bian, ne gouezo quet e pe- c<sup>h</sup>ejou bras.

*Nep a so fidel, eme hor Salver, en traou bian, a vezo fidel en traou bras.*

Ne gavomp nemeur an occasion da ober traou bras ha dreist-ordinal evit Doue. En em santifia a dleomp eta dre an traou commun hac ordinal a reomp bemdez. Greomp mad hon labour ordinal, greomp-èn gant un intaution

santel, suportomp a galon vad ar poaniou eus hon etat; souffromp gant patient an injur-ze, an disprigeanç-ze, ar goms rust-ze : e quemense e consist hor santelez.

An distera action a vertu a verit ur recompanç en Eê. Doue a gonsider muy ar garante gant pehini e labouromp, evit ne gonsider hon action. Doue n'en deus ezom a netra digue-neomp : ne c'houlén nemet hor c'halon hac hon obeissanç.

Hor vertu hac hor perfection ne gonsist quet oc'h ober traou bras, mæs oc'h ober ar peç a c'houlén Doue digueneomp. An traou biana ha distera ne dint muy bian na dister pa vent grêt evit Doue. Hor fidelite en traou bian a so ur merç eus hor c'harante evit Doue. Ar spont rag an Ifern hon ampeich da goumeti pec'hejou marvel, mæs earante Doue a inspir deomp horreur ous ar re veniel. Un dra vras ha parfet eo, eme S. Augustin, beza fidel da Zoue en traou dister.

a P. Un dra vian a den da vras dre ur pec'het bian e coumanç an

disurzou brassa, eus ur fulen dâñ e teu an tân-goâl, eus ur c'hreunen se-neve e saf ur vënn; un tamie goell a ra d'an toas oll trenca. Clasquit ar sourcen eus o tisurzou, hac e c'hef-fot en infideliteou dister hoc'h eus en em bermetet, pe an negliganç hoc'h eus bet er goumançamant da resistaous ho coall inclination. *Nep a so infidel en traou bian, eme Jesus-Christ, a vezo infidel en traou bras.*

Na, gonsiderit quet evel nebeut a dra ar fautou bian, ar pec'hejou veniel; ar pec'het veniel a so un drouc bras hac en deus effejou maleürus; car displijout a ra da Zoue, hon priva a ra eus a gals a c'hraçou diminui a ra carante Doue en ene, hac e disposi a ra d'ar pec'het marvel; ar pec'het veniel a ell beza ar pen-caus eus hor reprobation.

Considerit oüspen-ze penaus an distera pec'het a renq beza punisset pe er bed-mâ pe er bed-all. Ar santela den eus an douar, mar deu da vervel gant ur pec'het veniel hepquen, a souffro poaniou estrainch er Purgator evit ex-



pia ar faut-ze Comprenit dre guemense petra eo ar pec'het veniel, ha gant pebes sourci e tleit e evita.

Examinet ha ne d'oc'h-hu quet sujet da goumeti pec'hejou veniel, var digare ne dint quet pec'hejou bras. Goulennit pardon digant Doue eus a guement hini hoc'h eus grêt. Quemerit ar resolution da zivoall na reot muy nicun, da viana gant ho coustiguez, gant ur volonte franc. Goulennit ive pardon eus ar re hoc'h eus grêt, hac a rit marteze alies bemdez heb sonch ha dre ignoranç.

O va ene, laca evez ous ar pec'hejou bian, ma ne fell quet did coueza er re vras. Na gonsider morse evel nebeut a dra ar pez a zisplich da Zoue has a ell beza ar pen-caus eus da zaonation.

O va Doue, n'em boa biscoas comprenet e vize ar pec'het veniel un drouc quer bras. Inspirit din an oll horror a dleàn da gaout anezàn, ha grit dre ho craç ma vezin fidel deoc'h en traou bian, evit ma vezin fidel er re vras.

## EVIT SUL AR SEPTUAGESIM.

*Abrege eus an' Aviel hirio.*

**R**Ouantelez an Eê, eme Jesus-Christ, a so hênvel ouz un tad a famil pehini a yeas mintin-mad da glasq labourerien, hac o veza accord a bris gant-o, o c'hassas da labourat en e vinien. O veza cavet da greis-deiz ha da abardae tud dilabour, e lavaras dezo.: perac e chomit-hu aze heb ober netra? lit ive da labourat em guinien, hac e roïn deoc'h ar pez a vezo dleat. Pa oue deut an nos Mæstr ar vinien a ordrenas d'e zen a affer pëa an oll dud ha coumanç dre ar re diveza a voa deut. Ar re eta a ioa deut d'an abardae o veza taustçet, a recevas peb-hini un diner. (*pehini a oa pris un devez en amser-ze.*) Ar re a ioa deut dioc'h ar mintin o veza en em bresantet, a songe o devize muy evit ar re-all, mæs ne voe roet dezo nemet ivez peb a ziner. Coumanç a rezont da vurmuri: ar re-ze, emind-y, n'o deus labouret nemet un heur-

*Evit Sul ar Septuagesim.* 51  
amser, ha cousgoude o deus bet que-  
ment ha ni, ni pere hon eus labourer  
epad an deiz. Mas ar Mæstr a respon-  
tas : ne ràn quet a c'haou ouzoc'h ; ne  
domp-ni quet accord a bris ? Quæmerit  
ar pez a so dleet deoc'h hac en em  
dennit. Mar fell din rei d'ar re diveza  
quement ha ma roàn deoc'h ; ha ne  
d'eo quet permetet din rei ar pez a  
garàn ? Evelse, eme hor Salver, ar re  
diveza a vezo ar re guenta, hac ar re  
guenta a vezo ar re diveza ; car, eals a  
so galvet, ha nebeut so choaset.

*Sant Vase, Ch. 20.*

*Meditation var an affer eus hor  
silvidiguez, ha var ar pez a dleomp  
da bratica evit e ober.*

Considerit penaus Doue a zeu d'hor  
guervel ha d'hon invita da labourat en  
e vinien da lavaret eo, da labourat  
evit silvidiguez hon ene. Hor guervel  
a ra dre vouez ar Bredicatoret, dre  
vouez hor Pastor hac hon directeur,  
ha dre e inspirationou santel. Presanti  
a ra deomp occasionou d'en em  
savetei en hor yaouanctis, e creis hor  
buez, ha var fin hon amser. Queit ha

52 *Evit Sul ar Septuagesim.*

ma edomp var an douar, e allomp ober hor silvidiguez : Doue en deus un volonte siices ha guirion d'hor savetei, hac e c'hraç ne vanq morse deomp. Peguer consolant eo ar vizione-mâ !

Mar caràn eta, e allàn beza eternal-lamant eürus. Ha disquiant avoalc'h e vezin - me evit revus un eürusdet eternal a so offret din gant Doue ?

Mar gounean ar Barados, em eus gouneet tout ; mar collàn ar Barados, em eus collet tout. Ar c'henta hac ar brassa affer am eus eta er bed - mâ, eo songeal em silvidiguez.

*a P.* Considerit penaus an eürusdet eternal prometet deomp gant Doue, a so ur recompanç hac ur gurunen pehini ne vezo roet nemet d'ar re o devezo e gouneet : an Tad a famill ne beas nemet ar re o devoa labourret en e vinien.

Evit ober eta ho silvidiguez, ret eo labourat, ret eo servicha Doue ervad, miret e c'hourc'hemennou, pratica ar vertu, ober œuvrou-mad, renonç d'ar bed, d'ar c'hiq, d'an

drouc-speret. Eürus ar re o deus-èn gret adalec o yaouanctis! Ar gustum vad pehini o deus quemeret, a ra dezo cavout Lesen Doue æz ha facil da viret, ha redeo gant joa en hent eus ar silvidiguez.

Ma ne d'oc'h quet bet quen eürusse d'en em rei oll da Zoue e coumançamant ho puez, coumancit da viana eus a vremâ : beza ez eus recompançou evit ar re memes pere ne doant da vinien an Tad a famill nemet d'an diveza heur eus an dez, da lavaret eo, pere ne goumançont beva ervad nemet var fin o amser. Repari a illit an amser gollet, dre ho glac'har dre ho taëlou, dre ho ferveur, dre ho carantez ardant evit Doue.

Evit en em excita da servicha Doue gant ferveur, en em interrogit breman, ha grit-èn a amser-da-amser en ho puez. Evit petra emaoun - me er bed? *Respontit hoc'h - unan* : evit servicha Doue ha gounit ar vuez eternal.

Ha c'ridi allàn - me e antreïn er Barados heb ober netra? *Respontit* :

54 *Evit Sul ar Septuagesim.*

allas! ne allàn quet e gridi, heb en em drompla va - unan.

Petra a garren - me beza grêt en heur ar maro? *Respontit :*

Pegument a sourci, a boan, a fatig na guemeràn-me quet bemdez evit va c'horf? Ha petra a ràn-me evit va ene, evit ar Barados, evit Doue? *Guelit petra hoc'h eus da respont.*

O va Doue, en em offri a ràn deoc'h evit ho servicha gant fidelite bete ar maro. Plige gueneoc'h receo an nebeut amser am eus da veva : e gousacri a ràn oll d'ho caret ha d'ho servicha, evit repara an amser am eus tremenet hep ho caret. Mez ha confusion am eus o velet n'em eus da bresanti deoc'h nemet ur rest miserabl a vuez, a behini em eus roet d'ar bed ha d'e blijadurezou ar bloaveziou quenta hac ar c'haëra amser. Mæs esperout a ràn, gant ar sicour eus ho craç, e reparin dre ar binigen an amser am eus collet.

## EVIT SUL AR SEXAGESIM.

*Abrege eus an Aviel hirio.*

**U**R bobl bras o veza en em assam-  
blet en dro da Jesus - Christ, e  
lavaras dezo : an Tad a Famill o veza  
oc'h hada, lod eus an had a gouezas  
var an hent, hac a voe flastret gant  
an treit ha debret gant al laboucet ;  
lod-all a gouezas en un andret mei-  
nec, ha souden goude ma voe glaset ;  
e varvas gant ar sec'hor ; darn a  
gouezas e touez an drez, hac a voe  
mouguet erfin gant-o ; an darn-all a  
gouezas en douar mad, hac a zougas  
greun en aboundanç. E Zisquibien o  
veza goulennet diganta petra signifie  
quemense, e lavaras dezo : an had eo  
comsou Doue ; an had pehini a goue-  
zas var an hent hac a voe flastret gant  
an treit, a represant ar re a chelaou  
comsou Doue hep ober reflexion  
ebet, hac a goll quer buan goudese  
ar memor hac ar sonch anezo. An  
had pehini a gouezas en douar meinee  
hac a varvas gant ar sec'hor goude

56 *Evit Sul ar Sexagesim.*

ma voe glaset, a represant ar re'a receo gant joa comsou Doue, mas pere evel ne dint quiet fontet mad er vertu, a goll couraich pa gavont un difficulte bennac da drec'hi. An had pehini a grescas e touez an drez hac a voe mouguet gant - o, a represant ar re pere goude beza chelaouet comsou Doue, a zeu d'o mouga enno o-unan dre ar sourciou re vras eus ar vuez-mâ, pe an attaich o deus evit madou ha plijadurezou ar bed. Erfin ar pez a gouezas en douar mad hac a zougas frouez en aboundanç, a verq ar re pere goude beza chelaouet gant un disposition vad comsou Doue, o deus sourci d'o c'honservi en o c'halon, ha da brofita anezo.

*Sant Lucas, Ch. 8.*

*Meditation ha reflexion varnomp  
hon - unan.*

: Pegueit amser so a-baoue ma clevân comsou Doue er Sermoniou, en Instructionou, el Lecturiou santel, pe seurt profit am eus-me tennet anezo? Pe seurt frouez en deus product em



c'halon an had divin-ze? A hé seurt faut oùn-me en em gorriget? E petra oùn-me guelleet? Ne douñ-me quet mechantoc'h, viciussoc'h bremâ evit ne voàn dec, ugent, tregont vloaz-so?

Petra so caus eta o clevet quement a instructionou santel, ma e reculàn elec'h avanc en hent ar silvidiguez? Roit din sclærigen, va Doue, evit e anaout. Allas! ne chelaouàn quet ho comsou divin gant an dispositionou requis: ne ràn reflexion ebet varnezo: va speret ha va c'halon a so evel un hent bras, digor da bep seurt songesonou ha desirou vãn, pere a ra din coll en un instant ar memor hac ar sonch eus an instructionou mad a glevàn.

Mar chelaouàn aviziou gant joa comsou Doue, mar en em santàu neuse touchet, va santimanchoù ha desirou mad na zeuont-ii quet souden da vouga ha da vervel em c'halon dre an affection direglet am eus evit ar madou pe evit plijadurezou ar bed?

N'am eus-me quet ur galon calet evel ar mæn? Na resistàn-me quet,

o va Doue, ous ho mouez pehini a glevàn oc'h va guervel ?

Pegueit amser so abaoe em sollicitet hac em pressit da guitaat ar pec'hetze, da renonc d'an debauchou-ze, d'an ebatou-ze, d'en em reconcilia gant ma adversour, da frecanti ar Sacramanchou, d'en em gonvertissa ; ha n'em eus quet c'hoas ar gouraich d'e ober ?

Pebes sujet n'am eus - me quet da gaout aoun, va Doue, na serviche un deiz evit ma c'hondaonation ho comsou, pere a dlie servichout d'am santifia mar em bize grêt guell usaich anezo ?

Pardounit din va negligeanç ha va infidelite. Me a guemer hirio ar resolution da selaou hivisiquen ho comsou divin gant intantion vad da brofita anezo, ha d'o c'honservi doun em c'halon evit regli va buez diout-o.

Plige gueneoc'h, va Doue, c'hui pehini a ene va sempladurez, va inconstanç ha va fragilite, rei din an nerz hac ar gouraich da goumanç ha da beurachui ar pez a inspiret din, pe a vezo discleriet din eus ho perz.

EVIT SUL AR QUINQUAGESIM, HANVET  
AR SUL ENED.

*Abrege eus an Aviel hirio.*

**J**ESUS a lavaras d'e zaouzec Abostol :  
Mont a reomp da Jerusalem, ha  
quement tra o deus scrivet ar Brofet-  
tet var Map an Den, a vezo accom-  
plisset eno ; car livret e vezo d'ar  
Bayanet, goapeet e vezo ha scourgeet,  
ha goude ma o devezo e outraget e  
pep façoun, el lacaïnt d'ar maro.

*Sant Lucas, Ch. 18.*

*Meditation evit passeal santelamant  
deiziou an Ened.*

Considerit a barfetet ar c'homzou-  
ze eus an Aviel pere a bropos deomp  
hirio hor Mam santel an Ilis, deplorit  
an dallentez estranch eus ar darn-  
vuya eus ar Gristenien, pere elec'h  
medita en tri devez-mâ var passion hor  
Salver hervez intantion an Ilis, o zre-  
men e c'hoariou, e dansou, e festou,  
en dibauch. An Ilis a sav hirio an  
anseign eus a groas Jesus-Christ, hac  
a zeu da renouveli ar memor eus e

60 *Evit Sul ar Quinquagesim.*

Bassion, quen evit hon angagi da bellaat dious an direglamanchou hac ar folentezou quer commun en amzermâ, quen evit hon excita d'en em opposi d'an disurzou-ze, ha d'o c'hombati dre hon exempl vad dre an exerciçou eus ar guir devotion.

Cetu eta hirio daou anseign savet ; unan eus a zibordamant ar bed, hac eguile eus a Bassion Jesus-Christ : dindan pehini anezo e fell deoc'h-hu en em renca ?

Ha c'hui a false deoc'h heulia ar bed hac e gustum milliguet ? Na gomprenit-hu quet peguen diræsoun ha peguen impi eo an disurzou-ze ? E guirionez hac evelse eo en em zisposer da dremen ervad ar c'horais ? Hac en em zisposi a reer, d'ar binigen dre an dibauch, d'an temperanç dre ar gourmandis, ha d'ar vertuz dre ur vuez disordren ha payen.

Ha songeal a rit-hu penaus demerc'her an Ilis a lavaro deoc'h ar c'homsou-mâ : *Ne deoc'h nemet poultr ha ludu, ha distrei a reot e ludu.*

Ha c'hui a garre mervel goude beza  
en

*Evit Sul ar Quinquagesim.* 61  
en em livret oll en deiziou hac en  
nosveziou maleürus-mâ d'an ebat,  
d'an assambleou, d'ar vezventi, evel  
na ra quement a c'ud libertin, e pere e  
seblant e ve mouguet ha maro ar sclæ-  
rigen eus ar feiz hac eus ar ræsoun?  
Ha n'illit-hu quet beza surprenet gant  
ar maro en amser-mâ evel en un amser-  
all. Hac ar c'henta a veac'li-hu a ve  
maro subitamant da verc'her al ludu  
goude beza dancet epad an nos dia-  
rauc, pe a ve bet transportet d'armeurs  
ened eus ar fest var guele ar maro?

Mar fell deoc'h eta heulia Jesus-  
Christ, disquezit ez ouc'h dezàn, oc'h  
en em separi dious direglamanchou  
ar bed, hac oc'h en em ziscleria  
disquibl eus e groas.

N'ho pe-hu quet c'hoant da rei da  
Jesus-Christ ur merq bennac eus ho  
carantez evitàn! Pebes occasion na  
guivit-hu quet d'e ober en ur gundui  
ur vuez christen ha devot, oc'li ober  
dezàn amand enorabl, hac o con-  
templi a amser-da-amser e Bassion  
en deizou-mâ pere a vezo impliget  
gant quement a re all d'e offanci.

D

62 *Evit Sul ar Quinquagesim.*

O peguen agreabl e veac'h-hu dezàn, ha pebes recompanç n'ho pehuquet digantàn? N'ho pezet doutanç ebet ne vezo quel liberal en hoc'h andret ha ma viot bet fidel dezàn; hac esperit gant fizianç e lavaro deoc'h un deiz ar c'homsou consolant-mâ : c'hui eo a so chomet fidel din em amser-mâ voàn abandonnet gant bugale ar bed : epad ma en em livrent da bep seurt debauchou, c'hui hoc'h eus va enoret ha ma servichet : epad ma voàn outraget gant-o c'hui hoc'h eus roet din mercou eus ho carantez hac eus ho tevotion; evit recompansi ive o fidelite, e fell din ho renta participant eus va madou, eus va eürusdet, eus va Rouantelez.

*Reflexion varnoc'h hoc'h-unan.*

E pe façoun hoc'h eus-hu tremenet amser an ened er bloaveziou passeet?

N'hoc'h eus-hu quet heuliet custumou fall ar bed?

O va Doue, roit din sclærigen evit anaout muy-oc'h-muy dallentez ar bed!

Ra vezin fidel deoc'h, o va Jesus,  
e peb-lec'h hac e peb amser! Peguen  
eürus e ven-me, ma roen deoc'h en  
deiziou-mâ ur merq eus ma fidelite  
hac eus va c'harantez!

*Chelaouit e goelet hoc'h ene petra,  
a c'houlen Doue digueneoc'h.*

*Guelit petra hoc'h eus da respont  
dezàn, ha pe seurt resolution a fell  
deoc'h da guemeret.*

---

EVIT MERC'HER AL LUDU.

*Meditation var ar sonch eus ar maro  
ha var ar profit a ellomp da denna  
anezàn.*

**C**onsiderit penaus intantion an Ilis  
er ceremoni santel eus al Ludu,  
eo digaç sonch deomp eus ar maro,  
en ur lavaret da hep-hini ac'hanomp:  
*Memento homo, etc.* da lavaret eo,  
*Ho pet sonch, map an den, ne doc'h  
nemet poultr, hac e tistroot e ludu.*

Petra so capaploc'h da zistaga hor  
c'halon dious ar bed ha d'hon excita  
da gundui vuez christen, eguet ar  
sonch eus ar maro? Petra so creoc'h

64 *Evit Merc'her al Ludu.*

evit touich ha convertissa ur pec'her caledet en e zisurz; petra so proproc'h evit consoli un den just en e boaniou hac en e afflictionou, eguet ar sonch eus e fin diveza? Songit er maro, ha ne bec'hot morse : songit er maro, hac e servichot Doue gant ferveur.

Pet occasion a gavàn-me bemdez da songeal er maro! Guelet a ràn bemdez re-all o vervel, pere a lavar din : hirio evidòn, varc'hoasevidoud. Cousquet a ràn er guele e pehini e tleàn mervel : mont a ràn bemdez d'an Ilis da behini e vezin douguet un deiz : pidi a ràn var beïou va zud coz : querzet a ràn var an douar dindan pehini e vreïn : cleout a ràn bemdez o son ar memes cloc'h pehini a avertisso ar re-all eus va maro : santout a ràn memes infirmiteou pere am avertis avoalc'h n'am eus muy cals a amser da veva.

2 *P.* Evit ma vezo ar sonch eus ar maro profitabl evidoc'h, livirit deoc'h hoc'h-unan : mervel a rìn : ar c'horfmâ a'behini e quemeràn quement a sourci a vreino hac a vezo rentet e



ludu : ar bad ne vezo muy netra evidon : ancouet e vezin ennàn evit bepret. Mar quivit ar sonch-ze trist ha c'huero, ar feiz hac an esperanç en doussaï, hac e rento consolant evidoc'h.

Ne d'eo quet avoalc'h songeal e teui ar maro, ret eo songeal e teui souden. Ar vuez-mâ a so ber : tremen a ra evel ar squeud; ar maro ne ell quet eta beza pell diouzomp. Livirit eta alies deoc'h hoc'h-unan : ar bloaz-mâ, ar sizun-mâ, an deiz-mâ a ell beza an diveza eus va buez. Guelet a ràn re all o vervel pere a oa quer yaouanc ha quen dispos ha me. Meur a hini a vez surprenet gant ur maro subit e creiz ho nerz hac o brud. Ar memes tra e ell erruout guene-me; ret eo din eta en em zerc'hel var evez gant aon na venn surprenet : ret é din regli ervad va buez : ret é din en em lacât e stad da vont dirac Doue pa bligeo gantàn va guervel : ret é din ober bremàn ar pezh a garren da veza grêt en heur ar maro : ret é din tremen peb deiz eus va buez evel pa dlesen mervel en deiz-ze.

*Guelit petra a raë muy a boan deoc'h var ho maro, ha quemerit ar resolution da lacât urz e quemense.*

*Guelit petra a illit da ober bremàn hac a garrac'h da veza grét pa viot en hoc'h heur diveza, ha quemerit ar resolution d'e ober.*

O va Doue me ho trugareca da veza roet din amser evit en em brepari da vervel; pelec'h e ven-me bremàn mar ho pize va surprenet ur bloaz so, dec, ugent vloaz-zo?

Petra a raën me, ma ve ret din mervel hirio?

#### EVITAR SUL QUENTA EUS AR C'HORAIS.

*Abrege eus an Aviel hirio.*

**J**ESUS goude beza yunet daou-uguent deiz en desert, en devoe naoun; hac an tantateur o tostaat outàn, a lavaras dezàn : mar d'oc'h Map Doue, chenchit ar mein-mâ e bara. Jesus a respontas : ne d'eo quiet ar bara hepquen a ra d'an den beva, mæs comsou Doue. An drouc-speret en alyas goudese d'en em deul eus a

c'horre an templ d'an traoun, oc'h  
ajouti penaus an Elez en soutenze.  
Jesus a respontas : scrivet eo, ne  
demptot quet Doue. Erfin an drouc-  
speret a zisquezas dezàn Rouantelejou  
ar bed, en ur brometi o rei dezàn, mar  
carre e adori. Jesus a lavaras dezâ ;  
en em denn, Satan, car scrivet eo :  
ne adorot nemet Doue hepquen.  
Satan en em retiras ; hac ar memes  
moment e tostaas an Elez eus hor  
Salver evit e servicha.

*Sant Vaze, Ch. 4.*

*Meditation var an Demptation.*

1 *P.* Exposet oump da un infinite  
a demptationou.

2 *P.* Perac e permet Doue e vemp  
temptet.

3 *P.* Ar voyen da resista ous an  
demptationou.

Adorit hor Salver Jesus-Christ  
pehini a bermet d'an drouc-speret e  
dempti, hac a souffr an humiliation-  
ze evit disqui deoc'h ar fæçoun da  
goumbati ous adversour hor silvidi-  
guez, evit meritout deoc'h ar c'hraç da

drec'hi e demptationou, evit disquez deoc'h penaus ne dleit quet esperout beza exant eus an tentation e pe stad bennac e veac'h, ha peguer santel bennac e ouffac'h beza.

Buez an den var an douar ne d'eo nemet ur bresel hac un dentation continuel : An drouc-speret hon tent, ar plijadurezou a drompl h'orc'halon, an afflictionou a ziscar hor c'houraich, hor mignonet hac hon adversourien, hor c'horf hac hor passionou, pep tra hon tent er hed-mâ.

2 *P.* Considerit penaus Doue a bermet e vemp tentet evelse, evit hon renta humbl, evit ober deomp anaout hor sempladurez, evit ober deomp disfiziout ac'hanomp hon - unan ha caout recours ountâ, evit distaga hor c'halon dious an traou crouet, evit rei deomp ar voyen da veritout curunen an Eê : ne deus quet a gurunen hep victor, ne deus quet a victor hep combat, ne deus quet a gombat hep tentationou hac adversourien. Mæs Doue ne bermet quet d'an drouc-speret hon tenti dreist hon nerz : hon

alya, hon incita a ell d'an drouc; mæs ne all quet hor c'hontraing, ne all trec'hi nemet an nep a fell dezàn beza trec'het.

Mar permet Doue e veac'h tentet, credit parfet ez eo ive atau prest d'ho sicour ha d'ho souten a enep adversourien ho silvidiguez; ho pezet eta recours ountàn, implorit e assistanç, hac e combato gueneoc'h hac evidoc'h. Mar hoc'h eus Doue en tu gueneoc'h, petra a ell ober en hoc'h enep hoc'h oll adversourien, ha rac petra a illit-hu caout aoun? E c'hraç a so creoc'h ha puissantoc'h eguet oll effort hoc'h adversourien, ha beza en deus un desir ardantoc'h d'ho savetei evit n'en deus an drouc-speret d'ho coll.

3 *P.* Evit resista eta ouz an dempation, goulennit sicour eus an Eê, ha liquit ho fizianç e Doue; mæs ive distiit ac'hanoc'h hoc'h-unan; pellaït diouz an occasionou dangerous. *Nep a gar an danger, en em gollo ennàn, eme ar Speret-Santel.*

Beillit varnoc'h hoc'h-unan, var

ho squianchou natural, ispicial var  
ho taoulagat.

Resistit ouz an demption quentre  
ma he santot : chasseit eus ho speret,  
pronta ma ellot, ar goal songesonou,  
evel ma taulac'h pront diouzoc'h ur  
c'hlaouen veo couezet var ho torn pe  
var ho tillad.

*Reflexion varnoc'h hoc'h - unan.*

*Hac en em servicha a rit-hu eus ar  
moyenou-má evit en em breservi diouz  
an demption ?*

Elec'h disfiziout ac'hanoc'h hoc'h-  
unan, beilla varnoc'h, evessaat ha  
pellaat diouz an occasionou dangerous,  
pet gueich n'hoc'h + eus - hu quet o  
c'hlasquet ha roet lec'h d'an drouc-  
speret d'ho tempti, ha pet gueich  
n'hoc'h eus-hu quet en em gollet en  
occasionou - ze ?

Anavezit ho faut hac ho maleur,  
ha guelit pe seurt resolution a gue-  
merot evit an amser da zont.

P E D E N .

O va Doue, c'hui pehini a hermet  
e vemp attaquet nos ha dez dre quel-

lies a demptation, va c'hreaït er resolution a guemeràn da ober va oll effort evit resista out-o. Ar c'hrao-ze a esperàn digant ho madelez infinit, pehini ho talc'h ehars ar re so affliget dre an demptation, evit ho frotegi, o difen hac o dilivra dre ur victor gloriüs.

---

EVIT AN EIL SUL EUS AR C'HORAIS.

*Abrege eus an Aviel hirio.*

**J**ESUS a bignas var menez Thabor gant tri eus e Ebestel, Sant Per, Sant Jacques ha Sant Yan, hac en em dransfiguras en o fresanç : e visaïch a zeuas da veza scler ha brillant evel an heaul, hac e viscamant guenn evel an erc'h. E Ebestel a velas er memes amser Moyses hac Elii oc'h en em antreteni gantâ. Sant Per leun a admiration hac a joa a lavaras : ô va Salver, peguen agreabl ha peguen douç eo beza amâ ! Peguen eürus en em guevomp-ni ! Ha mar plich gue-neoc'h, ni a savo amâ tri Zabernacl, unan evidoc'h, unan evit Moyses,

hac un all evit Eliü. N'en devoa quet achuet mad e goms, na voent goloet oll gant ur goabren gaër ha brillant, a behini e sortias ur vouez sclær ha divin pehini a lavare : Cetu aze va Map muya caret, an objet eus va c'harantez hac eus va c'homplesanç, chelaouit-èn. Jesus a zifennas out-o discleria abars e Resurrection ar pez o devoa guelet.

*Sant Vaze, Ch. 17.*

*Meditation. Doue a ra d'e servicherien fidel santout er bed-mâ memes ur joa interieur hac un douçder celestiel.*

Adorit ha meulit hor Salver pehini evit hor c'hourachi d'e servicha gant fidelite, a ro deomp er Mister-mâ eus e Dransfiguration ur merq eus e c'bloar hac eus an hini a brepar d'e servicherien ebars an Eê, hac a zisqueze deomp ouspen penaus e ra dezo santout er bed-mâ memes plijadurezou pur, douç ha consolant.

Doue ne zeport quet ar vuez-all evit recompanci e servicherien fidel, carga a ra er vuez-mâ o ene eus ur peoc'h,  
eus



eus ur joa pehini a santer guell evit  
ne allere explica.

*Peguer bras eo, ó va Doue, eme  
ar Profet, peguer bras eo an douçder  
hoc'h eus reservet d'ar re o deus ho  
toujanç?* Pebes douçder eta na rit-hu  
quet tånva d'ar re ho car hac ho  
servich a greis o c'halon!

Mar o deus guir servicherien Doue  
ur c'heuz hac un displijadur bennac,  
eo da veza e anaveet re divead; hac  
e leveront evel sant Augustin : O  
Doue a garantez ! guened ancien ha  
bepret nevez, re divead am eus ho  
caret !

Ret eo ansao cousgoude penaus an  
eneou mad n'emaïnt quet evit guir  
heb croasiou er bed-mâ; mæs cavout  
a reont ar c'hroasiou-ze douç hac  
agreabl, abalamour ma ouzont e ro  
Doue dezo neuse ur merq sensibl eus  
e garantez, ha penaus e roont ive de-  
zàn ur merq assur eus ho fidelite. Ar  
guel eus ar recompanç a esperont en  
Eê, o c'honsol hac ho c'hargla joa,  
eürus en em gavont d'en em velet  
neuse hènvel ous Jesus crucifiet; ha

E

beza o deus un assuranç moral eus e silvidiguez, pehini eo ar vrassa consolation a aller da gaout er vuez-mâ. *En em rejouissa a rùn em souffrançou, eme sant Paul, leun oùn a gonsolation ha leun a joa e creis va oll afflictionou.*

Considerit penaus evit caout ar joa spirituel-ze, ez eo ret caout ur goustianç pur ha net. Jouissa a reot eus ur repos douç, ma ne rebeich netra deoc'h ho coustianç : ar goustianç vad a so ur banquet delicias ha continuel. Ret e ouspen-ze renonç d'ar joaüsdet ha plijadurezou væn ar bed; ne illit quet en em rejouissa gant ar bed, hac en em rejouissa gant Doue.

*Reflexion varnoc'h hoc'h-unan.*

Ha c'hui hoc'h eus cavet biscoas ur gontantamant parfet e creis plijadurezou ar bed ? Ha ne vanque quet ato un dra bennac d'hoc'h eürusdet ?

Mar hoc'h eus servichet Doue ervad un amser bennac, a c'hui a so bet biscoas countantoc'h hac eürussoc'h evit ne voac'h neuse ? Ho pezet sonch eus an daëlou a zevotion hoc'h eus

scuillet en amser-ze; n'o deus-ii quet roet deoc'h muy a gontantamant, evit n'ho poa cavet e touez divertissaman-chou ha joaüsdet ar bed?

En em roit oll da Zoue, hac e velot ne deus quet brassoc'h plijadur er bed, eguet disprizout plijadurezou ar bed dre garantez evit Doue.

O va Doue, va c'hrouet hoc'h eus non pas evit ar bed nac e blijadurezou, pa ne allont quet contanti va c'halon; evidoc'h hepquen eo hoc'h eus va c'hrouet, ha ne gavin morse a repos quen a reposin enoc'h.

Ne gavin jamæs a vir gontantamant e meas ac'hanoc'h hac e meas eus ho servich. Grit dre ho craç n'am bezo quen desir nemet da blijout deoc'h, d'ho caret ha d'ho servichia, ha ma clasquin bepret enoc'h va oll gonso-lation, va oll joa, va oll eürusdet.

---

EVIT AN DREDE SUL EUS AR C'HORAIS.

*Abrege eus an Aviel hirio.*

**J**ESUS a chasseas un diaoul mud eus a gorf un den; ha pa en devoe e

E 1

chasseet, an den mud a barlantas. Jesus a lavaras goudese : pa vez sortiet ar speret impudic eus a un den, e ra e oll bossibl evit antren ennàn adarre gant seiz speret all creoc'h ha goassoc'h evitàn, hac an diveza stad eus an den-ze a zeu da veza goassoc'h eguet ar c'henta.

*Sant Lucas, Ch. ii.*

*Meditation var an affeil er pec'het,  
ha var ar voyen d'en em breservi  
eus ar maleur-ze.*

Considerit penaus ur pec'her pehini goude beza chasseet an drouc-speret eus e galon, hac en em reconciliet gant Doue dre ur goession vad, a zistro d'e bec'het, en em gaf en ur stad goassoc'h ha dangerussoc'h evit e silvidiguez, evit ne oa ar stad e pehini ez oa quent.

E bec'het a so brassoc'h ha grevusoc'h, car un disleal eo o vancout d'ar bromessa en devoa grêt da Zoue; hac un ingrat eo, pa zeu, elec'h anaout ar vadelez a Zoue d'e veza pardonet, d'e offanci a nevez : jugit a guemense

dreizoc'h hoc'h-unan. Goude ma hope pardonet da un den un offañ en deffe grêt deoc'h, ma teufe an den-ze d'hoc'h offanci adarre, ne gaffac'h-hu quet an eil offañ goassoc'h c'hoas evit ar c'henta? Ha ma hope-hu grêt hoc'h-unan quement-all da ur re bennac, n'en em gredac'h-hu quet indign da veza pardonet?

An affeil a rend ouzpen-ze difficultoc'h conversion ar pec'her, abalamour, da guenta, ma teu e galon da veza insansiploc'h ha caletoc'h; d'an eil, Doue dre ur bunion just a zeu d'e briva eus e c'hraçou special, a bere ez eo en em rentet indign dre e ingrateri ha dre an disprigeañ en deus grêt eus ar c'hraç hac eus ar pardon en devoa recevet; d'an drede, an drouc-speret o veza cavet ar voven da zistrei en e ene, a zeu de denti goassoc'h ha da redoubli e effort gant aoun na ve chasseet adarre.

2 *P.* Considerit ar moyennou pe remejou evit en em breservi dioc'h an affeil. Ar c'henta, beillit ha bezet bepret var evez gant aoun na veac'h sur-

prenet gant an drouc-speret; na songit  
 quet e veac'h en assuranc evit beza e  
 chasseet eus ho calon dre ar binigen,  
 ober a raï e oll bossibl evit antren  
 adarre. Eil remed, pellaït diouz an  
 occasionou, heb fiziout var ho nerz  
 na var ho resolutionou. An drede,  
 songit aviziou, ispicial pa viot tentet,  
 er bromessaou hoc'h eus grêt d'ho  
 confessor ha da Zoue; songit er va-  
 delez a Zoue da veza ho pardonet deja  
 meur a veich; penaus e ouffac'h-hu  
 neuse caout ur galon ingrat avoalc'h  
 evit e offanci a nevez!

*Reflexion varnomp hon-unan.*

Ha songet mad am eus-me biscoas  
 er maleur da behiui en em exposer dre  
 an affeil er pec'het?

Goude beza bet o cofes ha recevet  
 digant Doue ar pardon eus va fec'he-  
 jou, ne vevàn-me quet evel pa ne ve  
 muy danger ebet evidòn? Ha sourcius  
 oun-me da bellât diouz an occasionou  
 dangerus?

Beza ez oun-me humploc'h, o ve-  
 let va sempladurez ha va fragilite?

Disfiziout a ràn-me muy ac'hanon  
va-unan.

Sourciussoc'h oùn-me da gaout re-  
cours ouz Doue dre ar beden , ha re-  
sista a ràn-me gant muy a gouraich  
ouza va goal-inclinationou ha tentatio-  
nou an drouc-speret ?

O va Doue , evit en em viret diouz  
an affeil er pec'het , me a guemer hi-  
rio ar resolution da renonç a grenn  
d'an occasionou pere a so bet quer  
maleürus evidòn. Conservin a rin ive  
doun em c'halon ar memor eus ho  
misericord hac eus ar vadelez hoc'h  
eus bet da bardoni din ma fautou tre-  
menet , ha labourat a rin gant muy a  
sourci da vortifia ha da drec'hi va goal  
inclinationou ; mæs roit din , me ho  
supli , an nerz hac ar gouraich a bere  
am eus ezom.

---

EVIT AB PEVARE SUL AR C'HORAIS.

*Abrege eus an Aviel hirio.*

JESUS o veza gant e Zisquibien var  
ur menez en tu-all da vor Galile ,  
hac o velet ur foul a bobl o tont d'e  
heul , a behini e oa vardro pemp mil

E 4

den, a c'houlennas hac a oa bara avoalc'h evit rei da zibri d'an oll boblze. Respontet voe dezàn ne voa nemet pemp bara hey ha daou besq. Ordren a reas d'ar bobl asea; hac o veza roct e venediction var ar pemp bara hac an daou besq, e roas d'an oll que-ment hac a zesirent. Goude ma o devoa finisset da zibri, e lavaras de Zisquibien destum ar restachou, evit ne daze netra da goll, ha carga a rezont daouzec paner eus an tamou restet. Ar boblze o velet ar miracl en devoa grèt hor Salver, a fallas dezo e lacaat da Roue, mæs en em retira a eure diout-o.

*Sant Yan, Ch. 6.*

*Meditation var ar fizianç a dleomp da gaout e providanç Doue.*

*Ne deus netra ræsonaploc'h, netra avantajussoc'h evidomp, netra agreaploc'h da Zoue, eguet lacaat hon oll fizianç en e Brovidanç divin.*

Considerit da guenta penaus ne deus netra ræsonaploc'h eguet esperout gant fizianç e roi Doue deomp ar



pez a so necesser evit antreteni hor  
buez. Doue pehini a vag al laboucet  
eus an Eê, ne abandono quet e vu-  
gale. Hor c'haret a ra, anaout a ra  
hon necessiteou, ha prometet en deus  
e furnisso deomp hon oll ezomou.

Un den a fiz e yec'het en ur Medi-  
cin, e broces en un Avocat, hac e  
vuez, mar deo dall, en ur c'hroua-  
dur : hac e raëm-ni difficile d'en em  
abandoni etre daouarn Doue ?

Hac e vec'h paour, hac e vec'h car-  
guet a vugale, a afferiou hac a zle, hac  
e vec'h abandonet gant an oll, esperit  
ur sicour assuret eus an Eê, mar en  
em adressit da Zoue gant ur guir fi-  
zianç. Doue en em blich oc'h hor si-  
cour pa vemp dibourvez a bep sicour-  
all. Pa seblant pep tra desesperet,  
neuse e tleomp esperout muya, car  
er rancontrou-ze eo e ra miraclou,  
evel ma en deus grêt e faveur ar bobl  
pehini en heulias en desert. Ma son-  
chemp mad, e velfemp peguen alies  
en deus grêt Doue deomp santout an  
effejou douç eus ur brovidanç special  
varnomp.

D'an eil, ne deus netra guell evi-  
domp, eguet lacât hon oll fizianç e  
Doue. Peguen eürus eo nep en em  
abandon d'e brovidanç, hac en em  
repos var e vadelez! Netra n'en troubl,  
cousquet a ra e creis an tourmant  
abalamour ma oar eo Doue e bilot,  
e dad, e bastor, e refuich hac e  
brotecteur. Doue ive en em interes  
en e oll afferiou, Doue a ro e ve-  
nediction da guement a ra hac a an-  
trepren, pourvei a ra de oll necessi-  
teou ha doucaat e oll boaniou.

D'an drede, ne deus netra agreea-  
ploc'h da Zoue eguet ar fizianç hou  
eus ennàn; car dre eno e anaveomp  
hac e c'hlorifiomp e vadelez, e furnez,  
e buissanç. Netra ne douich muy hor  
c'halon eguet ar fizianç a zisquezer  
caout ennomp : jugeomp evelse eus a  
Zoue.

Examinomp hor c'halon, guelomp  
ha ni hon eus ur fizianç dign eus a  
vadelez an Autrou-Doue.

Mar doc'h nec'het gant hoc'h affe-  
riou pe gant o tle, da biou hoc'h  
eus-hu recours? Marteze d'ho migno-

net ha d'ho protectoret, heb songeal da recommandi hoc'h afferiou da Zoue pehini a zispos a bep tra.

En ho clênvejou ne glasquit-hu quet pep sort remejou, heb songeal mar-teze er Medicin souveren pehini hep-quen a ell ho para, hac heb pehini an oll remejou a so inutil ?

Mar d'oc'h paour na liquit-hu quet ho fizianç e certen tud charitabl ; ha mar deuont-y da vancout pe da ver-vel, n'en em abandonit-hu quet d'an dristidiguez ha d'ar chagrin, o cridi hoc'h eus collet tout, heb songeal penaus an Autrou-Doue en deus en e denzoriou pe-a-dra da bourvei d'hoc'h oll ezomou.

O va Doue, peguer mad lia peguen douç eo en em reposi var ar sourci eus ho providanç ! Seul-vuy e lequeomp hor fizianç enoc'h seul-vuy a sourci hoc'h eus ac'hanomp.

Va Doue, c'hui a so va zad, leun oc'h a vadelez evidòn, anaout a ret va oll necessiteou, penaus eta e ou-fen-me mancout da lacât enoc'h va oll fizianç !

**EVIT SUL AR BASSION.**• *Méditation var Passion hor Salver.*

**C**onsiderit penaus an Ilis a gom-  
manç hirio da represanti ar Miste-  
riou adorabl eus a Bassion ha Maro  
hor Salver, hac e continu bete an  
deiz eus e Resurrection evit hon  
alya d'en em applica en deiziou - mâ  
ispicial da gonsideri ha da anaout  
an obligationou infinit hon eus d'hon  
Redemptor Divin.

Unissit eta hoc'h intantion gant  
hini an Ilis, distroït un nebeut epad  
an amser santel - mâ ho sonch diouz  
ar sourciou all ha diouz afferiou ar  
bed, evit contempli un Doue o souffr  
hac o vervel evit ho Silvidiguez.

An anaoudeguez-vad a dleit dezàn,  
a dle hoc'h angagi da gontempli e  
souffrançou, evit compren an excez  
eus e vadelez hac eus e garantez en  
hoc'h andret, hac evit renta dezàn  
actionou a c'hraç.

Considerit ouspen quemense ar pro-  
fit a guevomp o contempli ar Bassion.

Ne deus netra, eme St. Augustin, profitaploc'h evit hor silvidiguez, eguet songeal alies er pez en deus anduret Map Doue evit hor savetei.

Ar pec'het, eme S. Gregor, ne allquet reing en ur galon pehini a zeu da gontempli Passion ha maro Jesus-Christ.

Ne deus netra quer rust na quer fachus, n'en andurot a galon vad, mar songit a barfetet e Passion hor Salver, eme Sant Isidor.

Peguer consolant eo evit ur pec'her penitant songeale Passion Jesus! O contempli e c'houliau sacr, hac o consideri neuse ez eo en em lequeet er stad-ze evit obteni dezàn remission e bec'hejou, e teu da gonceo un esperanç ferm eus e bardon.

Peguer consolant eo da ur Christen affliget contempli e Salver adorabl er groas, hac o vervel dre garantez evitan.

Pebes couraich a inspir Passion hor Salver da ur Christen evit ar souffrançou! Pebes horreur ous ar pec'het, pebes disprijanç evit plija-

durezou ar bed, ha pebes carante evit e Redempteur divin.

Peguen douç e vezo da un den pehini epad e vuez a vezo bet accustomed da gontempli Jesus-Christ crucifiet, hac en devezo labouret d'e imita, peguen douç e vezo dezàn en heur ar maro queimer e crucify etre e zaouarn ha mervel oc'h e gontempli!

O va ene, consider da Salver er Jardin Olivet e pehini e c'huesas an dour hac ar goad o sellet ous an nombr hac ar grevusdet da bec'hejou, evit pere e oa en em garguet da satisfia. Consider-èn etre daouarn ar Yusevien, consider e gurunen spern, e fas hac e gorf goloet a c'houliou hac a voad; consider-èn o touguen e groas var menez Calvar; consider-èn er groas; consider ar gouliou sacr eus e zaouarn, eus e dreit eus e gostez.

Ah! va ene, ha contempli a ellesde e boaniou quer criz, hep beza touichet ha mantret gant glac'har?

Guelit pe seurt action a c'hraç a fell deoc'h renta d'ho Redempteur divin; guelit dre be seurt carante e

*Evit ar Sul Bleuniou. 87*

desirit paea ar garante infinit en deus bet evidoc'h. Petra fell deoc'h-hu da ober, petra fell deoc'h - hu da souffr evit servich hac evit gloar ho Redemteur hac ho Toue :

Roit din, va Jesus, ur galon leun a anaoudeguez hac a garante evit ar vadelez infinit hoc'h eus bet evidon. Roit din ur galon dispozet ha prest da souffr ive dre garante evidoc'h.

*Ra vezo scrivet em c'halon  
Jesus hac e oll Bassion.*

---

#### EVIT AR SUL BLEUNIOU.

*Meditation var ar c'homsou - ma eus  
an Aviel hirio. Ecce Rex tuus venit  
tibi mansuetus : Cetu ama ho Roue,  
ho Toue, pehini a zeu davedoc'h  
leun a zouçder hac a vadelez.*

*Sant Vaze, Ch. 21.*

#### VAR AR BREPARATION ABARZ AR GOMMUNION.

*Diou gonsideration pere a ell con-  
tribui cals d'ho tisposi evit ober ur  
Gommunion vad ha santel. Ar  
guenta, songit piou eo an hini a zeu*

*davedoc'h. An eil, songit piou oc'h  
hoc'h - unan.*

**A** Barz tostaat ouz an Daul santel,  
considerit hoc'h eus an enor da  
receo un Doue eus ur Vajeste infinit.  
Mar en em breparer gant quement a  
sourci evit diguemeret ur Roue pe ur  
Prinç, ha mar douguer dezo quement  
a respet, petra ne dleit - hu quet da  
ober evit en em brepari da ziguemeret  
Roue an Eê hac an douar, ha gant  
pebes respet, gant pebes humilite ne  
dleit - hu quet e receo?

Songit penaus an hini a zeu dave-  
doc'h a so infinimant santel, gant  
pebes purete a galon e tleit - hu eta  
tostaat ous ar Sacramant divin - mâ?  
Peguer pur, peguen net e tle beza  
ho coustianç!

Songit ez iit da receo un Doue  
liberal, leun a vadelez hac a garante  
evidoc'h, pehini o tont d'en em rei  
e - unan deoc'h, a zeu er memes  
amser evit ho carga eus e c'hraçou.  
Gant pebes carante na dleit - hu quet  
mont daventàn evit e receo hac e  
logea en ho calon!



2 P. Considerit petra oc'h hoc'h-unan : considerit ho neant, ho paourente, ho miser, ho sempladurez, ho fragilite, ho pec'hejou tremenet, hoc'h ingrateri e quênver un Doue, pehini goude quemense tout a zisquez deoc'h c'hoas quement a vadelez.

*Ar reflexion parfet a reot var an diou gonsideration - ze ne ouffe quet mancout gant graç Doue da excita en hoc'h ene santimanchou bras a humilite, a gontrition, a garantez, hac un desir bras da receo un Doue quer mad, quer carantezus ha quen dign da veza caret.*

*Ne dleit morse Sacramanti heb caout ar santimanchou-ze en ho calon; mæs ive gant-o e illit tostaat ouz an daul santel; hac esperout gant fizianç e vezo ho Communion agreabl da Zoue, ha profitabl evit silvidiguez hoc'h ene.*

*Reflexion varnoc'h hon-unan.*

Ha sourcius oc'h-hu d'en em recueilli abarz ar gommunion, ha d'en em zisposi evit un action quer

santel, pehini eo ar brassa hac an  
 importanta eus ho puez ?

Ober a rit-hu neuse actou a feiz,  
 a adoration, a humilite, a gontrition  
 hac a garantez !

N'hoc'h - hu quet en em bresantet  
 aviziou ouz an daul sacr heb prepa-  
 ration ebet !

N'oc'h eus - hu quet credet ez oa  
 avoalc'h evit Sacramanti, beza bet  
 o côfes !

O va Salver ha va Doue, anaout  
 a ràn penaus ar pezh so caus ma tennan  
 quen nebeut a frouez eus va C'hom-  
 munionou, eo an nebeut a brepara-  
 tion a zigassàn evit receo ho Corf sacr  
 hac ho coad precius. Pardounit din  
 va negligeanç ; grit dre ho misericord  
 na dostain gueich ebet ouz ho Sacra-  
 mant adorabl nemet gant santiman-  
 chou bras a humilite, a respet hac a  
 garante ; grit dre ho craç ma vezo  
 bepret va c'halou un demeureanç  
 agreabl deoc'h ha dign d'ho receo.

*Mar gouzoc'h lenn, quemerit ar re-  
 solution, pa en em disposet da Sacra-  
 manti da lenn en ul lévr bennac an*

*Evit ar Yaou Amblit.* 91

*actou hac an oræsonou abarz ar Gommunion, ha goudese an oræsonou a so ive merquet eno, ho sicour a raïnt cals da Gommunia gant devotion, gant merit ha gant frouez. Cavout a reot an oræsonou - ze en Heuriou Brezonec, e fin lévr an Imitation, hac en Catechis an Escopti - má.*

---

EVIT AR YAOU AMBLIT.

*Meditation var an Action a c'hraç goude ar Gommunion.*

1 P. An obligation hon eus da ober neuse hon action a c'hraç.

2 P. E pe façoun e tleomp e ober.

**C**onsiderit penaus goude ma hoc'h eus bet an heur da Sacramanti, e tleit choïn ur maread amser en llis evit trugarecât Doue : meur a ræson hoc'h oblich da guemense.

Da guenta, an anaoudeguez-vad a dleit da Zoue evit ar brassa eus an oll donæsonou pehini en deus grêt deoc'h.

D'an eil, ar respet a dleit d'ar vajeste eus a Zoue pehini hoc'h eus an eur da bossedi en ho calon.

D'an drede, an exempl vad a dleit da rei d'an nessa.

D'ar bevare, ho profit hoc'h-unan ; car trugarecât Doue eus ur c'hraç, eo meritout receo digantâ graçou nevez. Neuse ive ema an anser ar favorapla evit obteni e sicour hac e assistanç en hoc'h oll ezomou.

Ouzpen-ze pebes consolation, pebes joa interieur, pebes douçder ne santer quet er mare - ze oc'h en em antreteni calon-a calon gant e Zoue !

2 P. Considerit petra a renquit da ober en hoc'h Action a c'hraç.

Da guenta, adorit Jesus - Christ pehini hoc'h eus an heur da bossedi enoc'h, ar Roue a c'hloar pehini a ra eürusdet ar Sânt hac an Ælez en Eê.

D'an eil, d'e drugarecât gant an oll ferveur a behini oc'h capabl, eus ar vadelez en deus bet d'ho pisita ha da antren en ho calon.

D'an drede, evel ma zeo e garantez e deus grêt dezâ en em rei deoc'h, rentit dezàn carantez evit carantez.

Ne d'eo quet necesser evit ober quemense, lavaret cals a dra : oc'h en

em humilia hac oc'h en em zerc'hel  
en ur silanc leun a respet, a admira-  
tion hac a garante dirac Jesus-Christ,  
e illit e adori hac e veuli; ha renta  
dezàn actionou a c'hraç quer couls,  
ha martese guell, evit na raec'h dre  
gals a oræsonou.

D'ar bevare, goude beza en em  
acquitet eus an deveriou-ze a respet  
hac a garantez e quénver hor Salver  
adorabl, exposit dezàn gant fizianç  
ho poaniou, ho miseriou, ho tempta-  
tionou, ho sempladurez, ha goulennit  
digantàn ar graçou a bere hoc'h - eus  
ezom. Ha betra e ouf - èn ho révus,  
goude beza en em roet e-unan deoc'h?

En em arretit goude un nebeut  
amser da chelaou e goelet ho calon  
petra a c'houlén ive Jesus - Christ di-  
gueneoc'h, ha mar desirét e accorde  
deoc'h ar pez a c'houlennit digantàn,  
accordit dezàn da guenta ar pez a  
c'houlén digueneoc'h.

*Reflexion varnoc'h hoc'h - unan.*

N'am eus-me quet manquet aviziou  
da renta graç da Zoue goude ar  
Gommunion.

N'ouñ-me quet sortiet eus an His  
quer buan n'am boa Sacramantet.

Lavaret a ràn ur beden benâc, mæs  
ha songeal a ràn-me er principala tra  
a dleàn neuse da ober, pehini eo con-  
sideri ar graç caër am eus recevet,  
consideri ar vadelez eus a Jesus-Christ  
da veza deut d'am bisita ha d'en em  
rei e-unan din? Songet am eus-me  
d'e adori, d'e drugarecât, da renta  
dezâ carantez evit carantez?

Ne doùn me quet bet o Sacramanti  
heb goulen graç ebet digant Jesus-  
Christ, na quemer resolution vad  
ebet?

Mar em eus lavaret devotamant ar  
pedennou merquet en Heuriou evit  
an action a graç, n'am eus-me quet  
credet em boa grêt tout, ha n'em boa  
muy netra da ober, heb songeal da  
veilla goudese gant muy a sourci var-  
nòn ma-unan evit conservi ar c'hraç  
em boa recevet?

### P E D E N .

Pardonit din, va Doue, an nebeut  
a sourci am eus bet bete vremen da

ober ervad va action a c'hraç, aoun bras am eus na ve quemense caus ma em eustennet quen nebeut a frouzeus aguement a goumunionou am eus grêt

Gant pebes devotion ha pebes constantamant a raën-me, o va Doue, va Action a c'hraç, ma en em dennen eus an Daul santel gant ar ferveur admirabl a sant neuse an eneou mad ha devot ! Lamit, me ho suppli, o va Jesus, lamit ar yenien eus va c'halon, hac alumit en-hi an tâu eus ho carantez, evit ma lacain va oll joa d'ho trugarecât eus ar c'hraç caër hac eus an donæson precius a rit diner goumunion santel.

---

EVIT GUENER AR GROAS.

*Meditation var maro hor Salver.*

Contemplit Jesus-Christ hor Salver adorabl o pignat var menez Calvar, carguet eus e Groas ha curunet a spern. Arousi a ra an hent gant e voad, huanada a ra dindan ar boues eus e Groas.

Jesus en deus douguet e Groas,

96 *Evit guener ar Groas.*  
mar fell deoc'h beza e zisq'ib ,  
renquit en heulia en ur douguer  
hoc'h hini. Dre an hent-ze hebquer  
eo illit erruout en Eê.

Jesus a so disquenet eus an Eê var  
an douar evit clasq ar groas ; ha  
c'hui , petra na rit-hu quet evit te  
c'het diouz ar c'hroasiou a zeu deoc'h  
eus an Eê ? Ah ! ma oufac'h ar faveur  
a ra Doue deoc'h , pa ro deoc'h occa-  
sion da souffr un dra bennac dre  
garantez evitan , ho pe joa hac e teu-  
fac'h d'e drugarecât.

En em humiliet o velet ne illit an-  
duri netra evit un Doue pehini en  
deus anduret quement evidoc'h.  
Acceptit eus a vremen a galon vad  
an oll groasiou a bermeto Doue a  
errue gueneoc'h.

2 *P.* Contemplit ho Toue var ar  
Groas ; en em arretit amà un nebeut  
evit consideri e zaouarn hac e dreit  
treuzet gant tachou evit consideri e  
voad o redec eus e c'houliou sacr.  
Contemplit Jesus ho tad , ho pastor ,  
ho squer , hoc'h esperanç unic , o  
vervele creisar c'hruela tourmanchou  
Mervel



Mervel a ra dre garantez evidoc'h,  
mervel a ra evit rei deoc'h ar vuez,  
mervel a ra evit ho tilivra eus ar  
maro eternal.

Ha c'hui a ouffe revus dezàn ho  
carantez ! Ha c'hui a ve quen ingrat  
d'er c'hrucifia a nevez en ho calon  
dre ar pec'het !

An heaul a gollas e sclærigen pa  
varvas Jesus, ar voâl eus an Templ a  
rogas e daou-anter, an douar a grenas,  
ar vein a fraillas ; ha beza e viot-lu  
caletoc'h hac insansiploc'h evit ar  
c'herrec !

Goëlit, eneoù innoçant gant an  
Itron Varia ha S. Yan eharz troad ar  
Groas ; Jesus en deus sacrificiet e vuez  
dre garantez evidoc'h.

Goëlit, pec'herien penitant, gant  
Mari-Madalen : ho pec'hejou a so caus  
eus a boaniou ha maro Jesus-Christ.

Goëlit, pec'herien obstinet, gou-  
lennit misericord gant al laër deou ;  
Jesus a resuscito leun a c'bloar, beza  
e vezo Barner ar re veo hac ar re varo.  
Ma ne brofitet quiet eus e Bassion ; ho  
quervel a raï un deiz dirac e Dribunal,

F

evit goulen ouzoc'h ræsoun eus e Varo ; rac-ze ma ne fell quet deoc'h en em goll, en em brosternit d'e dreit, goulennit digantâ pardoun eus ho pec'hejou, goulennit ar c'hraç eus ho conversion ; hac evit satisfaction eus e Varo a behini ez oc'h caus, prometit dezàn d'e servicha hiviziquen gant fidelite, bete mervel dre garantez evintâ gant ar sicour eus e c'hraç. An amser-mâ a so propr evit en em gontvertissa : Doue a scuill e c'hraçou gant aboundanç en deiz santel-mâ.

O c'hui, piou bennac a vec'h, adorit Jesus - Christ var ar Groas, deut d'e drugarecât da veza souffret ar maro evit rei deoc'h ar vuez, ha livirit dezàn.

O va Jesus, ansao a ràn ez ouñ coupaploc'h evit ar Yuzevien : me eo, sioaz din ! me va - unan eo, ma fec'hejou eo o deus ho lequeet en ur stad quen truezus. Me ho suppli dre ar goad precius hoc'h - eus scuillet evidoun, da rei din guir glac'har ha contrition.

**Ra varvin gueneoc'h, va Salver, ra**

varvin d'an drouc - speret , ra varvin da garantez ar bed , ra varvin din va - unan. Ya , o va Jesus maro dre garante evidoun , mervel a ràn hirio dre garante evidoc'h , d'ar pec'het-ze , d'ar goal inclination-ze e pehini n'em eus bevet nemet re , siouaz din !

---

EVIT AR SUL PASQ.

*Abrege eus an Aviel hirio.*

**M**Ari-Madalen , Mari Mam da Sant Jacques , ha Salome en em rentas var bez Jesus - Christ da sao Heaul. Guelet a rezont eno un Æl didan furna un den yaouanc guisquet e guenn , pehini a lavaras dezo : Clasq a rit Jesus a Nazaret , pehini a so bet crucifiet : ressuscitet eo , n'ema quet amâ ; iit da lavaret da Bêr ha d'e Zisquibien , penaus e vezo arauzoc'h e Galilee : eno eo er guelot , hervez ma en deus-èn prometet deoc'h. *S. Marc*, C. 16.

*Meditation var Resurrection hor  
Salver.*

Considerit gloar Jesus - Christ er moument ma ressuscitas. Ret ve compren ar souffrançon hac an humi-

liationou en devoa anduret en amser eus e Bassion, evit compren ar gloar eus e driomphi. Sortial a reas eus ar bez caëroc'h ha brillantoc'h infinimant evit an Heaul.

An Ælez oll a zeuas d'e adori evel o Roue hac o Mæstr souveren; hac an eneu pere en devoa delivret eus al Limbou ne heanent oc'h e veuli hac o renta dezàn actionou a c'hraç.

Apparissa a reas d'e Vam benniguet, d'e Ebestel ha da gals a eneu devot. Comprenit, mar d'eo possibl, ar joa e devoe e Vam eürus oc'h e velet er stad-ze a c'hloar. Considerit ar joa o devoe e zisquibien pa velsont o Mæstr adorabl pehini a oa o oll esperanç; comprenit ar gonsolation, an douçder, ar ravissamant a sant-zont en o c'halon.

Beza hon eus oll ar memes ræsoun hac ind-y d'en em rejouissa, pa zeo ivez Resurrection hor Salver an erres eus hor Resurrection da zont, hac ar font eus hon oll esperançou. En em rejouissomp eta en deiz santel - mâ o contempli Myster ar Resurrection

pehini a so ur sujet quer bras a fizianç  
hac a gonsolation evidomp.

Petra so capaploc'h d'hor c'honsoli  
en hor poaniou hac afflictionou en  
draounien-màn a zaëlou, eguet con-  
sideri penaus ar vuez poanius-mâ ha  
leun a viseriou a vezo chènchet en ur  
vuez leun a c'hloar, leun a gountan-  
tamant hac a eürusdet.

An esperanç-ze da ressuscita un deiz  
a so bet consolation ar Sænt epad ma  
o deus bevet var an douar. An espe-  
ranç-ze e deus grêt dezo disprizout ar  
vuez-mâ, hac e deus o c'hourachet da  
braticapep sort vertuziou. Deportomp  
eveldo ur resurrection glorius, ha  
labouromp ive d'e meritout dre hon  
œuvrou - mad ha dre ur vuez santel.

Ya, va Salver ha va Doue, me a  
gred ez oc'h ressuscitet, hac ~~esper~~ an  
eus penaus, mar perseveràn en hñ  
servich hac en ho carantez, em res-  
suscitot ive evit beva eternellamant  
gueneoc'h.

*Redoublit ho tevotion hac ho ferveur  
en deiz-mâ pehini a so ar brassa hac ar  
solenna eus ar bloaz. Mar deus un de-*

*vez ar bloaz hac a dle beza consecret antieramant da Zoue, eo certenamant an deiz santel-mâ, pehini a so dre excellanç devez an Autrou-Doue. Roit-èn oll dezàn, heb rei netra d'ar bed, na d'ho plijadurezou, na d'hoc'h affe-riou. Ar beden, al lecturiou a zevotion, frecantation ar Sacramanchou, bisitou an Ilisou, an œuvrou a garantez; cetu aze ar pez a dle occupi hivio pep christen.*

---

### EVIT AL LUN PASQ.

#### *Meditation var ar Resurrection spirituel eus hon eneou.*

**C**ONSIDERIT penaus ar pez a zesir an  
 Illis digant he bugale er goueliou-  
 mâ, eo o guelet o coumanç ur vuez  
 nevez, hac o ressuscita spirituelamant  
 d'ar c'hraç, ec'his ma eo ressuscitet  
 Jesus-Christ da ur vuez glorius. Rac-  
 ze ivez e ordren dezo purifia o eneou  
 dre ar Sacramant a binigen, ha receo  
 ar guir bara a vuez.

Mæs considerit penaus evit ressus-  
 cita e guirionez, penaus evit ober ur

Pasq mad, ne d'eo quet avoalc'h cofes a sacramanti, ret eo c'hoas mervel d'ar pec'het, ret e renonç d'ar pez a so bet caus deoc'h da bec'hi, ret eo labourat da drec'hi ho coal-inclinationou, ret eo cundui ur vuez puroc'h ha santeloc'h.

Petra servich deoc'h accusi ho pechejou, gouela, hirvoudi, en em humilia dre ar binigen, ma ne zenchit a vuez?

Pegument a dud a dosta ous ar Sacramanchou en amser santel-mâ, hac a seblant beza ressuscitet; mæs peguen nebeut a zeu e guirione da ressuscita! Cals a goessionou a veler da Basq: hac èn a veler oals a gonsersionou.

Mar hoc'h eus grêt deja ho Pasq, examinit ha c'hui hoc'h eus-èn grêt gant an dispositionou requis. Quemeret hoc'h eus-hu ur resolution ferm da bellaat diouz an occasionou dangerous evit ho silvidiguez?

Resolvat mad oc'h-hu da resista ouz ho coal-inclinationou? Cenchet hoc'h eus-hu buez?

Ma ne doc'h quet en em acquittet c'hoas eus ho tever pascal, liquit evez n'en em bresantac'h evit e ober, heb caout en ho calon an dispositionou.

2 *P.* Considerit penaus ne d'eo quet c'hoas avoalc'h beza ressuscitet da ur vuez neve dre ar c'hraç, ha beza grêt resolutionou mad, ret eo ive quemer an oll moyenou evit conservi ar vuez neve-ze.

Beillit eta bepret var ho calon, bezit ato var evez, ne ancouait morse penaus emaouc'h etouez adversourien ho silvidiguez, ha var ur mor leun a zangerou. Disfiziet eus ac'hanoc'h hoc'h-unan : tostait alies ouz ar Sacramanchou gant dispositionou santel : ho pêt un devotion special evit an Itron Varia hac evit hoc'h Æl mad : pedit-o da obteni evidoc'h digant Doue ar c'hraç da breservi bete'r fin en e garantez.

Songit pegument a dâl ar c'hraç : beza ez eo ar pris eus a oll goad Jesus-Christ : pebes maleur ve evidoc'h coll ur c'hraç quer precius ! Un tensor eo, conservit-en gant sourci, ha sa-



crifiet pep tra quant evit coll ar c'hraç.

Na vanquit devez ebet da c'houlengant ferveur ar chraç caër eus ar berseveranç ; un donæson eo a Zoue, pehini a renquer da c'houlen bemdez.

O va Doue, grit din ar c'hraç da berseveri en ho servich, en ho tougeanç hac en ho carantez.

---

EVIT AR MEURS PASQ.

*Abrege eus an Aviel hirio.*

JESUS a apparisas d'e Zisquibien Jgoude e resurrection, hac a lavaras dezo : ar peoc'h ra vezo gueneoc'h ; disquez a reas dezo ar gouliou eus e zaouarn, eus e dreit hac eus e gostez sacr. Explica a eure dezo ar Scritur santel e pehini e oa parlantet anezàn hac e ajoutas penaus e oa ret e andurze hac e ressuscitze an trede deiz, ha ma vize prezeguet ar binigen ha remission ar pec'hejou en e hano d'an oll nationou eus ar bed.

*Sant Lucas, Ch. 24.*

*Meditation var ar pemp Gouli.*

I P. Gouliou hor Salver a so ur

sujet a fizianç evit ar bec'herien pere a zesir en em gonvertissa.

2 P. Beza ez int ur sourcen a gon-solation evit ar re just.

Considerit penaus ez eo evit hon avantaich en deus hor Salver conser-vet e C'houlou sacr goude e Resur-rection; ha penaus evel ma en deus o disquezet d'e Ebestel evit o c'hreât er feiz, o disquez c'hoas brema, evit inspira deomp ur fizianç parfet en e visericord hac en e vadelez infinit.

Peguer bras pec'her bennac e vec'h eta, na zisesperit quet eus ho sil-vidiguez. Ha doueti a illit-hu eus a garante Jesus? Ha songeal a illit-hu ne ve quet capabl e voad precius da voelc'hi ho pec'hejou? Ha songeal a rit-hu penaus ar goad pehini a so sortiet eus e c'houlou sacr ne ve quet bet scuillet evidoc'h?

Ah! chelaouit petra lavar e-unan deoc'h ho Salver carantezus hac ho Pastor mad : *Da glasq ar bec'herien eo oun deut. Ne fell quet din maro ar pec'her, mæs e gonversion. Muy a joa a vezo en Eé var ur pec'her pehini*

*a ra pinugen , eguet var naontec ha pevar ugent just.*

En em dennit er Gouli eus e gostez, hac e lavaro deoc'h : ene paour, ha c'hoant am be-me da condaouni, goude ma em eus scuillet bete ar berad diveza eus va goad evidoud ? Va divrec'h a so astennet, va c'hostez ha va c'halon a so digor evit da receo.

Credit parfet en deus Jesus ur guir volonte d'ho savetei, car ne zesir netra gant muy a ardeur eguet silvidiguez an oll. Map den ne d'eo disquennet eus an Eê var an douar, ha ne d'eo maro, nemet evit hor savetei ; hac ouspen-ze hor silvidiguez a so ar recompanç eus e labourou, hac ar gonsolation eus e boaniou.

Credit certes penaus an defaut a fizianç e madelez an Autrou-Doue , a ve ur pec'het brassoc'h eguet hoc'h oll disurzou assambles. Hac e tremense ho pec'hejou e nombr hac e grevusdetan ollgrimou a so bet hac a vezo biquen coumetet var an douar, e vadelez a so c'hoas brassoc'h, e vadelez a so infinit. Jesus-Christ en deus sa-

tisfiet evidoc'h : appliquit deoc'h ar satisfaction-ze dre ur guir gonversion : detestit ho pec'hejou gant ur guir glac'har, ha bezet assur eus ar pardon anezo.

2 *P.* Ne deus netra consolantoc'h evit ur C'hristen mad, eguet contempli gouliou hor Salver. Eno e quef e gonsolation en e oll boaniou hac afflictionou. Eno e tesq anduri pep tra dre exempl Jesus-Christ. Pa gonsider ar pez en deus souffret e Salver dre garantez evitan, e cred penaus i e allquet anduri avoalc'h evit disquez ive dezàn e garantez hac e anaoudeguezvad. Contant en em gaf ha leun eo a joa e creis ar boan, ar baourente, ar c'hlènvèt, an humiliationou, ar c'hroasiou, abalamour ma en em vel hènvel ouz Jesus crucifiet, ha ma esper penaus goude beza bet lod en e souffrançou var an douar, en devezo ive lod eus e c'hloar ebars en Eè.

Peguer consolant ha peguen douç a devezo da ur C'hristen pehini en e vuez en devezo bet d'alc'het un devotion special evit ar pemp gouli, hac  
en

en devezo grêt e bossubl da imita  
e Salver crucifiet, peguen douç,  
emoun-me, e vezo dezàn en heur ar  
maro quemer e grucify etre e zaouarn  
ha mervel oc'h e gontempli? Pebes  
fizianç n'en devezo-èn quet ê Croas  
Jesus-Christ, en e C'houliau sacr hac  
ergoad precius en deuscuillet evitàn?

Peguen douç eo mervel etre di-  
vrec'h ar Groas da nep en deus-hi  
caret epad e vuez!

---

EVIT SUL AR C'HASIMODO.

*Abrege eus an Aviel hirio.*

**J**esus o veza apparisset d'e Zisqui-  
bien goude ma voe ressuscitet, Sant  
Thomas pehini ne voa quet en em  
gavet neuse gant ar re-all, ne fallas  
quet dezàn e gridi, pa el leversont  
dezàn. A ben eiz dez goude, Jesus a  
apparissas c'hoas d'e Zisquibien en  
amser ma oant oll assembles. Lavaret  
a eure dezò : **AR P'EOC'H RA VEZO GUE-  
NEOC'H.** Goudeze e lavaras da Dho-  
mas : sellit ouz va daouarn, sellit ouz  
va gouliau, liquit ho tourn em c'hos-

G

tex, ha ne vezet quet incredul, mæs fidel. Sant Thomas a respontas : va Salver ha va Doue. Jesus a ajoutas : credet hoc'h eus, Thomas, abalamour ma hoc'h eus guelet : eürus ar re a gred, heb beza guelet.

*Sant Yan, Ch. 20.*

*Meditation var ar Peoc'h.*

*Ret eo caout ar Peoc'h gant Doue,  
gant an Nessa, ha gueneomp hon-  
unan.*

*Ar voyen da gaout ar Peoc'h - ze  
quen desirabl.*

Considerit penaus evit caout ar peoc'h gant Doue, ez eo rêt beva en e c'hraç, en e zoujanç hac en e garantez. Ne deus quet a beoc'h evit ar re impi, eme ar Speret-Santel. Penaus e ouffe un ene beza e peoc'h, o veza emeas a c'hraç Doue, hac o velet an danger e pehini emma d'en em goll da james? An hini n'ema quet mad gant Doue, penaus e ouf-èn en em gavout mad ganta e-unan? Nep n'en deus quet graç Doue, ne ouffe quet en em gavout countant, pa'en defe e-unan

oll vadou hac oll plijadurezou ar bed.

2. *P.* Ret eo beva e peoc'h gant an Nessa. Ne viot quet mad gant Doue, ma n'hoc'h eus ar peoc'h gant ho Nessa. An humilite a gonservo ar peoc'h-ze. Beza ez eus bepret division pe vresel etre ar re superb; ne ellont quet chom o-unan, na lesel ar re-all e repos. Mæs un den humbl a suport gant patientet defautou hac imperfectionou ar re-all; maga a ra bepret ar peoc'h, en em ober a ra gant pep-unan, hac an oll a so a-unan gantàn.

3. *P.* Evit caout ar peoc'h gueneoc'h hoc'h-unan, trec'hit da guenta ho coal - inclinationou; ind-y eo a droubl repos hoc'h ene: ne ouffac'h biquen o c'hontanti; seul vuy a accordot dezo seul vuy e c'houlennint, ha seul-vuy ho tourmantint.

D'an eil, en em gountantit eus ho stat: Doue a oar petra so necesser deoc'h; marteze e vizac'h-hu en em gollet ma ho pize bet muy a vadou, muy a yec'het, muy a speret.

Songit penaus e permet Doue quement a erru gueneoc'h, evit e c'hloar

hac evit ho profit, hac en em guesot countant petra bennac a ouffe er-ruout. O peguer consolant eo da un éne affliget songeal ha lavaret : Doue a fell dezàn em be ar boan-mâ, an affliction-mâ, ma avantaich eo. Pebes repos a sant e goelet e ene an hini a lavar gant sincerite : va Doue, me en em abandon etre ho taouarn ; ne zesiràn nemedoc'h, va Doue, enoc'h ema va fizianç.

Erfin ho pêt ur goustianç pur ha net, hac e jouissot atau eus ur peoc'h pehini ne ouffe quet beza troublat gant tra ebet. Coustianç ur pec'her ne hean oc'h e dourmanti e peb-lec'h ; ha coustianç un den just a so ur sourcen a joa hac a gountantamant. Coustianç ar re vechant a so un Ifern ; coustianç ar re vad a so ur Barados.

*Reflexion varnomp hon-unan.*

Ha beza am eus-me ar peoc'h gant Doue ? Ha lavaret a allàn-me am eus gret va fossubl evit en em lacât mad gant ma Doue ? Va c'houstianç ha ne rebeich-y netra din ?

Penaus e vevàn-me gant va nessa ?



Supporti a ràn-me gant patientet e humor, e zefautou, e imperfectionou? Ne doun-me quet va-unan chagrinus, scandalus, turbulent.

Ha beza am eus-me ar peoc'h enòn ma-unan? En em gountanti a ràn-me eus va stad hac eus va c'houdition? Souffr a ràn-me ma foaniou a galon vad? En em soumeti a ràn-me e pep tra da volònte Doue?

O va Doue, grit ne ancounac'hain morse penaus ne allàn quet caout ar peoc'h interior hac ar repos a goustianç nemet en ur veva en ho craç hac en ho carantez, en ur supporti va nessa gant patientet, en ur drec'hi va goal-inclinationou, hac en ur souffr ar poaniou eus ar vuez-mâ gant ur resignation parfet d'ho polonte divin.

---

EVIT AN EIL SUL GOUDE PASQ.

*Abregé eus an Aviel hirio.*

**J**esus a lavaras d'ar Farisianet : me eo ar Pastor mad. Ur Pastor mad a expos e vuez evit e zêved. Anaout a ràn va dêvet, ha va dêvet em anaf,

G 3

ha rei a ràn va buez evit-o. Beza em eus c'hoas dênvet-all pere ne dint quiet ac'han. Me o digasso hac o laçai oll assambles. Chelaou a raïnt va mouez : ne raïnt muy nemet ur vandenn, ha ne vezo nemet ur Pastor.

*Sant Yan, Ch. 10.*

*Meditation var ar Pastor mad.*

1. P. Jesus a so hor Pastor mad, leun a vadelez hac a garantez evidomp

2. P. Ha beza ez omp-ñi dênvet mad ha fidel dezàn ?

Ur Pastor mad a gar e zênvet, o c'hundui a ra d'ar guella peuri ; querzet a ra arauzo evit o zenna var e lec'h ; o difen a ra ouz ar bleizi ; guervel ha clasq a ra ar re dianquet, hac exposi e vuez evit-o. Un hevelep Pastor en em acquit ervad eus e zever hac a verit beza meulet.

Mæs considerit penaus Jesus-Christ, pehini eo ar Pastor fidel, ar Pastor mad dre excellanç, a ra evidomp muy infinimant evit quemense. Hor c'haret a ra, hac hor c'haret en deus a bep eternite ; pourvei a ra d'hon oll ezo-

mou quen spirituel quen temporel ,  
hor maga a ra gant e Gorf sacr hac e  
Voad precius ; disquez a ra deomp an  
hent eon eus an Eê dre e exempl ha  
dre e zoctrin divin comprenet en  
Aviel ; querzet a ra arauzomp gant e  
Groas ; hon difen a ra ouz an drouc-  
speret , hor c'hlasq a ra pa vezomp  
faziet var an hent mad , hor guervel  
a ra dre e inspirationou hac e c'hraçou  
da zistrei davet-àn , ha roet en deus e  
vuez evit miret na vizemp collet.

O Pastor carantezus , peguer bras  
eo ar sourci a guemerit ac'hanomp !  
Piou a ouffe compren ho madelez hac  
ho carantez ? Pebes actionou a c'hraç  
na dleomp-ni quet da renta deoc'h ?

2. P. Un danvad mad a c'heleo  
mouez e Bastor , dont a ra davetàn  
querquent ha ma er galf , en em bli-  
jout a ra en e guichen , hac en heulia  
a ra e peb lec'h.

Consider , va ene , dre ar mercou-ze  
ha te a so un danvad mad ha fidel da  
Jesus-Christ. En em blijout a res-de  
en e gompaignunez ? Ha joa a c'heus-  
de o songeal ennàn , oc'h en em an-  
treti gantàn en oræsoun ? G 4

Chelaou a res-de e vouez pa barlant ouzoud interioramant, ha pa zeu d'a quervel dre ar Bredicatoret ha dre ar re o deus ar garg ac'hanoud ?

Heulia a res - de Jesus - Christ ?  
Heulia a res-de ar reglennou santel en deus roet did en e Aviel ?

Na heulies-de quet reglennou ha quisou fall ar bed ?

O va Salver, va oll sclærigen ha va oll souten, va oll esperanç ha va oll gonsolation, ne doùn en assuranc nemet etre ho tivrec'h. Mar pellaàn diouzoc'h, emaoùn en danger da veza devoret, evel un dånvad pelleet diouz e Bastor.

Pa hoc'h eus ar vadelez da veilla continuelamant varnòn, grit dre ho craç ma ho considerin ha ma ho carin bepret evel ma Fastor carantezus ; grit na chelaouin nemet ho mouez ; grit din querzet gant joa en hent eus ho Courc'hemennou, douguen va c'hroas var ho lec'h, hac hoc'h heulia partout elec'h ma plijo gueneoc'h.

## EVIT AN DREDE SUL GOUDE PASQ.

*Abrege eus an Aviel Iurio.*

Jesus a lavaras d'e Zisquibien souden n'am guelot muy, ha da beñn un nebeut amser goude - ze em guelot adarre; car mont a ràn da gavout va Zad. E guirione, el lavaret a ràn deoc'h, va Disquibien guæz, c'hui a vezo affliget er bed-mâ, c'hui a voelo hac a hirvoudo, ha tud ar bed en em rejouisso; c'hui a vezo en dristidiguez, mæs ho tristidiguez a zencho e joaüsdet. Pa vez ur vreg var ar poent da c'henel, e deus poan ha tristidiguez; mæs querquent ha ma vel he c'hrouadur ganet, e teu da ancounât he foan gant ar joa e deus. Evelse c'hui a so bremâ en dristidiguez; mæs va guelet a reot adarre, hac ho calon a vezo leun a joa, ha netra ne allo lemel digueneoc'h ho joaüsdet.

*Sant Yun, Ch. 16.*

*Meditation var joaüsdet ar re vechant  
ha tristidiguez ar re vad.*

1. P. Perac e permet Doue pros-

G 5

|

perite ar re vechant hac affliction ar re just.

2. *P.* Joäüsdet ar re vechant a so væn ha tromplus.

3. *P.* Affliction ar re just ne vir quet ne santont ur peoc'h bras e guelet o c'halon.

Na vezet quet souezet evit guelet ar re vechant o veza e creis ar prosperite hac en abondanç eus a bep tra. Doue a bermet dezo jouissa eus an eürusdet temporel-ze, evit o recompançi eus a certen actionou mad o deveus grêt : evel ne vezint quet recompanset er bed-all, e recevont o recompanç er bed-mâ.

Ar re just er c'hontrol a so alies affliget, abalamour ne fell quet d'o Zad celestiel rei dezo plijadurezou an douar, pere o lacae en danger da goll madou an Eê.

Mæs ur cenchamant bras a vezo un deiz. Ar re vechant hac impi o deus en em rejouisset en o buez : un dristidiguez eternal a heulio ar joa ze quer ber. Ar re just o deus bevet er boan hac er souffrançou : Doue o

c'hargo eus a ur joa pehini ne devezo fin ebet.

2. *P.* Considerit peguer væn ha peguen tromplus eo eürusdet ar re vechant : e creis o frosperite hac o brassa plijadurezou , o c'halon n'en em guesquet contant : ar remors eus o c'hous-tianç pehini a zeu bepret d'o zroubli ha d'o ficat , o rend maleürus.

Deut heur ar maro , o joaüsdet en em zench en un dristidiguez estranch. Guelet a reont neuse peguelement int en em dromplet , ha peguen abuset int bet gant ar bed hac e plijadurezou.

An amser dremenet pehini a represent dezo an drouc o deus grêt hac ar mad o deus negliget da ober : an amser bresant e pehini e rencont quitaat quement o deus caret : ar spount rac an amser da zont , rac jugeamant an Autrou-Doue e pehini e rencont apparissa heb dale evit beza juget evit un eternite , a zeu d'o zrouhli , d'o digonforti , d'o desesperi.

3. *P.* Considerit er c'hontrol peguen contant e vev hac e varv ar re just. Epad o buez , e creis memes o

brassa afflictionou e jouissent eus ur peoc'h hac ur repos bras e goelet o c'halon. *En em rejouissa a rùn, eme S. Paul, em souffrançou : leun oun a gonsolation ha leun a joa etouez va oll afflictionou.* Pebes joa a santer, pa gonsiderer ez eo evit un Doue e souffrer, evit Jesus-Christ pehini en deus anduret quement evidomp.

En heur ar maro e santont ur gontantamant vras da veza disprizet ar bed hac e blijadurezou. Quitaat a reont gant joa ar bed-mâ pehini o deus bepret consideret evel o exil, ha leun int a fizianç er visericord eus ho Barner

Piou ne choaso quet quent goela var an douar gant ar re just, hac en em rejouissa eternellamant en Eê, eguet en em divertissa gantar re vechant, ha scuilla daëlou c'huerdo epad an eternite?

*Reflexion varnomp hon-unan.*

Ne zesiràn ha ne glascàn-me quet joäsdet ar bed.

Na songeàn-me quet beza eürus pa en em gavàn em flijadur hac er brosperte?



Na songeàn-me quet beza miserabl  
ha maleürus pa ziguez guené un af-  
fliction bennac ?

O pegumentoun-me en em drom-  
plet bete vremàn !

O va Doue, grit din compren muy-  
oc'h-muy peguer væn ha peguen  
tromplus eo joaüsdet ha prosperite ar  
vuez-mâ ! Grit ma considerin a bar-  
fetet peguer buan e tremen plijadu-  
rezou ar bed, ha peguer maleürus eo  
ar fin da behini e conduont map den.

Plijaduriou, enoriou, madou ar  
bed, n'ho considerin muy nemet  
evel amusamanchou ha vaniteou.

Ne fell din muy, ô va Doue, quen  
plijadur, na quen consolation, na  
quen joaüsdet nemet an hini da veza  
oll deoc'h.

EVIT AR BEVARE SUL GOUDE PASQ.

*Abrege eus an Aviel hirio.*

JEsus o veza discleriet d'e Zisqui-  
bien e yee d'o c'huitaat evit mont  
da gavout e Dad Celestiel, ha penaus  
n'er guelsent muy, en em guetsont

leun a dristidiguez. Neuse e lavaras dezo ez oa o mad hac o avantaich ma en em separze evelse diout-o, abalamour, emezàn, ma tlie rei dezo ar Speret-Glàn, pehini a zeuze d'o c'honsoli, d'o c'harga a sclerigen, ha d'o instrui var pep tra.

*Sant Yan, Ch. 16.*

*Meditation var ar sec'hor spirituel pe an desolation interieur.*

1. P. Perac e permet Doue ma en em gavomp aviziou er stat trist-ze.

2. P. E pe feçoun e tleomp en em gomporti en occasionou-ze.

Considerit penaus hor Salver a lavaras d'e Zisquibien e oa profitabl evit-o ma teuze d'o c'huitaat, petra bennac ma oa o oll joaüsdet hac o c'honsolation unic. Na esperomp quet e allimp jouissa bepret eus ar c'honsolationou divin en draounenmâ a zaëlou; car Doue, goude beza hor bisitet, en em guz ouzomp, goude beza hor c'honsolet, hor priv eus e gonsolation, ha quemense bepret evit hor profit hac hon avantaich

Hor c'honsoli a ra, evit hon tenna d'e servich, evit ober deomp dispri-jout consolationou væn ar bed, evit hor c'honforti hac hor c'hourachi da drec'hi ar poaniou hac an difficulteou e gavomp o pratica ar vertu.

Hor priva a ra eus e gonsolationou, evit hon renta humbl, evit ober deomp santout peguer paour ha peguer simpl oump, pa vemp abandonnet deomp hon-unann. Hor priva a ra eus an douç-der celestiel-ze, evit ober deomp e glasq gant muy a ferveur, ha clasq muy ar c'honsolateur eguet ar gonsolation; evit c'hoas ober deomp e servicha gant ur garantez bur ha desinterresset, heb clasq hor c'hountantantant hon-unan; hac erfin evit ober deomp querzet en hent royal eus an Eê, pehini eo hent ar groas hac an affliction.

En desolation eo e tisquez an ene e c'harantez da Zoue. Ne d'eo quet un dra vras servicha Doue en amser ma teu d'o carga a gonsolation hac eus e faveuriou; mæs e servicha en amser ma ho lès en affliction ha ma seblant

hoc'h abandoni, hennes a so ur guir merq a fidelite.

Un nomhr bras a Sænt o deus bevet pell-amser en ur sec'hor hac en un desolation estrainch ; ha dre an usaich mad o deus grêt eus ar poaniou interieur-ze, pebes gloar n'o deus-y quet meritet.

2. P. Pa bligeo da Zoue scuilla e gonsolation en ho calon, recevit-hi gant action a c'hraç, evel un dra n'hoc'h eus quet meritet ; ha pa zeui d'ho priva anezi, souffrit ar brivation-ze gant resination d'e volonte divin, gant humilite ha gant couraich. Bezit neuse fidel d'en em acquita eus ho tevotionou ordinal, petra bennac na reac'h anezo nemet dre boan ; ha credit parfet ne vezint nemet agreaploc'h da Zoue, hac eus ur brassoc'h merit evidoc'h. Car ar vertu hac an devotion ne gonsistent quet en douçder, er saour, er gonsolation sansibl a santit aviziou en hoc'h exerciçou spirituel, mæs en ur volonte ferm, constant ha prest da bratica ar pez a ouzoc'li beza agreabl da Zoue.

*Reflexion varnomp hon-unan.*

Penaus oùn-me en em gomportet en amser ma oùn en em gavet er sec'hor hac an desolation interieur? Souffret am eus-me ar boan-ze gant humilite, gant ur speret a binigen ha gant resination da volonte Doue? Ne doùn-me quet en em abandonet neuse d'an troubl, d'an dristidiguez, d'an digou-rajamant? N'am eus-me quet dileset va exerciçou a zevotion, pe darn anezo?

O va Doue, en em resina a ràn evit bepret d'o polonte just ha santel : va zretit evel ma plijo guenoc'h. Sùr oùn penaus quement a erruo guené dre hoc'h urz ne allo beza nemet avantajus din. Mar fell deoc'h va bisita, rei din sclerigen, va c'honsoli, ra viot meulet; mar fell deoc'h va lesel er sec'hor, en devaligen, en dristidiguez, ra viot ive meulet. Me a recevo ingalamant eus ho torn an drouc hac ar mad, an douç hac ar c'huero, ar gonsolation hac an affliction, hac a rento graçou deoc'h evit quement a erruo guené. E pe stad bennac em lequeot, e rin va fossibl da veza fidel deoc'h.

E creis va foaniou e livirin bepret : ho polonte bezet grêt, va Doue, ha non pas va hini. Chom a rin contant o velet ho polonte accomplisset var-nòn ; hac en em gonsoli a rin en ur lavaret e goelet va c'halon : *Va Doue, ne zesirùn nemedoc'h, va Doue, me en em abandon etre ho taouarn.*

Chetu aze ar resolution a guemeràn hirio, ha da behini gant ar sicour eus ho craç, e fell din beza fidel ar rest eus va buez. Anaout a ret va Doue, ma infirmite ha va sempladurez, ha digueneoc'h eo e esperàn nerz ha couraich.

EVIT AR PEMPET SUL GOUDE PASQ.

*Abrege eus an Aviel hirio.*

**J**Esus a lavaras d'e Zisquibien : E guirionez, e lavaret a ràn deoc'h : va Zad a roi deoc'h quement tra a c'houlennot em hano digantàn. Bete yremâ n'hoc'h eus goulennet netra em hano ; goulennit hac e recefot.

*Ar c'homsou-mâ a so raportet gant  
Sant Yan, Ch. 16.*

*Meditation var ar Beden.*

1 *P.* An necessite da gaout recours da Zoue dre ar Beden.

2 *P.* Petra a dleomp da c'houlenn digant Doue.

Considerit penaus hon eus bepret ezom da bidi, abalamour ma hon eus bepret ezom eus a c'hraçou. SEMPL ha fragil oump, sujet oump da un infinite a viseriou quen a gorf quen a speret, incitet oump d'an drouc dre hor goal-inclinationou, exposet da un infinite a zangerou attaquet a bep tu gant adversourien hor silvidiguez.

Penaus gallout resista ous quemense tout ha beva en assuranc, nemet dre ur sicour special a Zoue? Ret eo eta, evit receo e sicour hac e assistanc, caout recours dezàn dre ar beden, hervez ma en deus-èn ordrenet : *Goulennit*, emezàn, *hac e recefot*; *clasquit*, *hac e quefot*; *scott var an or*, *hac e vezo digoret deoc'h*.

Doue a fell dezàn rei deomp hon ollezomou hac hor c'harga eus e c'hraçou, maes ive e fell dezàn o goulennemp, evit ma teuimp da anaout hor

paourentez hac hor sempladurez, ha da anaout ez eo digantàn e teu hon nerz hac hon oll vertu.

2 *P.* Considerit penaus e tleit goulenn principalamant digant Doue ar madou spirituel, madou an ene. N'en em gontantit quet cousgoude da lavarret e general, va Doue, ho pezet truezous va ene : pliget gueneoc'h va fardoni, grit din ar c'hraç da veza eürusgueneoc'h en ho Parados; goulennit c'hoas e particulier ar sicour a behini hoc'h eus ezom evit ober eus ho costez ar pez a dleit evit obteni ar c'hraç-ze da veza pardonet gant Doue ha recevet en e Varados. Goulennit ar gouraich da labourat evit ho conversion, an nerz da drec'hi ho coal-inclinationou, an nerz da resista ous tentationou ar c'hiq hac an drouc-speret, ar c'hraç da zistaga ho calon diouz ar bed, ar c'hraç d'en em acquita sante-lamant eus an deveriou eus ho stad, ar c'hraç da veza humbl, douç, patient, pur ha chast; goulennit digant Doue ar c'hraç d'e servichà gant fervour, ar c'hraç da veva ha da vervel



en e zougeañ hac en e garantez,  
evit gallout e gontempli hac e veuli  
eternellamant.

Goulennit goude hoc'h ezomou  
temporel, hep o goulen cousgoude  
gant re a bres hac a ardeur, mæs  
gant ur soumission parfet da volonte  
Doue, pehini a oar petra so profita-  
bla evit e c'hloar hac evit ho silvi-  
diguez.

*Reflexion varnomp hon-unan.*

Pe guellies a veich am eus-me ne-  
gliget da gaout recours da Zoue em  
necessiteou? Ma vizen bet fideloc'h  
d'e bidi, pegument a c'hraçou n'am  
bize-me quet recevet, a begument a  
fautou ne vizen-me quet bet preservet.

Mar em eus pedet aviziou, petra  
am eus-me goulennet digant Doue?  
Lavaret em eus pedennou diouz ar  
mintin, diouz an nos hac an Oferen,  
mæs pet gueich n'am eus-me quet o  
lavaret heb intañtion ebet, heb son-  
geal da c'houlen graç ebet ous Doue,  
pe d'e drugarecât eus e vadelezou?  
Pedet am eus hepquen dre accustu-

manç, abalamour ma oa ret lavaret ur beden bennac, Allas! pedet am eus, hep pidi. Ne veritàn-me quet ar memes rebeich a rezoc'h, va Salver, d'ho Tisquibien : *bete vrema n'hoc'h eus goulennet netra.*

Mar am eus goulennet ur c'hraç benac, petra am eus-me goulennet? Madou temporel, ar yec'het, un issu mad em afferiou? Mæs ha songet am eus-me da c'houlen va ezomou spirituel, evel an humilite, an tamperanç, ar garantez e quenver va adversourien, hac ar vertuziou-all?

Ha pedet am eus-me gant quement a ardeur evit beza delivret eus a vicou va ene, evel ma em eus pedet evit beza rentet pare eus a glenvejou va c'horf?

Hac ober a ràn-me an alusen pe un œuvr-mad benac evit obteni an donæson a chastete, evel ma ràn evit caout un issu-mad en afferiou ar bed?

O va Doue, grit din anaout ervad va miseriou, ispecial re va ene, va sempladurez ha va fragilite, hac an ezom am eus da bep mare eus ho si-

cour hac eus ho craç; grit din ive anaout ho misericord hac ho madelez infinit, evit ma teuin em oll ezomou da implori hoc'h assistanç gant humilite ha gant fizianç.

---

*Evit Gouel an Assancion, da lavaret eo an deiz ma pignas hor Salver en Eé, hanvet ar Yaou-Basq.*

**J**esus a assambles e Zisquibien var menez Olivet evit o renta test eus e driomphl. Recommandi a eure dezo preseg an Aviel d'an oll nationou eus ar bed; hac evit lacât ar syell diveza da guement tra en devoa desquet dezo, e ra dezo guelet, en ur bignat en eé, penaus e oar ar guir hent a gondudi, penaus en deus-èn desquet dezo en e Aviel, ha penaus e renint gautàn en e c'hloar, mar bevont eveldàn var an douar.

*Meditation var Myster an Assancion, ha var ar frouez a dleomp da denna anezàn.*

Consideromp penaus hor Salver adorabl, goude beza lavaret adeo d'e

Vam santel ha d'e Zisquibien var Menez Olivet, ha roet dezo e ziveza benediction, a bignas dirazo en Eê, leun a c'hloar hac a driomphi.

Considerit an oll Ælez o tisquen evit e ziguemeret, e adori, e anaout evit o Roue hac o Mæstr souveren. O pebes rejouissanç a voe en Eê, pebes triomphi! Ma n'en deus biscoas speret na calon an den comprenet ar pez en deus prepalet Doue d'ar re er c'har, piou a ouffe compren ar pez en deus prepalet d'e Vap-unic, e pehini en deus lequeet e oll gomplesanç? Ma ne illit quet eta compren ar gloar a behini e jous ho Redamptor divin, nac an hueldet eus e Dron, considerit da viana gant admiration ha contemplit hervez ho callout ur gloar pehini a zeu da ravissa an oll Sperejou celestiel.

Pebes joa santel na dle quet produi ar Myster-mâ e calon ur guir gristen!

2. P. Considerit penaus Jesus-Christ o quitât an douar hac o pignat en Eê, a zesq deomp ez eo an Eê hor guir bro, ha ne doump var an douar  
nemet

nemet tremenidi, hac evel er plaç eus hon exil. Disqui a ra deomp pe-naus e tleomp distaga hor c'halon diouz ar bed-mâ, ha lacaat hor spe-ret hac hor sonch en Eê.

Madou, enoriou, plijadurezou ar bed, petra hoc'h eus-hu a guement a ouffe rei deomp ur gontantamant parfet? Ne d'eo nemet en Eê e allomp cavout hor guir eürusdet.

Jesus a so pignet en Eê evit pre-pari ur plaç da bep hini ac'hanomp. Acquisitet en deus deomp ar guir da vont d'an Eê, pleneet en deus deomp an hent, e gontantamant hac e joa eo hor guelet o quèzet ennàn. Pebes couraich na dle quiet ar songeson-ze da inspira deomp!

Savomp eta hon daoulagat hac hor c'halonou varzu an Eê, e pelec'h ema Jesus hon tenzor, ha na sellomp ouz an douar nemet evit e zisprijout.

*Reflexion varnomp hon-unan.*

Ha consideri a ràn-me an douar evel ar plaç eus va exil?

Songéal a ràn-me alies en Eê?

H

Petra am eus-me grêt bete-vremàn evit an Eê?

Petra am eus-me sonch da ober evit meritout un deiz beza recevet en demeuranç eürus hac eternal-ze :

Doue a offr din an Eê , e revus a rin-me ?

O va Doue , distaguit va c'halon diouz an douar. Grit din en em gonsideri hepret evel un divroet hac ur pelerin er bed-mâ , ha querzet gant couraich varzu va guir bro. Ne c'houlennit diguenê , va Doue , evit meritout an Eê , nemet ar pezh a so just , ræsonabl ha facil gant ar sicour eus ho crac ; ne vezo nemet em goall ha dre ma faut mar collàn ar plac eürus a so destinet evidòn. Quent evit na errue un hevelep maleür guenê , grit din ober ar binigen a garot , disposit ac'hanon hervez ma pligeo gueneoc'h en draounien-mâ a zaëlou ; roit din ar boan a bligeo gueneoc'h. Ne c'houlennàn digueneoc'h na prosperite na jcaüsdet er bed-mâ ; ne zesiràn nemet an heur d'ho quelet ha d'ho meuli da jamæs en ho Pales eternal.

EVIT AR SUL GOUDE AR YAOU-BASQ.

*Abrege eus an Aviel hirio.*

JESUS a zisclerias d'e Zisquibien ar bersecution o devize da souffr abers ar Yusevien. Ho chassael a raïnt , emezàn , eus o Sinagog , eus o Zempl , eus o Assembleou , ha dont a raï un amser e pehini ar re ho lacaï d'ar maro , a songeo dezou ober ur sacrifici da Zoue. Ho treti a raïnt evelse , abalamour ne anaveont na va zad na me. Quememâ a lavaràn deoc'h , evit pa vezo deut an amser-ze , ma ho pezo sonch penaus am eus hoc'h avertisset.

*Sant Yan , Ch. 16.*

*Meditation var ar souffrançou.*

1 P. Ret eo souffr er bed-mâ.

2 P. Ar voyen da ober un usaich mad eus hor souffrançou.

Considerit penaus an Ebestel , ar Merzerien , an eneou fidel ha devot o deus souffret er bed-mâ poaniou , afflictionou ho persecutionou estranch.

II 2

Ar souffrançou a so bet a viscoas hac a vezo bepret hor partaich en traounien-mâ a zaëlou.

Den ebet ne dle esperout beza exant. Ar re vras ha puissant eus ar bed o deus o foan quer couls hac ar re vian hac ar re baour. Ne antreer e Rouantelez Doue nemet dre cals a boaniou hac a dribulationou. Ar groas a so guir hent an Eê. Éguis ma fell eta da Zoue savetei an oll dud, en deus pourveet croasiou dezo-oll.

Croasiou a gavomp e bep lec'h, enomp hon-unan hac e mæs ac'hannomp, pep tra hon afflich hac a ra deomp souffr : hor c'horf dre e glêvejou hac e infirmiteou, hon ene dre e ignoranç ha dre e goal-inclinationou an drouc-speret dre e demptationou, an dud gant pere e vevomp dre o c'hontroliez pe dre o goal humor, ar bed dre e injustiçou pe dre e bersecutionou.

Doue a bermet an afflictionou-ze evit hor mad hac hon avantaich : car beza ez int an holen pelini a vir na zeu hor c'halon d'en em gorrompi dre



ar plijadurezou ha dre ar brospérité ;  
servicha a reont da burifia hon eneo ;  
servicha a reont deomp da binigen er  
bed-mâ ; servicha a reont da exerci  
hor patiantet , d'hon renta humploc'h  
ha da grisqui hór c'hurunen en Eê.

a P. Pa ne illit quet tec'het diouz ar  
groas, pa renquit souffr, na gollit quet  
ar merit hac ar frouez eus ho souf-  
françou , grit eus a necessite vertu ,  
grit un usaich mad eus ho poaniou.

Peguer bras bennac ve hoc'h afflic-  
tion , na gollit quet couraich ha n'en  
em abandonit quet d'an dristidiguez.  
Na c'houlennit quet beza dilivret eus  
hoc'h afflictionou , mæs goulennit  
quent ma pligeo gant Doue ho souten  
hac ho creaat dre e c'hraç, evit o  
anduri dre garantez evintâ.

Sellit ouz an Eê, ha considerit ar  
recompanç a brepar Doue deoc'h.  
Trugarecaït Doue dre ma ro deoc'h  
dre ar souffrançou ar voyen da assuri  
ho silvidiguez ha da grisqui ho  
curunen en Eê.

A viscoas ar Sænt e creis o brassa  
poaniou o deus clasquet o c'honsola-

tion ebars en oræson, hac eno eo o deus hi cavet bepret. Clasquit eno soulajamant eveldo hac e quefot ive gant graç Doue. E creis ho poan livirit : just ouc'h, va Doue, meritet am eus quemen-mâ ha c'hoas davan-taich : ho polonte ra vezo grêt, va Doue, ha non pas va hini. Laquit ho fizianç e Doue, esperit ennàn, hac en em santot courachet ha consolet.

Examinit e pe sæçoun oc'h en em gomportet en ho poaniou hac afflictionou, ha goulennit pardon eus ar fautou ho pe grêt.

Quemerit ar resolution d'en em servicha eus ar moyenou merquet amâ diarauc evit oberguel usaich eus hoc'h afflictionou en amser da zont.

O va Doue, just eo din souffr : ne c'houlennàn quet, eta beza delivret eus va foaniou, mæs goulen a ràn quent ma pligeo gueneoc'h va souten ha va c'hreaat dre ho craç, evit o anduri dre garantez evidoc'h gant patiantet ha gant resination d'ho polontez divin. Grit din souffr er vucz-mâ ar boan a blijo gueneoc'h,

*Evit ar Sul ar Pantecost. 139*  
ha queit ha ma bligeo gueneoc'h ;  
n'am espernit quet er bed-mâ , mæs  
va espernit , me ho supli , er bed all,

---

### EVIT SUL AR PANTECOST.

*Meditation var an effejou burzudus a  
broduas ar Speret Santel en Ebestel  
hac en disquibien, ha var an affejou  
admirabl a zeu ive bremâ da brodui  
en eneu pere en em zispos d'e  
receo.*

Considerit penaus an Ebestel hac  
Can Disquibien en em retiras oll  
assembles er Cenacl evit en em dis-  
posi da receo ar Speret-Santel , her-  
vez ma en devoa ordrenet dezo o  
Mæstr divin abars ma pignas en Eê.  
Tremen a reent eno o oll amser er  
retret , er silanç hac en oræsoun , ha  
da benn dec devez ar Speret-Glân a  
zisquennas varnezo didan ar furm a  
flammou tân.

Scleraat a reas o ententamant , rei  
a eure dezo un intelligeanç parfet eus  
an huella Mysteriou , anflammi a reas  
o c'hialonou dre ar flam eus ar garante

divin, inspira a reas dezo ur zêl ar-  
dant evit silvidiguez an eneoù, hac  
ur gouraich ferm evit preseg an Aviel  
en despet d'an dangerou da bere e  
oant expozet abers ar Yusevien hac  
ar Bayanet, rei a eure dezo an donæ-  
son da brezeg e pep seurt langaich,  
hac ar vertu da douich ha da gouv-  
tissa ar c'halonou muya caledet.

Querquent ha ma o devoa recevet  
ar Speret-Santel, n'o devoe quen  
sonch nemet da heulia e inspiration.  
Sant Pêr en ur sortial eus ar Cœnacl,  
a brezegas e creis an dachen, hac a  
gouvertissas tri mil den en e guenta  
sermon, ha pemp mil en eil. Mont a  
resont daou-a-daou dre an oll carte-  
riou eus ar bed evit instrui ar bobl;  
anduri a resont abers an Tirantet pep  
seurt goal-dretamanchou, contant ha  
joaüs da souffr evit gloar Jesus-Christ  
instrui a reent ar bobl bete var ar  
chafodou, ha siella a resont erfin  
gant o goad an testeni a rentent d'ar  
Feiz a brezeguent.

Admiromp an nerz, ar gouraich,  
ar vertu a rô ar Speret-Santel d'ar

re a so fidel da heulia e inspiration.

2 P. Considerit penaus ar Speret-Glân a zeu c'hoas bemdez hac espiacial en deiz santel-mâ, d'en em gommunica d'an eneou a so dispozet d'e receo, ha penaus e teu da brodui ive enno effejou admirabl.

Distaga a ra o c'halon diouz ar bed, ober a ra dezo saouri ar madou celestiel, o scleraat a ra en o douëtou, o frotegi en dangerou hac en tentationou, o c'honsoli en o afflictionou; ober a ra dezo santout muy a gontantantant ha muy a zouçder er humiliationou hac er souffrançou, evit ne sant tud ar bed e creiz o slijadurezou hac o zriomfou. Petra a illit-hu da zesirout en traounien-mâ a zaëlou a guement a ve avantajussoc'h?

Evit en em disposi eta da receo ar Speret-Santel, ho pêt sourci, da guenta, da burisia hoc'h ene diouz quement a alle displijout dezàn hac e ampeich da ober e zemeuranc en ho calon. D'an eil, en em retirir dioc'h trous ar bed, ha supliet dre bedenou fervant ar Speret divin-ze da

142 *Ar Sul ar Pantecost.*

gomunica deoc'h e c'hraçou hac e zonæsonou; ha da guemer possession eus ho calon.

Speret-Glân, disquennit, me ho supli, em ene; quemerit possession eus va c'halon: deut d'am frotegi a enep adversourien va silvidiguez; distaguit va c'halon diouz an douar; grit din saouri an traou celestiel, carguit va memor a songesonou santel, scleraït ma entendamant, hac alumit em c'halon ar flam eus ho carante divin.

*Goulennit ar memes graçou evit ho Nessa, ispecial evit ar re ma oc'h obliget da bidi.*

**PEDEN** *pehini a illit ober alies er Goueliou-mâ, hac a illit memes da gana.*

Deut, deut bremâ enomp, Speret-Santel,  
Ni ho supli, deut en ho pobl fidel,  
Disquennit da sclerât hor sperejou,  
Da doma dre ho craç hor c'halonou.

EVIT AL LUN AR PANTECOST.

*Meditation var ar mercou dre bere e  
ellomp anaout ha ni hon eus recevet  
ar Speret-Santel.*

Considerit penaus e illit caout un  
Cassuranç moral hoc'h eus bet an  
heur da receo ar Speret-Santel ha d'e  
gaout en ho calon; da guenta, mar  
d'oc'h fidel da ober quement a ou-  
zoc'h a c'houlen Doue digueneoc'h ha  
d'e ober dre garantez evitàn. D'an eil,  
mar souffrit gant patientet hac abala-  
mour da Zoue, ar pez a erru gueneoc'h  
a rust hac a boanius, quen en ho corf  
hac en ho speret, quen en ho repu-  
tation hac en ho madou. D'an drede,  
mar en em soumetit hac en em aban-  
donit e pep tra d'e volonte divin, o  
cridi parfet penaus quement a ra a so  
just ha santel. D'ar bevare, mar en em  
bligat o songeal e Doue hac o clevet  
parlant anezàn.

*Examinit amañ hac ar re-ze eo ho  
tispositionou. Mar o remerquit enoc'h,  
anavezit ez int donæsonou ar Speret-*

Santel pehini a so en ho calon : rentit dezàn actionou a c'hraç, ha rapportit dezàn an oll gloar.

Ma ne remerquit quet enoc'h an oll dispositionou-ze, na zisesperit quet cousgoude, ha na gollit quet couraich, mæs sellit petra so enoc'h hac a ell displijout d'ar Speret-Glàn, hac en ampeich da zisquen en ho calon : renoncit eus a vremâ da gummense; mar quivit e ve dies ha poanius deoc'h e ober, songit penaus an onction eus ar Speret divin-ze a zousai souden ho poan hac a blenai an oll difficulteou. Liquit ho fizianç ennàn : presentit dezàn hirio ho calon, ha pidit èn dre ho taëlou hac hoc'h hirvoud da burifia hoc'h ene, ha da lacaat ennàn an tàm sacr eus e garante divin.

Speret-Glàn, sourcen eus an oll graçou, hon refuich, hon nerz hac hor c'honsolation, va cenchit en un den nevez : cenchit ma speret pehini a so quen infidel, quen digouraich, quen impatient, ha roit din hoc'h hini pehini a so ur speret courajus, ur speret



speret fidel, ur speret douç, ur speret patiant ha carantezus. Plige gueneoc'h dont d'am bisita; n'am privet quet eus ho tonasonou, peguen indign bennac ez oùn; na bermetit quet e tremen-se ar Goueliou-mâ heb ma santia an effejou douç eus ho craç hac eus ho presanç.

---

EVIT MEURS AR PANTECOST.

*Meditation. Peguen important eo heulia inspirationou ar Speret-Santel.*

CONSIDERIT penaus un inspiration vad a so mouez ar Speret-Santel, pehini a barlant ouzomp, pehini hon intru, pehini hon exhort.

Hor silvidiguez a zepand alies eus hor fidelite da heulia un inspiration vad hepquen. Peguement a Sænt a so eürus er Barados evit beza bet fidel da brofita eus un inspiration, hac a vize en em gollet, ma n'o devize quet profitet anezi! Peguement a eneou a so maleürus en Ifern, evit beza dispriget un inspiration o devoa bet, ha

pere a vize bet salvet ma o devize grêt usaich vad anezi.

Nep a brofit eus a c'hraçou Doue, a receo re all brassoc'h; hac an nep a zeu da abusi anezo, a goll ar re a oa destinet evitàn.

Doue a tav goude beza parlantet; en em retira a ra goude beza clasquet; disprijout a ra goude beza bet disprijet, punissa a ra goude beza anduret.

Quement a inspiration vad a zeu deoc'h, ma ne servich bremâ evit ho sanctification; a servicho un deiz evit ho condaounation.

Pet gueic'h hoc'h eus-hu manquet da heulia inspirationou ar Speret-Sântel? Beza ez eus marteze ur bloaz, daou vloaz, pe ouspen, ma hoc'h inspir da ober ur mad pehini n'hoc'h eus quet grêt c'hoas. Pegueit amser so ma lavar deoc'h; ma ho solicit, ma ho press da renonç d'ar pec'het-ze, d'ar goal accustomañ-ze, ha ne rit vân ebet?

Considerit an nombr a c'hraçou ous pere hoc'h eus resistet, considerit an

nebeut amser hoc'h eus muy da veva, ha ma eo resolvet an Autrou-Doue da souffr ar resistanc-ze. Mar clevit hirio c vouez, na galedit quet ho calon; ho quervel a ra, marteze evit ar veich diveza. Liquit evez ne lavarfe deoc'h erfin : *Ho calvet am eus, ha n'hoc'h eus quet va chelaouet; va guervel a reot, ha n'ho chelaouin quet.*

Trugarecaït ar Speret-Santel eus an oll inspirationou, an oll donæsonou, an oll graçoù en deus roet deoc'h : goulennit digantàn pardon eus an nebeut a fidelite hoc'h eus bet da brofita anezo. Chelaouit ar peza lavar deoc'h bremâ, ha bezet fideloc'h d'e ober, gant aoun ne zeuze erfin d'hoc'h abandoni.

Speret Divin, anaout a ràn ne doùn quet abandonet gueneoc'h pa glevàn c'hoas ho mouez carantezus pehini a rebeich din va infidelite ha va ingra-teri; re bell-amser so e scoït var dôr va c'hialon : *petra c'houlennit-liv diguené-me, va Doue? Parlanitit c'hoas ur veich, hac e obeissin deoc'h.*

Anaout a ret va dallentez, va sem-

pladurez, va fragilite; roït din eta, me ho suppli, sclerigen evit anaout bepret ho polonte, couraich evit antrepreni ar pez a inspirot din, ha nerz evit e beur-achui.

EVIT GOUEL AN DRINDET SANTEL.

*Abrege eus an Aviel hirio.*

**J**esus goude e Resurrection, hac abars ma pignas en Eê, a lavaras d'e Zisquibien: iit dre ar bed-oll, instruit ar bobl, ha badezet-èn en hano an Tad, hac ar Map, hac ar Speret-Santel.

*Sant Vaze, Ch. 28.*

*Meditation var Myster an Drindet santel.*

1 P. Ar pez a dleomp da gridi eus ar Myster adorabl-mâ.

2 P. An obligation hon eus da songeal alies er vadelez hac er garante o deuz evidomp an tri Ferson eus an Drindet, ha da zisquezh dezo hon anaoudeguez-vad.

Jesus-Christ a bropos deomp en Aviel mâ ar c'henta hac ar principala

eus a Vysteriou hon Religion, da ouzout eo, Myster an Drindet santel, e pehini e credomp hac e adoromp un Doue hepquen e tri Ferson, Tad, Map, ha Speret-Santel.

Considerit penaus ar feiz hon oblich da gridi ez int Doue o zri, mæs ar memes Doue.

Beza ez int tri Ferson distinguet etrezo; personaich an Tad ne d'eo quet personaich ar Map; personaich ar Map ne d'eo quet personaich ar Speret-Santel, mæs n'o deus o zri nemet ur memes Divinite, ur memes speret, ur memes volonte.

An Tad a so a bep eternite, ar Map a so a bep eternite, ar Speret-Santel a so a bep eternite, ha cousgoude ne dint quet tri eternal, mæs unan eternal.

O zri o deus crouet ar bed-oll : o zri int Mæstr var quement tra so, ha cousgoude ne dint quet tri C'hrouer na tri Mæstr : mæs ur c'hrouer hepquen hac ur mæstr, evel ne dint nemet un Doue.

O zri o deus ur memes gallout, ur

memes puissanç, ur memes gloar, ur memes majeste.

O zri ez int infinimant puissant, infinimant santel, infinimant parfet, ha peb hini anezo a so quer parfet evel o zri assembles. Cetu aze ar pezh a zesq deomp ar feiz.

Enoromp, Meulomp hac adoromp ur Myster quer bras, pehini a ra hac a rañ da virviquen ar sujet eus a admiration hac eus a eürusdet ar Sænt hac an Ælez en Eê.

2 P. Considerit penaus ne d'ê quet avoalc'h cridi ar Myster-mâ, ret ê c'hoas anaout ha contempli alies an obligationou infinit hon eus d'an tri Ferson adorabl-mâ, evit o zrugarecât, ha renta dezo carantez evit carantez.

Doue an Tad en deus hor c'hrouet evit hon renta eternellamant eürus en Eê, hac hor c'haret en deus bete livra e Vap-unic da vervel evit hor savetei.

Doue ar Map dre ur burzut a garante evidomp a so en em c'hret Den, hac en Deus anduret bete ar maro evit hor prena.

Ar Speret-Santel a zesir gant ardeur hor sanctification hac hon eürusdet eternal, hac hor sanctifia a ra dre e c'hraçou, dre e inspirationou ha dre e zonæsonou.

Petra a ell beza capaploc'h da c'hou-nit hor c'halonou, da ober deomp caret an tri Ferson divin-mâ, ha lacât hon oll fizianç enno, eguet consideri o madelez infinit evidomp hac o c'ha-rante dreist vusul?

Ra vezo eta hon devotion princi-pala hac ordinala contempli ar Myster adorabl-mâ hac an obligation infinit hon eus d'an Tad Eternel, d'ar Map ha d'ar Speret-Glân.

Leveromp alies, mæs bepret gant cals a respet hac a zevotion, ar c'hom-sou caër-mâ : *Gloria Patri et Filio, et Spiritui Sancto. Gloar d'an Tad, gloar d'ar Map, gloar d'ar Speret-Santel.*

Ra servichiint da ober deomp caout sonch eus an obligation hon eus da ober hon oll actionou evit gloar Doue, da rapporti dezàn ar gloar eus a bep tra, ha d'e drugarecât a bep tra.

## P E D E N.

Tad eternal, va Doue ha va Aoutrou souveren, va c'hrouet hoc'h eus, va zennet hoc'h eus an neant, va c'harga a ret bepret eus ho madelezou; pebes actionou a c'hraç ne dleàn-me quet renta deoc'h! gant pebes carante ne dleàn-me quet ho servicha epad va oll buez!

Va Salver ha va Doue, petra n'hoc'h eus-hu quet grêt, petra n'hoc'h eus-hu quet souffret evit va silvidiguez? peguer just eo din-me souffr un dra bennaç dre garantez evidoc'h!

Speret-Glân, peguement a inspirationou santel, peguement a c'hraçou hoc'h eus-hu roet din hac a roit bendeze evit va zenna davedoc'h ha va c'hundui d'an Eê! Gant pebes anaoudeguez vad ne dleàn-me quet receo ho tonæsonou, ha gant pebes ferveur ne dleàn-me quet heulia ar santimanchoù mad a inspirit din!

O va Doue, pa rit din ar c'hraç da anaout va obligationou, roit din ive nerz ha couraich d'en em acquita er vad anezo.



## EVIT GOUEL AR SACRAMANT.

*Meditation var ar sourci a dleomp da gaout da visita Jesus-Christ e Sacramant an Auter, ha var ar profit a dleomp da denna eus ar visitou-ze.*

**C**onsiderit Jesus-Christ var an Auter evel ur Roue var e Drôn evit beza bisitet gant e sugidi, hac evit receo ar respet hac an enor a so dleet dezàn. Eno eo e teu dre e garantez dreist vusul d'hor guervel oll bras ha bian, evit distribui deomp an tenzor eus e c'hraçou, hac hor c'harga eus e zonæsonou.

Ma ve lavaret deoc'h ema Jesus-Christ er memes furm ma eo bet var an douar, en ul lec'h bennac a bell, e pehini e ra vad da bep-unan, hac e accord d'an oll quement a c'houlennont, pebes pres n'ho pe-hu quet da vont d'e velet? Pebes respet n'ho pe-hu quet evintâ? Ha c'hui a squisse en e gompaignenez? Mancout a raec'h-hu dac'houlendigantàn hoc'hezomou

Jesus-Christ a so taust deoc'h, ema en Ilis var an Aüter, e pelec'h e lavar d'an oll : deut davedon-me, c'hui pere a so poaniet hac affliget, ha me ho soulajo. Iit eta d'e visita, iit d'e adori liessa ma ellot, iit da ziscleria dezànt gant fizianç ho miser, ho paourente, hoc'h infirmiteou, ho tentationou, hoc'h afflictionou, hac e teui d'hoc'h asista, d'ho consoli, d'ho tilivra. Mæs songit d'en em zerc'hel bepret dirazànt gant ar vodesti, an devotion, ar respet hac an dougeanç a dle da inspira e vajeste adorabl.

Considerit c'hoas penaus ar sura moyen evit beza proteget, assistet, consolet gant hor Salver pa en recevot en ho clénvet diveza, eo e enori epad ho puez e Sacramant an Aüter, e visita alies ; hac e reçeo alies er Gommunion gant an dispositionou requis. Ar respet hac an enor ho pezo rentet dezànt durant ho puez er myste adorabl-mâ, a vezo ar muzul eus ar garantez a zisquezo deoc'h, hac eus ar graçou a raï deoc'h var ho maro.

*Reflexion varnoc'h hon-unan.*

Ha mont a rit - hu alies da visita Jesus-Christ er Sacramant an Auter ? Mar doc'h taust d'an Ilis , pet. a vir ouzoc'h-hu na profitet eus an occasion gaër hoc'h eus ? Mar d'oc'h pell dioc'h an Ilis , e ober a rit-hu da viana pa illit caout an occasion ; dre exempl , pa zeut d'an ofiç , ha pa en em guivit abred , na illit-hu quet mont da guenta da saludi lia da adori ar Sacramant en nebeut amser ? Elec'h en em acquita eus an dever - ze , na chomit-hu quet da gauseal gant ar reall en dro d'an Ilis ?

Gant pebes respet en em zalc'het-hu dirac ar Sacramant adorabl ?

Ha songeal a rit-hu da exposi d'ho Salver carantezus ho poaniou hac ho miseriou , ha da c'houlen digantàn hoc'h ezomou , ispecial ar spirituel ?

*Grit bremàn an Act a Adoration ; an Act a Garantez , hac an Amand enorabl a so amâ varlec'h.*

## ACT A ADORATION,

*Pehini a so mad da ober bemdez epad  
an eizvet - mâ hac e pep amser  
dirac ar Sacramant.*

O va Jesus douç ha mad, peguer  
bras eo ho madelez evidomp, da veza  
instituet ar Sacramant adorabl - mâ  
evit chom ennàn bepret gueneomp  
evit beza hon recours, hon nerz hac  
hor c'honsolation var an douar.

Hoc'h adori a ràn er Sacramant  
gant an oll respet ha gant an oll  
humilite a behini oùn capabl.

Hoc'h adori a ràn evel Autrou  
universel eus a guement tra so, ha  
Crouer ar bed - oll.

Anaout a ràn ez eo digueneoc'h  
em eus recevet ar vuez ha quement  
mad am eus, hac ez dependàn ac'hanoc'h  
e pep tra.

Hac evel ne doùn quet capabl d'ho  
trugarecât, d'ho meuli, d'hoc'h adori  
en ur façoun dign ac'hanoc'h, me a  
offr deoc'h an oll actionou a c'hraç,  
an oll benedictionou, an oll meuleu-  
diou hac an oll adorationou a so bet

hac a vezo rentet deoc'h gant ar Sænt  
hac an Ælez en Eé, ha gant an eneu  
santel var an douar.

Grit dre ho craç, me ho suppli,  
ma teuin epad va buez d'hoc'h adori  
en Hosti dindàn ar vòal eus ar Sacra-  
mant, gant quement a respet, a fizianç,  
a garantez hac a anaoudeguez - vad,  
ma allin goude va maro caout an eür  
d'ho guelet scler var an Tròn eus ho  
cloar, d'ho contempli ha d'hoc'h ado-  
rida jamæs gant an oll Sperejou eürus.

*Meulet hac adoret ra vezo JESUS er  
Sacramant adorabl eus an Auter.*

ACT A GARANTEZ,

*Pehini a so ive mad da ober dirag ar  
Sacramant, hac a aller da ober e  
peb lec'h hac e peb amser.*

O va Salver carantezus, va ardanta  
desir eo d'ho caret bepret.

Ar garantez e deus triomfet ac'ha-  
noc'h, grêt e deus deoc'h antrepren  
ha souffr pep tra evidòn, poent eo e  
triomfe ac'hanòn-me, hac e raë din  
antrepren ha souffr pep tra evidoc'h?  
Peur e vezin - me quel leun eus ho

carantez ma allin lavaret gant guirionez : *C'hui eo va c'honsolation , va buez , va cürusdet , va Doue , ha va oll vad.*

Recevit ar brotestation humbl a ràn deoc'h d'ho servicha hiviziquen gant fidelite ha gant carantez. En em offri hac en em gonsacri a ràn deoc'h antieramant. Ne fell din muy beva nemet evidoc'h , va Doue ! C'hui hoc'li-unan hepquen a vezo ar princip , ar reglen hac ar fin eus va oll actionou. Heulia a rìn gant docilite hoc'h inspirationou santel ; pellaat a rìn dious plijadurezou dangerous ar bed , n'en em exposin muy d'an occasionou d'hoc'h offanci. Chetu aze ar pez a zesiràn muya er bed , ha chetu ar resolution a guemeràn , non - pas dre ur speret a bresomption ; anaout a ràn va miser , va inconstanç ha va fragilite , ha gouzout a ràn penaus mar em abandonac'h din va - unan , e couessen adarre abars nemeur em oll dizurzou ; mæs va oll fizianç a so ennoc'h , hac esperout a ràn penaus , gant ar sicour eus ho craç , e perse-

verin en ho servich , en ho tougeañç  
hac en ho carantez.

AMAND ENORABL

*Dirag er Sacramant.*

Va Salver ha va Doue , en em  
strinca a ràn d'ho treit dirag an Tròn  
eus ho misericord , evit ober deoc'h  
reparation hac amand enorabl evit  
an oll irreverañçou , profanationou  
ha sacrilejou a so bet biscoas commet  
et , hac a aller da goumeti en amser  
da zont en hoc'h enep er Sacramant  
adorabl.

Pardounit din - me pec'her ingrat ,  
ha pardounit ive deomp oll hor fau-  
tou hac hor c'hrimou.

Pardounit deomp hon immodesti  
en ho presañç , pardounit deomp hon  
nebeut a zevotion , hor yenigen hac  
hon nebeut a garantez evidoc'h.

Ancoait , o va Salver , hon iniquite ,  
ha songit ez oc'h hanvet hac ez oc'h  
an Tad a visericord.

Recevit an desir am eus d'hoc'h  
enori ha d'ho quelet enoret er Sacra-  
mant eus ho carantez.

Ya , me a zesir a greis va c'halon-  
ho caret ennàn , ho meuli hac hoc'h  
adori gant ar memes fervor ma oc'h  
caret , benignet hac adoret gant an  
Ælez hac an eneou santel.

Inspirit din , va Jesus , santiman-  
chou dign eus ac'hanoc'h , ha liquit  
em c'halon an dispositionou a dlean  
da gaout evit renta deoc'h an enor a  
so dleet d'ho Majeste divin. Accordit  
ar memes graç d'an oll dud fidel ,  
evit ma hoc'h enorimp oll assambles  
eus hon oll gallout. Grit ive ma teui  
an oll nationou eus an douar d'hoc'h  
anaout ha d'hoc'h adori , ha ma vezo  
dre ar bed-oll ar Sacramant santel eus  
an Auter meulet , enoret ha glorifiet  
da jamæs gant ur respet souveren.

Amen.

#### EVIT SUL AR SACRAMANT.

*Peguen avantajus eo communia alies.*

**E**Vit compren peguer mad ha peguen  
important eo Sacramanti alies ,  
considerit penaus Sacramant an Auter  
a so magadurez spirituel an ene , ha



penaus e ro dezi nerz evit en em viret diouz ar pec'het, hac evit pratica ar vertuz. Evel ma ro ar boed a zebrer, nerz d'ar c'horf da labourat, Sacramant an Auter a ro nerz d'an ene evit servicha Doue ervad. Mar chomer re bell hep dibri, ar c'horf a zeu da veza dinerz, sempl, languissant ha da vervel erfin; evelse mar chom pell-amser an ene heb receo ar boed celestiel destinet evit antreteni ha conservi he buez; e teu da simplaat, da languissa, da goll e devotion, da abandouni he resolutionou mad, ha d'en em goll erfin.

Attaquet oump a bep tu gant adversourien hor silvidiguez, ar bed, ar c'hiq hac an drouc-speret; exposet oump e peb-lec'h d'an temptationou; beza hon eus goal inclinationou ouz pere e renquomp coumbati continuellamant, a belec'h hor bro-ni an nerz da resista ouz quement a adversourien, nac ar gouraich d'en em drec'hi hon - unan, mar pellaomp diouz ar sourcen a c'hrac?

E coumançamant an Ilis, ar Griste-

nien a gommunie peurvuya bemdez, ha dre an aboundanç a c'hraçou a recevent, e vevent eguis Ælet var an douar.

Ar Merzerien evit en em zisposi da souffr an tourmanchou preparet dezo gant an Tyrantet, o devoa bepret recours d'ar Goummunion; ha creët ha fortifiet dre ar boed divin o devoa quemeret, e souffren gant couraich ha gant joa ar c'hruella suplicou.

Mar guelomp c'hoas bremàn a drugare Doue eneu mad ha devot o cundui ur vuez santel hac a exempl vad, lequeomp evez, hac e velimp e coumuniont alies. Mar guelomp er c'hontroll re all o cundui ar vuez dereglet, n'o gueler nemeur o tostaat ouz ar Sacramanchou.

Mar d'hoc'h bet boaset hoc'h-unan ur mare bennac da Sacramanti alies, hac ho pe dileset ar pratiq vadze, comparachit ar vuez a conduac'h neuse gant an lini a gunduit bremâ. Pa reac'h ho tevotionou bep miz ha d'ar Gouehiou bras, pebes dougeanç Doue n'hopoaquet en amser eürus-ze, pebes

horreur ous ar pec'het? pebes devo-  
tion, pebes ferveur? Mæs allas? aba  
ma hoc'h eus quiteet ur pratiq quer  
mad, ar ferveur-ze a so deut da ye-  
naat; ho calon a so deut da zisec'ha,  
abalamour ma hoc'h eus manquet da  
guemer ar bara a vuez pehini ho sou-  
tene, an temptationou o veza ho ca-  
vet sembl, e deus ho trec'het; deut  
oc'h d'en em voasa diouc'h ar pec'het  
e goumetti a rit heb remors, hac en  
em gollit. Considerit ho maleür hac en  
em resolvit da guemer a nevez ar re-  
glen vad ho poa gueichal, pa velit  
dre hoc'h experianç propr ez eo un  
dra quen avantajus ha quen necesser  
evit ho silvidiguez.

*Reflexion varnoc'h hoc'h-unan.*

Na chomet-liu quet pevar, pemp,  
c'hnec'h miz, marteze ur bloaz heb  
tostaat ouz ar Sacramanchou? Petra  
so caus a guemense?

Marteze e leverot ne d'oc'h quet  
dign da sacramanti alies, ez oc'h re  
fragil, re yras pec'her, pe autramant  
n'en em santit quet a zevotion; mæs

ne ouzoc'h-hu quet penaus e teu  
 Jesus-Christ da c'hervel an oll d'e  
 vanquet divin, ar re glàn evit o farea  
 ar re zall evit ho scleraat, ar re sempl  
 evit o c'hreaat, ar re drist hac affliget  
 evit o c'honsoli, ar re just evit o  
 renta parfetoc'h, hac ar bec'herien  
 pere a zesir en em gonvertissa, evit o  
 sanctifia.

P E D E N .

O va Salver, anzao a ràn dirac an  
 Eê hac an Douar, ne doùn quet dign  
 da veza contet etouez ho servicherien,  
 ha nebeutoc'h c'hoas da zibri ous ho  
 taul. Em em vaga a dlefen gant va  
 daëlou ar rest eus va buez, ha beza  
 privet evit jamæs eus ar gommunion  
 sacr. Mæs pa fell deoc'h, o va Jesus,  
 ha pa goumandit din, peguer mise-  
 rabl bennac ez oùn, tostaat ous ho  
 taul santel, me en em bresanto gant  
 humilite, hac a dostaï dre obeissanç,  
 evit plijout deoc'h.

Grit dre ho craç ma vezo va brassa  
 desir ha va brassa countantamant en  
 em unissa gueneoc'h en ho Sacra-  
 mant adorabl; ha grit ma vevin hi-

viziquen en ur feçoun quer christen,  
ma vezin e stad d'ho receo alies evit  
ho cloar ha silvidiguez va ene.

Petra a elles-de, o va ene, da ze-  
sirout var an douar, ma ne zesires  
receo da Salver pehini a ro did ar  
vuez, pehini a zeu d'az carga a c'hra-  
cou, da scleraat da speret, da rejouis-  
sa da galon, hac a zeu d'az convia  
gant quement a vadelez dre gomsou  
quen douç ha quer consolant: *Deut*  
*oll davedon me, c'hui pere a so poaniet*  
*hac affliget, ha me ho soulageo.*

---

EVIT AN DREDE SUL GOUDE AR  
PANTECOST.

*Abrege eus an Aviel hirio.*

J<sup>E</sup>sus oc'h anaout e vurmure ar Fa-  
risianet en e enep dre ma receve ar  
bec'herien en e gompaignunez, a la-  
varas dezo : ur Pastor pehini en deus  
cant pên danvat, hac en deus dian-  
quet unan anezo, ha ne guitaen quet  
ar re-all oll evit mont da glasq an hini  
a vanq dezàn; ha goude ma eu deus  
e gavet, ell laca var e ziouscoa hac e

invit e vignonet d'en em rejouissa  
gantàn, abalamour ma en deus cavet  
ar pezh en devoa collet. Chetu aze pe-  
naus en em rejouisser en Eê, pa zeu  
ur pec'her hepquen da ober pinigen.

*Sant Lucas, Ch. 15.*

*Meditation var conversion ar pec'her.*

Considerit penaus Jesus-Christ ar  
Pastor mad ha carantezus, a zisquezh  
en Aviel-mâ an desir ardant en deus  
eus a gonderion ar pec'her, figuret  
ha represantet dre an dânvad dian-  
quet. Peguen douç ha peguer conso-  
lant eo ar virionez-mâ, ha peguer  
capabl efhi da ober d'ar brassa pe-  
c'herien distrei ous Doue dre ur guir  
gonderion !

Perac eta, pec'her paour, e tisfiet  
hu eus a visericord un Doue pehini  
en deus un desir quen ardant eus ho  
silvidiguez ? Perac e tec'het hu arauc  
un Doue pehini ho clasq evit ho sa-  
vetei, pehini a offr deoc'h e c'hraçou  
hac a astenn deoc'h e zivrec'h evit ho  
receo ? Rac petra hoc'h eus-hu aoun ?  
Mar d'eo bras ho pec'hejou, e vadelez  
a so c'hoas brassoc'h. En em daultit

eta etre e zivrec'h, ha livirit dezàn gant ur galon leun a c'hlac'har ha leun a fizianç : o va Salver, Pastor carantezus hon eneou, me eo an dânvad dianquet pehini a glasquit, n'am rebutit quet pa zistroàn davedoc'h ha ma recevit etouez ho ténvet fidel. N'em boa quet hoc'h anaveet bete vremâ, ô va Doue, dougea a reen ho justic, mæs n'em boa biscoas comprenet peguer bras eo ho misericord.

2 P. Considerit penaus ar Pastor mad goude beza clasquet gant cals a fatig, ha cavet erfin e zânvad dianquet elec'h ober dezàn querzet arauzàn nac e squei, el laca var ziouscoas gant ar joa en deus ountàn, hac e invit e vignonet d'en em rejouissa gantàn. Evelse eo pec'her paour, e vezi diguememet gant da Bastor ha da gonversion a roi ur joa vras d'ar Sænt, d'an Ælet ha da Zoue memes, pa hon assur penaus e vezo ur rejouissanç vlassoc'h en Eê evit ur pec'her hebquen pehini en em gonvertis, eguet na vezo evit naontec ha pevar-uguent den just pere n'o deus quet ezom a binigen.

Ha possibl eo, ô va Salver, ec'h ell ur pec'her evel doùn contribui en un dra benàc da satisfaction un Doue? Ma oblich a reet da gridi ur virionez quer consolant. Quemense, ô va Doue, eo a douich va ene; ar gontantamant pehini ho pezo d'am guelet convertisset, eo a ravis va c'halon hac am zenn davedoc'h; re eo refus deoc'h ur satisfaction pehini e deus coustet quemement deoc'h, hac a so quen avantajus diñ. Recevit eta, ô va Doue, ar joa da velet ur pec'her convertisset, pehini n'en deus quen desir nemet d'hoc'h heulia hiviziquen, ha da bellaat dious quemement a allo displijout d'ho majeste divin.

*Considerit bremâ petra eo a so bet caus deoc'h da bellaat diouz un Doue quer mad ha quer carantezus. Pe seurt goal accustumanç eo a vir c'hoas marteze ouzoc'h na zistroit ous Doue a barfetet ha gant fizianç?*

*Quemerit ur resolution ferm ha generus da renonç da quemense, hac e santot ho fizianç o crisqui. Pebes joa na root-hu quet d'an Ee oll, ho pebes  
joa*



*goude ar Pantecost. 169*  
*joa n'ho pezo-hu quet hoc'h-unan!*  
*Pebes peoc'h en hoc'h ene; pebes*  
*contantamant en ho calon!*

*O va Doue, ma c'hlasquet hoc'h*  
*eus pa bellaen diouzoc'h, n'am rebutit*  
*quet pa zistroàn davedoc'h.*

---

EVIT AR PEVARE SUL GOUDE AR  
PANTECOST.

*Abrege eus an Aviel hirio.*

**J**Esus o veza var bord ar mor a di-  
beriat, pa en em velas presset gant  
ar foul a bobl pelini a daustee ouu-  
tàn evit clevet comsou Doue, a an-  
treas e bâg Sant Pêr, hac o veza azeet  
er vag, e instrue ac'hano ar bobl.  
Goude e instruction, e lavaras da Bêr :  
taulit ho rouejou evit pesqueta. Pêr a  
respontas : va Mæstr, labouret ha  
poaniet hon eus epad an nôs, ha n'hon  
eus quemeret netra; cousgoude pa en  
ordrenit din, me a daulo va roued evit  
obeissa deoc'h. O veza e c'hreet, e  
quemeras ur gantite quer bras a bes-  
quet, ma torre ar roued. Ober a reas  
sign da re-all a joa en ur vag all da

K

zont d'e sicour; dont a resont, hac an diou vag a voe carguet a besquet.

*Sant Lucas, Ch. 15.*

*Meditation var an Obeissanç.*

1 P. Ret eo d'an oll obeissa.

2 P. E pe façon e tleer obeissa.

Considerit penaus ne deus den n'en deus ur superieur bennac, da nebeuta en un dra bennac, hac evelse ne deus den na dle obeissa. Ar Roue hac ar Brincet pere a zepandont nemet eus a Zoue er governamant temporel eus o Stadou, a so sujet da Lesennou Doue ha re an Ilis, anaout a reont ur Superieur bennac evit direction o c'houstianç; ha gant aoun ne raent netra a enep ar justic pe enep avantaich ar bobl, en em c'houernont dre avis o c'honsail.

Ne deus dignite ebet na puissanç ne anaf ur buissanç a superior, da behini hepquen e tle en em soumeti hac obeissa. Ur subordination, ur suigidiguez eo etablisset gant ar Brovidanç divin er governamant eus ar

bed-mâ, pébini a nez quemense ne  
alféquet subsista nac en em gonservi.  
Ma ne ve quet a urz er bed, ma ne ve  
quet a sugidiguez hac a obeissanç, ne  
ve guelet nemet disurz ha pep seurt  
fallagriez.

Beza hon eus oll Superioret spiri-  
tuel evel hor Pastor hac hor C'hon-  
fessour, da bere e tleomp obeissa,  
rac carguet int eus hon eneu; der-  
c'hel a reont en hor c'hênver plaç an  
Autrou-Doue : anezo eo en deus la-  
varet Jesus-Christ : *Piou bennac ho  
cheleo am cheleo me; ha piou bennac  
ho tispris, em dispris-me.* An dânvad  
pébini ne heul quet e Bastor, pe a  
bella dioutàn, a so en danger da veza  
taguet gant ar bleizi.

Beza hon eus superioret temporel,  
evel ar Roue hac ar re a command eus  
e berz, da bere e rencomp sugea;  
car ne deus quet a autorite legitim,  
eme an Abostol S. Paul, a guement  
na zeu a Zoue, hac an nep a resist  
ouz ar puissançou etablisset gant  
Doue a resist ouz Doue memes.

Beza ez eus erfin Superioret domes-

4iq ouz pere e tleer senti. Pebes disurz na ve quet en un ty e pehini ne obeisse quet ur vreg d'e friet, ar vugale d'o zad ha d'o mam, ar servicherien d'o mæstr.

2 P. Considerit penaus evit obeissagant merit, eo ret obeissa pront, heb dale, heb clasq digare, obeissa a galon vad, joaüsamant, heb murmur, heb resoni, obeissa non-pas dre gontrain, mæs dre vertu.

Obeissit dre garantez evit an hini pehini evit ho prena hac ho savetei, a so en em rentet obeissant bete ar maro, hac ar maro eus ar Groas, ha pehini, evel a lavar Sant Bernard, a oue guell gantàn coll ar vuez eguet coll an obeissanç.

Obeissit evit Doue, obeissit abalamour ma en ordren Doue deoc'h; en ur guer obeissit d'ho Superioret evel da Zoue memes, o consideri Doue en o fersonaich.

Considerit obeissanç parfet S. Pêr, ha deut d'e imita, tremenet en devoa an nôs o pesqueta, heb beza quemeret netra; cousgoude querquent ha ma

lavaras dezàn e Væstr divin distrei d'ar besqueres ; ez eas rac eon : n'em em arretas quet da represanti d'e Væstr e oa squiz , na d'e bidi ma plije e gantâ deport an nos varlec'h , na da lavaret ne oa quet an deiz quer favorabl hac an nos evit ar besqueres mæs heb replica netra e oboissas prount ha joaüs.

*Reflexion varnomp hon-unan,*

Oboissa a ràn-me d'am Superioret a Ilis ? Observi a ràn fidelamant o reglamanchou , o statujou hac o avisou mad ?

Oboissa a ràn-me d'am Superioret temporel , d'ar Roue ha d'ar re a zalc'h e blaç , miret a ràn-me o lesen-nou ! En em soumeti a ràn-me d'o ordrenançou ?

Oboissa a ràn-me da guement hini en deus carg hac autorite varnòn ?

Oboissa a ràn-me prount hac a galon vad ?

Oboissa a ràn-me d'am Superioret evel da Zoue memes ?

## P E D E N.

Roït din, va Doue, ur speret humbl  
hac obeissant, ha va c'hreaït er reso-  
lution a guemeràn d'ho consideri be-  
pret e personaich va Superioret, ha  
da obeissa dezo evel deoc'h hoc'h-  
unan.

EVIT AR PEMPET SUL GOUDE AR  
PANTECOST.

*Abrege eus an Aviel hirio.*

**J**Esus a lavaras d'e Zisquibien ha d'ar  
Jobl : ma ne d'eo guel ha parfetoc'h  
hoc'h œuvrou evit re ar Farisianet,  
ma n'hoc'h eus quet muy a vertu evit-  
o, ne antreot quet e Rouantelez an Eê.

*Sant Vaze, Ch. 5.*

*Meditation var an intantion vad a  
dileomp da gaout en hon actionou.*

Considerit penaus ar pris hac ar  
merit eus hon actionou a zepand eus  
an intantion gant pehini o greomp.  
Mar deo mad hon intantion, hon ac-  
tion a so ive mad, nemet cousgoude  
na ve quet un dra difennet : mar deo

fall hon intantion, hon action a so ive fall. An distera action grêt gant un intantion santel hac e stad vad, a so agreabl da Zoue ha dign eus ur recompanç eternal; er c'hontrol ar c'haëra actionou grêt gant un intantion fall, a so rebutet ha reprouvet gant Doue.

Ar Farisianet a ree cals a œuvrou mad hervez an apparanç, ober a reent Oræsonou hir, yun a reent ha rei an alusen: cousgoude e voent blamet ha rejetet gant hor Salver, abalamour ne voa quet evit Doue e reent quemense, mæs evit beza meulet gant ar béd, ha tremen evit tud devot ha charitabl.

Pe seurt intantion hoc'h eus-hu bet bete vremâ en hoc'h actionou? Ha n'hoc'h eus-hu quet grêt darn anezo gant un intantion fall evel ar Farisianet, evit beza guelet hac estimet gant an dud?

Pe seurt intantion hoc'h eus-hu bet bete vremâ en hoc'h actionou?

N'hoc'h eus-hu quen intantion en ho labour, nemet da c'hounit peadra da veva, pe da grisqui ho madou? Chetu aze eta an oll recompanç ho

pezo, na esperit quet a recompanç all en Eê; en heur ho maro en em gneffot ho taouarn goullo, hac e lavarot: cals a boan am eus quemeret, ha n'am eus gouneet netra: labouret am eus cals evit an douar hac evit va c'horf, ha n'em eus grêt netra evit an Eê, netra evit ma ene, netra evit Doue.

Tennomp muy a profit eus hon labour hac eus hon oll actionou dre ar sourci a guemerimp d'o raporti oll da c'hloar Doue. N'en em gontantomp quet da offri da Zoue hon actionou e general, en ur lavaret diouz ar mintin ar c'homsou-mâ eus an adoration:

*Quement a rìn, ha lavarìn,*

*A songìn hac a andurìn,*

*Offri a ràn da c'hloar, etc.*

mæs offromp - ii c'hoas e particulier pa o c'hommançomp.

Labourat a reot ive hep nec'h ha gant contantamant, mar savit a amser - da - amser e creiz ho labour ho calon varzu Doue, hac ho taoulagat etrezec an Eê, en ur lavaret interioramant: *Evit an Eê eo, evit Doue eo e labouràn; ma ne brosper quet ma*



*labour, ma foan ne vezo quet collet.*

Pe seurt labour bennac a reot, pe en ty pe er parc, pe memes en dro d'al leonet, grit-èn en intantion da ober e quemense bolonte Doue, pehini a fell dezàn e labourrem্প hac e poaniemp pebhini en e etat hac en e gondition. An traou - ze a so dister enno o-unan, mæs an intantion santel gant pehini o groot, o rento bras ha precius dirac Doue, pehini a gonsider muy an intantion hac ar galon gant pehini e agissomp, eguet an action, peguer bras bennac e ve.

Muy a istim a ra eus un dra dister grêt gant cals a garantez evitàn, eguet na ra eus a draou bras grêt gant nebeutoc'h a garantez.

O va Doue, pebez queuz am eus-me da veza negliget ur voyen quen æz ha quer facil da sanctifia ma actionou, d'o renta agreabl d'ho majeste, ha da zestum un tenzor a veritou evit an eternite.

N'hoc'h eus ma c'hrouet, va Doue, nemet evit ho servicha, just eo ne labourren nemet evidoc'h, just eo

n'am be quen intantion em oll actionou nemet da blijout deoc'h ha da accomplissa ho polonte. Chetu aze ar resolution a guemeràn, ha da behini e vezin fidel hivisiquen gant ar sicour eus bo craç.

EVIT AR C'HUEC'HVET SUL GOUDE AR  
PANTECOST.

*Abrege eus an Aviel hirio.*

**J**ESUS o velet ur bobl bras pehini en heulie en desert evit clevet e bredicationou, a lavaras d'e Zisquibien : truez am eus ouz ar bobl paour-mâ ; tri deiz so e teuont d'am heul, ha n'o deus netra da zibri, mar o c'hassàn d'ar guer hep beza debret un tam bennac, o c'halon a vanco dezo en hent, car darn anezo a so deut a bell. E Zisquibien e respontas : penaus e ouffet cavout en desert-mâ avoalc'h a vara evit quement a dud ? Goulen a eure outo : pet bara hoc'h eus-hu ? Seiz, emezo. Neuse e ordrenas d'ar bobl aseca var an douar, hac o veza quemeret ar seiz bara hac un nebeut.

a besquet bian pere a voe cavet ive,  
e roas e venediction varnezo, hac o  
distribuas dre e Zisquibien d'an oll  
dud se, a bere a oa var-dro pevar mil.  
Dibri a rezont, contantet ha rassasiet  
e voent oll, ha destumet e voe seiz  
panerad bara eus ar restou.

*Sant Marc, Ch. 8.*

*Meditation var an Alusen.*

1 P. An obligation hon eus da ober  
an alusen.

2 P. Ar mad a brocur deomp an  
alusen.

Adoromp hor Salver pehini ne d'eo  
quet en em gontantet da ziscleria dre  
e gomsou e meur a rancontr an obli-  
gation hon eus da soulagi ar re baour  
ha d'o sicour en o necessiteou, mæs  
pehini a ro deomp c'hoas an exempl  
a guemense en Aviel-mà.

Considerit eta penaus an alusen ne  
d'eo quet hepquen ur c'husul eus an  
Aviel, mæs ur gourc'hemen quer  
rigourus, ma vezo avoalc'h beza man-  
quet d'e accomplissa evit beza reprou-  
vet : hac evit ma er c'hiredot parfet,

chelaouit ar rebeich terribl a raï ar  
 Barner souveren d'ar bec'herien, hac  
 ar setañ diveza a brononço en o  
 enep : *En em retirir diouzin, tud milli-*  
*guet, iit d'an tñn eternal, ha perac ?*  
*Salver ? Abalamour ma em eus bet*  
*naoun, ha n'hoc'h eus quet roet din*  
*da zibri; clàn oun bet, ha n'hoc'h eus*  
*quet ma bisitet; beza ez oan e noaz,*  
*ha n'hoc'h eus quet roet din a zillat.*

Mar hoc'h eus recevet digant Doue  
 madou gant abondañ, n'en deus  
 quet o roet deoc'h evit o frodiga e  
 vaniteou hac e dispignou inutil, nac  
 evit ober tenzoriou, mæs evit o ranna  
 gant ar beaurien, hervez an urz eus  
 ar garante pehini en deus etablisset.  
 Ne dleit derc'hel evidoc'h nemet ræ-  
 sonablant hervez Doue; ar pe-  
 z a so ret hervez ho stat hac ho condi-  
 tion; an nemorant a so tra ar paour.

Mar d'oc'h paour hoc'h-unan, si-  
 courit ar re-all er fæçoun ma allot :  
 iit d'o bisita pa vezin clàn, iit d'o  
 c'honsoli, rentit dezo ar servich a  
 zepand] ac'hanoc'h, livirit dezo ur  
 goms vad bennac; ho paourente n'ho  
 tispanç

lispanç quet eus al lesen a garante.

Bezef charitabl (eme ar Patriarch Tobii d'e vap) mar hoc'h eus cals a vadou, roit cals, mar hoc'h eus nebeut, roit a galon vad lod eus an nebeut hoc'h eus.

2 P. Considerit ar mad a brocur an alusen. Da guenta, contribui a ra cals d'hor purifia eus hor pec'hejou, en ur obteni deomp ar c'hraç eus hor c'honversion; peguement a Sænt a dle ar c'hraç-ze d'o alusenou ha da bedennou ar beaurien !

D'an eil, Jesus-Christ a zalc'h evel grêt dezà e-unan an alusen a roomp dre garante evitàn d'ar paour; hac hon assur penaus ur banne dour hepquen roet abalamour dezàn, ne chomo quet heb recompanç.

D'an drede, an alusen a vezo en heur ar maro ur sujet bras a fizianç er visericord eus a Zoue, evit ar re o devezo he greet. *Eürus*, eme hor Salver, *eürus ar re misericordius*, *abalamour ma obtinint o-unan misericord.*

Ouspente an alusen a denn mil

L

benediction var an dud charitabl,  
var o zieguer, var o afferiou, var ho  
loenet, var o douar. Guelet a reont  
o madou o crisqui etre o daouarn :  
pep tra a brospere ganto.

Ar bara a roas Jesus-Christ d'ar  
bobl paour, pehini en devoa e heuliet  
en desert, a gresque hac en em vul-  
tiphe e dorn an Ebestel, dre ma en  
roent dezo.

An alusen pehini a lequeer e dorn  
ar paour, a so un had pehini a dauler  
en douar, ha pehini a rapport cant  
evit unan.

*Reflexion varnomp hon-unan.*

Soulagi a ràn-me ar beaurien ? ha  
truez am eus-me outo ?

Rei a ràn un alusen bennac, mæs  
ha rei a ràn-me hervez va gallout,  
rei a ràn-me quement ha ma tlesen da  
rei hervez Doue ?

Ne implijàn-me quet e traou inutil  
e braventeou, er c'hoari, en davarn  
ar peza soulache meur a baour ?

Pa roàn an alusen, ha rei a ràn-me  
a galon vad, o consideri Jesus-Christ  
e personaich ar paour ?

*Reglit hoc'h alusennou hervez ho madou. Guelit petra a dleit da rei bep bloaz, pep sizun, pep deiz, d'an hini digant pehini e esperit pep tra, ha da behini e tleit hac ho madou hac ho puez.*

O va Salver ha va Doue, digue-neoc'h eo am eus recevet quement mad am eus, ha va oll madou a so muy deoc'h eguet din-me. Ordren a ret din partagi gant ar re baour lod eus ar pezh am eus bet digueneoc'h, ha ma assuri a ret e talc'hot evel roet deoc'h hoc'h-unan ar pezh am bezo roet dezo : discleriet hoc'h eus penaus rei d'ar paour eo rei deoc'h-hu, ha penaus revus ar paour, eo ho revus-hu memes. Me ho considero eta bepret er beaurien, o va Salver, evit ma vezin carantezussoc'h aze en o c'henvver, ha ma allin esperout ho clevet-hu o prononç em faveur an arret diveza a brønnonçot e faveur arre predestinet : *Deut, tud beniguet gant va Zad, deut da bossedi ar Rouantelez a so preparet deoc'h ; car beza em eus bet naoun, ha c'hui hoc'h eus roet*

*din da zibri; beza e oan e noaz, ha c'hui hoc'h eus va guisquet; beza e ouan clàn, ha c'hui hoc'h eus va bisitet; beza e oan estranjour, ha c'hui hoc'h eus va loget.*

---

EVIT AR SEIZVET SUL GOUDE AR  
PANTECOST.

*Abregé eus an Aziel hirio.*

**J**Esus a lavaras d'e Zisquibien : ur vezen vad a zoug frouez mad, hac ur vezen fall ne zoug nemet frouez fal. Ar vezen pehini ne zoug quet a frouez mad, a vezo troc'het ha taulet en tàm.

Ar re a zeu d'am guervel, *Autrou-Doue, Autrou-Doue*, ne antreint quet oll e Rouantelez an Eê : ne antreo ennàn nemet ar re a raï bolonte va Zad pehini a so en Eê.

*Sant Vaze, Ch. 7.*

*Meditation var an OËvrou mad.*

1 P. An necessite eus an œuvrou mad.

2 P. F. petra e consist an œuvrou mad.

Considerit penaus ur c'hristen hep



œuvrou mad a so ur vezen hep frouez. Ret eo da ur vezen douguen frouez, ha frouez mad peautramant e zroc'her hac e zauler en tån.

Ne d'eo quet avoalc'h evit beza salvet ne raec'h quet a zrouc, ret e c'hoas ober ar mad. Nè vezer quet daounet hepquen evit beza grêt œuvrou fall, mæs c'hoas evit beza manquet da ober œuvrou mad. Ar vezen pehini ne zoug quet a frouez mad, a vezo taulet en tån.

N'emaoump er bed-mâ nemet evit ober œuvrou mad, pa n'emaoump ennàn nemet evit servicha Doue hac evit ober hor silvidiguez. N'hor bezo a vadou, a veritou hac a recompanç en Eé, nemet ar pezh hor bezo acquisitet dre hon œuvrou mad.

An oll madou a zestumit var an douar a so muy evit ar re-all eguet evidoc'h; o c'huitaat a reot en heur ar maro, hac ar pezh a gassot gueneoc'h aneze, a vezo ul lincer simpl hac ur planquen bennac; ha pa apparissot dirac Doue, hoc'h œuvrou hepquen, mad pe fall, hoc'h heulio.

Cetu aze ar pez a chomo gueneoc'h :  
cetu aze ar pez ho rento eürus pe  
maleürus evit un eternite.

2 P. Considerit penaus an œuvrou  
mad a gonsist ispicial er fidelite da  
ober ar pez a c'houlén Doue digue-  
neomp hervez hor stat hac hor c'hon-  
dition. Bras ha bian , paour ha pin-  
vidic, oll e ellomp ober œuvrou mad  
bemdez hac e pep mare , pa ellomp  
eus an oll actionou eus hor buez ,  
hac eus ar re-distera memes , ober  
œuvrou mad , ha crisqui hor c'huru-  
nen en Eê , mar o greomp e stad a  
c'hraç , gant un intantion santel , dre  
garantez evit Doue.

Doue ne c'houlén digueneomp ne-  
met ar pez a ellomp. Ho labour hac  
ho fatiguebermetont quet deoc'h ober  
mortificationou ha pinigennou bras :  
he bien , grit an alusen ; n'hoc'h eus  
quet ar voyen d'e ober ; pidit ; ne  
illit quet memes lavaret cals a be-  
dennou , savit a amser-da-amser epad  
an deiz ho calon varzu Doue ; paour  
oc'h ha clàn , souffrit a galon vad ho  
paourente , hac unisset ho poaniou

gant re Jesus-Christ ; evelhen ema bepret en hor gallout ober œuvrou mad.

*Grit reflexion varnoc'h hoc'h-unan.*

Pe seurt œuvrou mad hoc'h eus-hu grêt bete. vremâ ? Evit piou hoc'h eus-hu labouret ? E pe façon ha gant pebes ferveur hoc'h-hu en em acquitet eus ho tever e quenver Doue hac e quenver ho Nessa ? petra hoc'h eus-hu grêt evit Doue ? Ma ve ret deoc'h hirio apparissa dirazàn , ha n'ho pe-hu netra da rebeich deoc'h ? Ha c'hui en em gafe contant , pe evit lavaret guell , Doue hac en a ve contant ac'hanoc'h ?

Ober a ret certain œuvrou mad , mæs hac ober a ret-hu quement ha ma tleit hervez ho callout ? Rei a ret an alusen , mæs he rei a rit-hu hervez ho moyen hac ho madou.

Sourci hoc'h eus da bidi Doue pep mintin ha bemnos , mæs e bidi a rit-hu gant ar respet hac an attantion requis ?

Beza hoc'h eus ur certain nombr a

zevotionou da bere hoc'h fidel beme-  
dez, mæs ha sourci a guemeret-lu  
eus tud ho ty, d'o c'helen, d'o ins-  
trui, da veilla, varnezo, da rei dezo  
exempl vad?

Ne garrac'h quet ober gaou ouz  
den, mæs ha sicour a rit-lu ho nessa  
evel ma carrac'h beza sicouret hoc'h-  
unan ma vec'h en e blaç?

Em heur diveza e carren beza grêt  
cals a œuvrou mad. Neuse e carren  
beza bet nebeutoc'h a sourci d'en em  
avanç er bed, ha labouret muy evit  
an Eê; mæs allas! n'am bezo neuse  
nac an amser nac ar gallout. Perac  
eta n'er gràn-me quet bremâ, pa  
allàn? Ar re a allàn-me da ober, nac  
avoalc'h evit acquisita ur Rouantelez  
eternel, ur vuez, un eürusdet, ur  
gloar immortal?

O va Doue, distaguit va c'halon  
diouz an traou crouet. Grit din dis-  
prizout an douar, desirout ar madou  
celestiel, ha labourat da veritout an  
Eê dre va œuvrou mad.

EVIT AN EIZVET SUL GOUDE AR  
PANTECOST.

*Abrege eus an Aviel hirio.*

JEsus a lavaras d'e Zisquibien : un den pinvidic en devoa ur receour pebini a oe accuset dirazàn da veza goall distribuet e vadou. Ar receour maleürus-ze o velet penaus ne alsequet beva goude ma vize lamet digantàn e garg, en em resolas d'en em obermignonet gant pere e vize recevet mad. Guervel a eure ar re a oa dleourien d'e Vestr, haë e c'houlennas diout-o pegument a dlient d'o Autrou : cant baril eol a dleàn, eme unan : cetu aze, eme ar receour, an oblich hoc'h eus grêt d'an Autrou, quemerit - èn, ha grit un oblich a hantercant baril hepquen. Goudeze e c'houlennas ouz un all : ha c'hui, petra dleit-hu ? Cant muzur guiniz, emezàn : quemerit ho pillet, eme ar receour, ha grit ur billet à bevar ugent. An Autrou o veza clevet quemense, ne allas quet en em viret

L 5

da veuli ar finessa hac an habilete eus e receour. Evelse, eme hor Salver, bugale ar bed a so abiloc'h ha sourciussoc'h en o afferiou, evit ne d'eo bugale ar sclærigen.

*Sant Lucas, Ch. 16.*

*Meditation. Sourciussoc'h oump hac acquetussoc'h en hon afferiou temporel, evit ne deomp en affer hor silviliguez.*

Considerit petra a ra an darn vuya eus an dud evit dont a benn eus o afferiou, evit destum madou, evit ober o fortun, evit gounit ur proces, evit procuri o frofit pe o slijadur, ne songeont nemet e quemense, ne barlantont nemet a guemense, clasq a reont ar moyenou ar re sura, hac o impligea a reont gant ardeur heb en em rebuti evit an difficulteou a guevont, ha quemense evit ur mad a netra, evit ur vogueden a enor, evit ur blijadur eus ur moment.

O pegument a vanq n'hon eus-ni ar memes ardeur evit ar madou eternal ! Pegument a faut n'hon eus-ni

ar memes sourci eus a affer hor silvidiguez ! Peguen nebeut a reomp-ni evit en em savetei e compareson d'ar pezh a ra tud ar bed evit en em goll !

Mæs heb sellet ouz ar re all , songit petra hoc'h eus-hu grêt hoc'h-unan bete vrema evit ho silvidiguez.

Ha songet hoc'h eus - hu memes biscoas a barfetet en affer eus ho silvidiguez hac er voyen d'e ober ! Cousgoude an importanta hac an necessera eo eus hoc'h oll afferiou ; hoc'h affer unic eo pehini a c'houlen hoc'h oll attantion , hoc'h oll amser, hoc'h oll buez. Ac'hano e depend hoc'h eürusdet pe ho maleur eternal. Ne doc'h lequeet gant Doue er bed , nemet evit e servicha hac en em savetei. Petra serviche deoc'h beza gouneet ar bed-oll , mar collit hoc'h ene ?

Ha beza hoc'h eus - hu ur guir volonte d'en em savetei , ur volonte ferm , constant ha courajus , pehini a ra trec'hi an oll difficulteou ha resista ouz adversourien ar silvidiguez , ar bed , ar c'hiq hac an drouc-speret ?

Buez ur Christen a so ur bresel

continuel , ret eo eta combati bepret.  
Rouantelez an Eê a so ur recompañ ,  
ret eo e gounit : ur gurunen eo , ret  
eo e meritout.

Na songit quiet , pèc'her ha pec'he-  
rez , ho pezo evit netra ar pez en deus  
coustet quement a boan hac a zaëlou  
da un infinite a Sænt goude ur vuez  
divlam hac innoçant.

*Reflexion varnoc'h hoc'h-unan.*

Ha consideri a ràn - me va silvi-  
diguez evel ma affer principala lia  
necessera ?

Songéal a ràn-me alies en eternite ?  
Songéal a ràn-me bemdez am eus ur  
Barados da c'hounit , hac un lfern  
da evita !

Allas ! ma ne ràn va silvidiguez ,  
n'em eus grèt netra er bed-mâ : im-  
pliget am eus heb profit ebet va am-  
ser , va yec'het , va buez : collet am  
eus va ene , collet am eus pep tra.

O va Salver , c'hui pehini hoc'h  
eus un desir quen ardant eus hor silvi-  
diguez , c'hui pehini hoc'h eus souf-  
fret bete ar maro , evit hor savetei , na



bermetit quet e renten inutil evidon ho souffrançon dre va negligeanç da brofita eus a c'hraç ar Redamption pehini hoc'h eus meritet deomp.

Grit ma considerin bepret va silvidiguez evel an importanta eus va oll afferiou.

- Va c'hreañt er resolution a guemeràn da resista ouz adversourien va silvidiguez, da renonç d'an drouc-speret ha d'e demptionou milliguet, d'ar c'hiq ha d'e inclinationou disordren, d'arbed ha d'e blijadurezou maleürus.

---

EVIT AN NAVET SUL GOUDE AR  
PANTECOST.

*Abrege eus an Aviel hirio.*

**H**Or Salver o sellet ouz ar guær a Jerusalem, ha touchet o consideri ar maleuriou a bere e voa-hi gourdrouset, a scuillas daëlou. Neuse e tisclerias an distruch hac an oll drouc a dlie erruout gant ar guær ingrat-ze, pehini e devoa refuset da anaout he Redampteur. Goudese o veza antreet en Templ e chasseas ar re a gavas o

trafiqua ennàn , en ur lavaret dezo :  
scrivet eo : va zy a so un ty a oræsoun.  
Hac ober a ree bemdez instructionou ebars en Templ.

*Sant Lucas , Ch. 19.*

*Meditation var ar respet a dleer da  
gaout en Ilis.*

Respeti a dleomp an Ilis abalamour  
ma eo ty an Autrou-Doue hac un ty a  
oræsoun, hac abalamour d'ar graçou  
hon eus recevet enny.

Consider, va ene, penaus an Ilis  
a so ty an Autrou - Doue, ur plaç  
santel dediet ha consacret da Zoue  
destinet evit celebri an Ofiç divin,  
evit cana meuleudiou an Autrou-  
Doue, evit offri ar Sacrifiç adorabl  
eus an Oferen.

An Ilis a so un ty a oræsoun destinet  
evit presanti da Zoue hor pedennou,  
evit exposi dezàn hon ezomou, evit  
goulen e sicour hac e assistanç. Eno  
ispicial eo en em blich an Autrou-  
Doue oc'h hor chelaou hac o tistribui  
deomp e c'hraçou.

Gant pebes respet na dleàn - me

quet en em zerc'hel en ur plaç quer santel ; Na dleàn-me quet beza occupet hepquen da adori, da veuli, da c'hlorifia Doue, d'e drugarecât eus e oll madelezou, ha da c'houlen evit an amser da zont an oll graçou necesser evit va silvidiguez.

Consider, va ene, ouzpen-ze peguement a c'hraçou, peguement a Sacramanchou ec'h eus recevet en Ilis, peguement a instructionou ec'h eus clevet, ha peguement a c'hraçou particulier en deus accordet Doue did : na dlees-de quet caret, enori, respeti ul lec'h e pehini an Autrou-Doue en em zisqueuz bemdez quer favorabl en da andret.

*Reflexion varnomp hon-unan.*

E pe fæçoun en em gomportàn-me en Ilisou ? Ne antreàn-me quet en Ilis gant nebeutoc'h a respet evit na antreen e ty un den a enor ?

Na ven-me quet indevot, dibarfet, immodest ?

N'en em arretàn-me quet da sellet en dro din pe da gauseal ?

Ne scandalisàn me quet an assistantet dre ma immodesti pe dre ma irreverançou ?

*Goulennit pardon digant Doue eus an nebeut a respet hoc'h eus bet evit e Vajeste adorabl.*

*Quemerit ar resolution da repara dre ho modesti ha dre ho ferveur ho fautou tremenet hac ar goal exempl ho pe roet.*

*Na barlantit morse en Ilis heb necessite, ha c'hoas comsit isel ha goustat, hac e berr gomsou. En em zalc'hit bepret en ur postur humbl hac edificiant, ho taoulagat isel pe troet ouz an Auter.*

*Pa antreit en Ilis, list er mæz pep sonch ha pep sourci eus hoc'h afferiou, evit songeal e Doue hepquen hac e silvidiguez hoc'h ene. Ha pa reot ho pedennou var beïou ho tud coz, songit e teuot ive d'y hep dale da occupi ar plaç a so destinet deoc'h. Pa zougor ho corf da vreina ebars er be, Petra a garrec'h-hu beza grét evit silvidiguez hoc'h ene? Pe seurt istim a reot-hu neuse eus a guement a so er bed?*

*Chelaouit an avisou a ro deoc'h ho tud  
coz, a bere ar c'horvou a so er beïou-ze ;  
ma ellent parlant, pebes cusul a roent-  
ii deoc'h ? En em antreterit er songe-  
sonou mad ha saluter - ze : contribui  
a ellont cals d'ho renta modest ha  
devot, ha capabl int d'ho convertissa  
peguer bras pec'her bennac e ouffuc'h  
beza.*

Va Salver ha va Doue, gourdrouset  
ha chasseet hoc'h eus an Templ ar re  
en em gomporte ennàn en ur faëçoun  
direspet, ha tretet hoc'h eus gant  
douçder ar re a oa couezet e fautou  
all. Disquez a ret dre quemense pe-  
guement e tisplich deoc'h an irreve-  
rançou a goumeter en llis, ha disqui  
a ret deomp peguer bras eo hor faut,  
ha pebes maleur eo evidomp crisqui  
a nombr eus hor pec'hejou er memes  
plaç ma tlefemp goulen hac obteni ar  
pardon anezo.

Pardounit din, va Doue, ar fautou  
eus va yaouanctis ha ma ignoranç.

EVIT AN DECVET SUL GOUDE AR  
PANTECOST.

*Abrege eus an Aviel hirio.*

**D**Aou zen, eme hor Salver, a antreas en Templ evit ober o feden : unan a oa Farisien hac eguile ur Publiquen. Ar Farisien oc'h en em zerc'hel en e sao a drugarequee Doue dre ne oa quet hênvel ouz ar rest eus an dud pere a ïoa sujet da gals a viçou : goudese e conte da Zoue e oll actionou mad. Ar Publiquen er c'hontroll a chommas e goelet an Templ, ha ne grede quet sevel e zaoulagat varzu an Eê; squei a ree var poul e galon, en ur lavaret : va Doue, ho pêt truez ouzin, me pehini ne doùn nemet ur pec'her. E lavaret a ràndeoc'h; a ajoutas hor Salver, hemàn a sortias eus an Templ justifiet, ha non pas eguile; car piou bennac en em huela, a vezo humiliet, a piou bennac en em humili, a vezo hueleet.

*Sant Lucas, Ch. 18.*

*Meditation var ar c'honditionou  
requis evit ober ur beden vad.*

Considerit penaus ar beden evit beza agreabl da Zoue ha profitabl d'an ene, a dle beza grêt gant attantion, gant ferveur, gant humilite, gant fizianç e Doue ha perseveranç.

Da guenta, ret eo pidi gant attantion, da lavaret eo : ret eo lacat hor sonch en hor pedennou hac e Doue.

Ma n'en em chelaouit quet hoc'hunan, hac esperout a illit-hu beza chelaouet gant Doue? Ma sonchemp a barfetet er vajeste a Zoue ouz pehini e parlantomp, gant pebes respet, gant pebes attantion e teufemp-ni d'e bidi, ha petra ve capabl d'hon distrei?

D'an eil, ret eo pidi gant ferveur, da lavaret eo, a greis ho calon. Ho pezet un desir ardant da receo ar c'hraç a c'houlennit, hac e pedot gant ferveur. Gant pebes ardeur e c'houlenn ur paour an alusen digant un den pinvidic! Goulennit evelse digant Doue e c'hraçou.

D'an drede, ret ê pidi gant humilite; ret eo, evel ar Publiquen,

anaout hon ezomou hac hior paou-  
rente, anaout ne doump capabl a  
netra, ne veritomp netra, exposi hor  
miseriou da Zoue hac e supplia da  
ober ur sell a druez ouzomp.

D'ar bevare, evit pidi gant fizianç,  
songit ez eo da Zoue hoc'h eus re-  
cours, d'ho Tad Celestiel pehini ho  
car, pehini a so leun a vadelez, leun  
a visericord, hac ato prest d'ho sicour.

Ret eo c'hoas perseveri da bidi. Ma  
ne accord quet Doue souden deoc'h  
ar c'hraç a c'houlennit, na gollit quet  
courach, mæs perseverit en oræsoun  
hac esperit ferm e roi deoc'h ar pez a  
zesirit pe un dra bennac all hac a vezo  
guelloc'h, evel ma reas da Sant Paul,  
pehini o veza e bedet meur a veich  
d'en dilivra eus an temptation gant  
pehini ez oa tourmantet, a recevas  
elec'h an delivranç-ze ur c'hraç avan-  
tajussoc'h evintâ, pehini en rentas  
victorius eus an demptation hac a  
reas dezàn gounit quellies a victor  
evel a gombat en devoe da souten.

Doue a zale avisiou da rei deomp  
ar c'hraç a zesiromp, evit rei deomp



occasion d'a bratica meur a vertu, evit hon renta humploc'h, evit ober deomp santout guell hor paourentez hac an ezom hon eus eus e sicour, evit hon obligea da gaout aliessoc'h recours dezàn hac e bidi gant muy a ferveur, hac erfin evit recompansi hor perseveranç.

Ma ne accord quet Doue deoc'h ho coulen pa c'houlennit traou temporel, evel ar yec'het, un issu mad en hoc'h asseriou, etc., credit ez eo un effet eus e vadelez, abalamour ma vel e noasent d'ho silvidiguez dre ar goal usaich a raec'h anezo. Mæs na songit quet evit-ze e ve ho peden inutil deoc'h, car beza hoc'h eus ato ar frouez hac ar merit eus ar beden.

Considerit erfin penaus pa hoc'h eus recours da Zoue dre ar beden, ez eo sicour a c'houlennit digantàn; ar pezh a suppos e labourot ive hoc'h-unan. Grit eta ar pezh a so en ho calout, ha Doue a raï an nemorant.

*Reflexion varnomp hon-unan.*

Peguen alies n'am eus-me quet pedet non pas hepquen heb ferveur,

mæs heb attantion hac heb respet!  
 Ne veritan-me quet ar memes rebeich  
 a rezoc'h, va Doue, d'ar Yusevien :  
*Ar bobl-mâ a zeu d'am fidi â c'henou,*  
*mæs e gulon a so pell diouzin.*

Elec'h perseveri da bidi gant humilite ha gant fizianç, n'am eus-me quet, goude beza goulennet ur veich pe ziou un dra digant Doue, abandonet ar beden? Ne veritan-me quet eta em lesse em miser hac em paourentez?

Goulen a ràn digant Doue e c'hraç, e bidi a ràn d'am sicour, mæs hac en em sicour a ràn-me ive va-unan? Hac ober a ràn-me eus va c'hostez ar peza a allàn hac a dleàn da ober?

Guelit e pehini eus ar poenchoumâ ez oc'h faziet.

Goulennit pardon eus ar fautou hoc'h eus coumetet.

#### PEDEN.

Plige gueneoc'h va instrui hoc'h-unan, ô va Mæstr divin! Va disquit da bidi : inspirit din ar respet, an humilite, ar fizianç pere a c'houlen-

nit, ha pere ne allàn quet da gaout hep ho sicour.

---

EVIT AN UNNECVET SUL GOUDE AR  
PANTECOST.

*Abrege eus an Aviel hirio.*

**P**Resanti a resur da Salver ar bed  
un den bouzar ha mud, evit ma  
plich-ze gantàn e renta pare. Jesus o  
veza e dennet eus ar foul e ioa en dro  
dezàn, a lacas e viziât en e zious-  
couarn, hac a douchas ouz e deaud,  
en ur lavaret : *en em zigorit* ; ha  
quer buan e ziouscouarn a zigoras, e  
deaud en em gavas libr, hac e par-  
lantas distinctamant. Jesus a zifennas  
ouz ar bobl discleria ar mirac-ze :  
mæs seul vuy e tifenne, seul vuy er  
publient, en ur lavaret gant admira-  
tion : *Grêt mad en deus pep tra* ; roet  
en deus ar c'hlevet d'ar re vouzar hac  
ar parlant d'ar re vud.

*Sant Marc. Ch. 7.*

*Meditation var ar resination hac ar  
soumission da volonte Doue.*

Considerit penaus ne arru netra er

bed nemet dre urz Doue pe dre e bermission, ha quement a ra a so grêt mad.

Doue pehini a vèl an amser da zont evel an amser bresant, a oar petra so necesser deomp ha petra eo ar guella evidomp. Doue a so un tad, hac un tad carantezus pehini ne bermet netra a guement na ve profitabl evit hor silvidiguez. Just eo deomp eta en em abandoni d'e brovidanç, en em soumeti d'e volonte, ha receo a galon vad quement a blich gantàn da rei deomp, ar c'hlênvèt evel ar yec'het, ar baourente evel ar binvidiguez, an affliction evel ar gonsolation.

An den santel Job o veza collet e vadou bras hac e oll vugaie, o veza ouzpenze affliget gant ur c'hlênvèt estrainch, en em gonsole e-unan en ur lavaret : *Doue en devoa o roet din, Doue en deus-y lamet diguené; ra vezo meulet e hano.* Livirit evel-dàn pa erruo gueneoc'h ur boan, ur c'holl pe un drouc bennac : Doue eo en deus permetet ar c'holl-mâ, an affliction-mâ : Doue ra vezo meulet.

Peguer

Peguer consolant eo ar songeson-ze!  
comprenit-hi en hoc'h afflictionou,  
hac e viot souden consolet.

Renoncit d'ho polonte propr, ha  
desirit ma vezo accomplisset bepret  
bolonte Doue varnoc'h; e lavaret hac  
e c'houlén a ret bemdez er *Bater*:  
*Ho polonte bezet grét en douar evel  
en Eé*; mæs marteze el livirit-hu  
gant nebeut a attantion ha nebeut a  
frouez. Commancit eus a vremâ d'e  
lavaret gant muy a sincerite ha muy  
a fizianç.

Goulennit alies digant Doue, is-  
picial en traou important, ar c'hraç  
da anaout e volonte ha d'e heulia.

*Reflexion varnoc'h hoc'h-unan.*

Ha beza am eus-me ur soumission  
parfet da volonte Doue?

En em gontanti a ràn-me eus ar  
stad e pehini oun lequeet gant Doue?

En em resina, en em soumeti a  
ràn-me d'e volonte pa ve control an  
amser, pa erru ur goall vloavez?

N'en em glemàn-me quet, ne vur-  
vuràn-me quet, pa stourm un dra

M

bennac ouzon, pa zigouez guené un drouc bennac, ur goall affer, ur c'holl, un humiliation bennac?

Ha! va ene, a beguement a sourciou inutil, a jagrin hac a boan na vês-de quet quyt, ha peguen eürus a vês-de, ma ne zesires nemet ar peza fell da Zoue!

O va Doue, ho polonte ra vezo bepret va hini. Disposit ac'hanon hervez ma plijo gueneoc'h, roït din ar peza bligeo gueneoc'h, me a recevo pep tra eus ho torn hac ho meulo a bepra; ra vezo grêt ho polonte, ha non pas va hini. *Va Doue, ne zesiràn nemedoc'h; va Doue en em adandoni a ràn etre ho tuouarn.*

EVIT AN DAOUZECVET SUL GOUDE AR  
PANTECOST.

*Abrege eus an Aviel hirio.*

UN Doctor eus al Lesen o veza goulennet ouz Salver ar bed petra a dlie da ober evit beza salvet, e respontas dezàn : petra so scrivet el Lesen? Scrivet eo, eme an Doctor :

caret a reot Doue a greis ho calon ,  
hac ho nessa eveldoc'h hoc'h-unan.  
Grit quemense , eme hor Salver hac  
e vefot. Jesus a lavaras dezàn goudeze :  
ur Samariten o veza rancontret var  
hent Jerico un den blesset ha pillet  
gant al laëron, en devoe truez outàn,  
e lacât a eure var e varc'h, hac e  
gondui a reas d'an hostaliri , e pe  
lec'h en devoe sourci anezàn hac e  
reas e banci , ha péa a eure evitàn.  
lit , eme neuse hor Salver d'an Doc-  
tor , ha grit evelse d'ho nessa.

*Sant Lucas , Ch 10.*

*Meditation var ar garante e quenver  
an Nessa.*

1 P. Peguer just ha peguer ræso-  
nabl eo ar Gourc'hemen a ra Doue  
deomp d'en em garet an eil eguile.

2 P. E pe fæçon e tleomp en em  
garet evit miret ar Gourc'hemen-mâ.

Considerit penaus ez oump oll  
breudeur ha c'hoareset : beza hon eus  
ar memes Tad : bugale oump oll da  
Zoue , ha bugale d'an Ilis : esper hon  
eus oll da veva assembles en Eê epad  
an eternite.

M 2

Doùe a gommand deomp en em garet an eil eguile. Un Tad mad eo pehini a fell dezàn e ve ar peoc'h hac un union etouez e vugale.

Peguer just ha peguer ræsonabl eo ar gourc'hemen-mâ, peguen dign ef-èn eus a vadelez ha furnez an Autrou-Doùe, ha peguen avantajus evidomp!

Ma ve miret mad ar gourc'hemen-mâ gant pep-unan, ma ve carante etre an oll, peguen douç ha peguen agreabl ve d'an eil beva gant eguile! Ne ve er bed nac injustiç na dislealdet, na trous na scandal, nac avi nac ambition; pep-unan a ve prest ha pront da sicour e nessa en e ezomou ha de gonsoli en e boaniou, ar bed a ve eguis ur Barados.

a P. Considerit penaus evit miret ar gourc'hemen-mâ e tleit caret ho nessa evel ma en em guirit hoc'h-unan, da lavaret eo, desirout ha pro-curi dezàn ar memes mad evel deoc'h hoc'h-unan; ober dezàn ar pezh a garrac'h a ve grêt deoc'h hoc'h-unan, lacât evez na raec'h dezàn ar pezh ne garrac'h quet a ve grêt deoc'h, ma veac'h en e blaç.



Ar garantez, eme an Abostol Sant Paul, ha so douç ha patient, ne d'eo quet ambitius, ne glasq quet he frofit he - unan, n'en em faich quet, ne sonch quet a zroue eus ar re - all, anduri a ra pep tra, esperout a ra pep tra, suporti a ra pep tra.

*Reflexion varnomp hon-unan.*

Hac ar re-ze eo va santimanchou ha va dispositionou me e quenver va nessa ?

Ha joa am eus-me pa erru gantàn ur mad pe un avantaich bennac ? Ha truez am eus-me outàn, pa er guelàn er boan pe en affliction ?

E sicour a ràn-me en e ezomou, pratica a ràn-me en e andret an œuvrou a visericord quen spirituel quen corporel, pa allàn e ober ?

Suporti a ràn-me e humor hac e infirmiteou gant ar memes patientet ma tesiràn e ve suportet va re-me ?

Mar caràn va nessa, n'er c'haràn-me quet dre ur garante naturel hepquen, abalamour ma eo mignoun din, pe abalamour ma en deus grêt plijadur evidon ?

M 3

Mar gràn vad d'am nessa, n'er gràn-me quet dre interest heb quen, abalamour ma esperàn receo digantàn ur servich pe un avantaich bennac?

Hac abalamour da Zoue eo e caràn-me va nessa, abalamour ma eo crouet gant Doue herveze Imaich, abalamour ma ordren Doue din e garet?

Pa ràn vad d'am nessa, e ober a ràn-me evit Doue, o consideri Doue e personaich va nessa?

O va Doue, goude an assuranç a roit din em zretot eguis ma em bezo tretet va nessa, penaus a allàn - me mancout da veza carantezus ha truezus en e andret, me pehini am eus quemment a ezom eus ho misericord hac eus ho carantez?

EVIT AN TRIZECVET SUL GOUDE AR  
PANTECOST.

*Abrege eus an Aviel hirio.*

**J**Esus o vont da Jerusalem a rancon-  
tras dec den lôr, pere a grie : Jesus  
hor Mæstr, ho pezet truez ouzomp.  
lit d'en em zisqueuz d'ar Veleyen, a

lavaras dezo Jesus-Christ. Pa oant en hent evit e ober, en em guesfont pare. Unan anezo, quer buan ha ma en em santas yac'h, a zistroas var e guiz evit trugarecât hor Salver, pehini a lavaras neuse, ne dind-ii quet pare o dec? Pelec'h éta ema an nao all? Ne deus nemet unan hac a ve deut da renta gloar da Zoue.

*Sant Lucas, Ch. 17.*

*Meditation var an anaoudeguez vad e quenver Doue.*

1 P. An obligation hon eus da drugarecât Doue evit e oll madelezou.

2 P. E pe façoun e tleomp disquez dezàn hon anaoudeguez vad.

Considerit ar mad infinit en deus grêt Doue deoc'h evit compren an obligation hoc'h eus d'e drugarecât ha da renta dezàn actionou a c'hraç.

Ho crouet en deus evit ho renta eternellamant eürusgantàn, ho prenet en deus, ho suportet en deus en amser ma voac'h e mæz eus e c'hraç; roet en deus deoc'h ar spas da ober pinigen; pet graç, pet inspiration santel ne ro-èn quet bemdez deoc'h?

Ne deus moment ebet e pehini ne ra deoc'h ur mad bennac. An nebeuta tra a dleit eta da ober, eo e drugarecât ha disquez dezàn hoc'h anaoudeguez.

Pa en deus un den grêt ur mad bennac evidoc'h, pe rentet deoc'h ur servich bennac, hoc'h eus sourci d'e drugarecât ; ha mar ho pe disonget d'e ober, ho pe ur certen poan ha mez goudese. Na dleit - hu quet caout da nebeuta ar memes attantion hac ar memes sourci da drugarecât an Autrou-Doue evit an donæsonou a ra deoc'h ?

Mar displich an ingrateri d'an dud, ne zisplich quet nebeutoc'h da Zoue. An ingrateri hon rend indign eus e faveriou, hac a zisec'h ar sourcen eus e c'hraçou. Goulen a ret marteze abaoue pel amser ur c'hraç bennac digant Doue, hep he obteni : mæs liquit evez na ve e punition eus hoc'h ingrateri a ziaguent e refus bremâ deoc'h ar pez a c'houlennit digantâ ; commancit eta dre e drugarecât eus ar graçou en deus grêt deja deoc'h, hac e velot dre experianç penaus tru-

garecât Doue eus ur c'hraç, eo meri-  
tout graçou nevez.

2 P. Considerit penaus, evit dis-  
quez da Zoue hoc'h anaoudeguez-vad,  
e tleit, da guenta, ober alies reflexion  
var e vadelez, var e brovidanç, var  
e garante evidoc'h. D'an eil, anaout  
hac anzaou ez eo digantàn hoc'h eus  
recevet an oll madou hac an oll avan-  
tachou hoc'h eus, ha raporti dezàn  
an oll gloar anezo. D'an drede, ober  
un usaich mad eus ar graçou hac eus  
ar madou hoc'h eus bet digantàn.  
D'ar bevare, caout carante evitàn hac  
e servicha gant fidelite. Pebes carante  
n'ho pe-hu quet evit ur mignon fidel  
pehini en defe ho sicouret, ho prote-  
get e pep occasion, hac ezposet me-  
mes e vuez evit savetei hoc'h hini?  
Mæs petra eo quemense e comparæ-  
son d'ar pezh en deus grêt ho Salver  
adorabl evidoc'h.

*Reflexion varnomp hon-unan.*

Pet graç am eus-me recevet digant  
Doue, heb em be songet d'e druga-  
recât ?

Ha songet am eus-me biscoas a barfetet da drugarecât Doue d'am beza crouet evit beza eternellamant eürus gantàn en e c'hloar ?

E drugarequeet am eus-me da veza roet din e Vap uniq evit beza va redamtor ha va Salver ?

E drugarequeet am eus-me eus ar graçou-all, quen general, quen particulier, am eus recevet digantàn ?

Pe sort usaich am eus-me grêt eus ar madou, eus ar speret, eus an nerz am eus bet digant Doue, n'am eus-me quet avisiou en em servichet anezo evit e offansi ! O cruela ingrateri !

O va Doue, grêt hoc'h eus muy evidòn evit n'am bize credet esperout ha ne heanit morse oc'h ober vad din. Va buez a dlefe beza un action continuel a c'hraç : e pep amser e tlefen meuli hac exalti ho madelez, ho providanç hac ho misericord em andret ; mæs da nebeuta ne vanquin quet bep mintin ha bemnos d'ho drugarecât eus ho madelezou gant an oll ferveur hac an oll anaoudeguez possibl ; ha consideri a rin bepret an

donasonou hac an avantachou am  
eus recevet digueneoc'h, evel ur  
voyen roet din ganeoc'h evit va alya,  
va angagi ha va obligea d'ho caret ha  
d'ho servicha, ha d'en em sanctifia  
va-unan dre an usaich mad anezo.

ACT A DRUGAREZ.

Me ho trugareca, va Autrou,  
Eus hoc'h oll madelezou,  
D'am beza crouet, conservet,  
Prenet, en llis recevet.

*Chetu aze ar graçou general hon  
eus recevet oll digant Doue; peb-hini  
a dle anaout ar graçou particulier  
en deus recevet.*

---

EVIT AR BEVARZECVET SUL GOUDE  
AR PANTECOST.

*Abrege eus an Aviel hirio.*

**N**E illit quet servicha daou Væstr,  
Neme hor Salver. N'en em liquit  
quet e poan da ouzout a belec'h ho  
pezo pe-a-dra d'en em vaga ha d'en  
em visca. Ho Tad Celestiel pehini a  
vag gant quement a sourci al laboucet  
eus an Eê, a bourveo ac'hanoc'h eus

an traou-ze oll. Clasquit da guenta Rouantelez Doue, servichit Doue ervad, hac ho pezo quemense tout gant abundanç.

*Sant Vaze, Ch. 6.*

*Meditation. Nep a servich Doue ervad, n'en devezo dienez a netra.*

Considerit penaus an Autrou-Doue dre e vadelez a fell dezàn ober gue-neomp ur gondition pehini a so avantajus bras evidomp; goulen a ra hep-quen digueneomp ma lacaïmp hon oll sonch hac hon oll sourci d'e servicha, hac èn e-unan en em oblicli da gaout sourci ac'hanomp, ha da furnissa deomp hon oll ezomou. Petra a el-lomp-ni da zesirout guell? Na dleomp ni quet receo gant joa ha gant anaoudeguez-vad ur gondition quer mad evidomp? ●

Liquit eta bepret ho studi d'en em acquitta eus ho tever e quenver Doue, ha n'ho pêt quetaoun e vanquedeoc'h ar pez a so necesser evit beva hac evit en em antreteni. Doue a so ho Tad, anaout a ra hoc'h ezomou, ha muy a vadelez en deus evidoc'h evit  
ne



neillit da gompren. Un tad quer mad hac èn a ouffe abandoni e vugale en o necessite.

Bezef fidel , a lavare ur Pap santel da ur Rouanez , bezef fidel da ober ar peza c'houlèn Doue digueneoc'h , grit asseriou Doue , ha Doue a raï asseriou ho Rouantelez. Lavaret a allàn ive evelse deoc'h : servichit mad an Autrou-Doue , ha Doue a bourveo ac'hanoc'h : queit ha ma viot fidel d'e servicha , e allot lavaret gant fizianç evel ar Profet : *Doue en deus sourci ac'hanon ; ne vanko netra din.*

N'en em nec'hit quet evit an amser da zont ; ne velot quet marteze an amser-ze : perac eta en em dourmant inutilamant ? Ha memes , caër ho pe songeal ha sourcial , caër ho pe evessaat ha beilla , caër ho pe labourat ha poaniä , netra ne brospéro , ma ne ro Doue e venediction d'ho labour ha da guement a antreprenot.

*Reflexion varnoc'h hoc'h-unan.*

Ma c'henta ha ma frincipala sourci hac èn so da servicha Doue ha da la-

N

bourat evit an Eê, regli a ràn - me var quemense va oll actionou ?

Va brassa studi n'ef-èn quet da ouzout penaus e vevin ha petra a rin er bed-mâ.

Ne zilezàn-me quet servich Doue, an Ofiç divin, evit ober ma afferiou temporel ?

Epad ma fedennou memes, va spereit n'ef-èn quet alies muy occupet eus an tyeguez evit eus a Zoue ?

O va Doue, goulén a ret diguené ma clasquin da guenta ha dreist pep tra ho Rouantelez, goulén a ret ma labourin evit ar Barados pehini eo ho Rouantelez ha va heritaich, goulén a ret ma quemerin ar voyen evit erruout eno, da lavaret eo, e conduen ur vuez santel ; mæs evidòn-me quen eguet evidoc'h eo e c'houlennit quemense, ha ma assuri a ret penaus mar er gràn, em assistot em oll necessiteou, quen temporel quen spirituel.

Ha beza e vezin-me quen diræson ha quen disquiant evit revus an offiç carantezus a ret din, hac a so oll em frofit hac em avantaich ?

Va Doue, grit dre ho c'raç n'am bezo hiviziquen quen sourci nemet an hini d'ho servicha bepret gant muy a fidelite.

Va Doue, abandoni a ràn etre ho taouarn, va c'horf ha va ene, va buez ha va afferiou, hac esperout a ràn e pourveot d'am oll ezomou quen temporel quen spirituel.

---

EVIT AR PEMZECVET SUL GOUDE AR  
PANTECOST.

*Abrege eus an Aviel hirio.*

**P**A antree Jesus er Guær a Naïm gant e Zisquibien hac ur foul bras a bobl pehini en heulie, e touguet d'an douar map unic un intâves pehini a ïoa affliget meurbed. Hor Salver a sellas a druez out-y, hac a lavaras dezi, na voelit quet. Neuse e taustaas hac e touchas ouz an arched, hac e lavaras : *Den yaouanc, savit, me en ordren deoc'h.* Sevel a eure en instant, ha Jesus en rentas leun a vuez d'e Vam. An oll a voe souezet hac estlamet. Renta a resont gloar da

Zoue ha lavaret ha rent entrezo : *Ur Profet bras a so savet en hon touez, ha Doue so deut da vîsita e bobl.*

*Sant Lucas, Ch. 7:*

*Meditation var ar ber amser eus ar vuez-mâ.*

Considerit penaus an dud yaouanc a varv couls hac ar re goz. Ar yaou-  
anctis, an nerz, ar yec'het ne allont  
quet resista ouz ar maro.

Hor buez a verra bemdez, hac ar  
maro a dausta bepret.

Hor buez a dremen evel ur squeud  
en ur moment. An deveziou, ar mi-  
siou, ar bloaveziou eus hor buez, en  
em heul an eil eguile quer buan, ma  
varvomp pa hon eus a boan com-  
mancet mad da veva.

Pa songeomp en amser dremenet  
eus hor buez, peguer ber n'er c'ha-  
vomp-ni quet? An amser da zont, pa  
vezo ive tremenet, a gavimp quer ber  
hac èn.

Na staguit quet eta ho calon ouz  
ar vuez-mâ, ha songit e rencot sou-  
den quitât ho madou, ho ty, ho pli-

jadurezou, ho querent, ho mignonet.

N'en em liquit quet e poan da veva pell-amser; mar d'hoc'h mechant, ho puez ne vezo nemet re hir; mar fell deoc'h en em santifia, hoc'h eus amser avoalc'h d'e ober, peguer ber bennac ve ho puez.

2 P. Pa n'emaoump er bed-mâ nemet en ur dremen, pa ne domp nemet pelerinet ha tud divroet, troomp hor speret hac hor e'halon varzu an Eê pehini eo hor bro hac e pelec'h e tleomp beva eternellamant.

Songeomp da implija ervad evit an eternite ar rest eus an amser hor pelerinaich. Labouromp da veritout ur plaç etouez an habitantet eürus eus ar Jerusalem celestiel. Querzomp queit ha ma velomp sclærigen, gant aoun na vemp surprenet gant an noz.

Doue en deus cuzet ouzomp an deiz diveza eus hor buez, evit ma vezimp e pep devez evel pa dlesomp mervel en deiz-ze.

Ma ouffac'h n'ho pe muy nemet ur miz da veva, petra ne raec'h-hu quet evit assuri ho silvidiguez? ha mar-

222 *Ar pemzecvet Sul*  
teze n'hoc'h eus quet un devez.

*Reflexion varnomp hon-unan.*

Songeal ha cridi a ràn-me n'am eus nemet nebeut a amser da veva?

Ne fiziàn-me quet em yaouanctis, em yec'het, em nerz? Peguement a re-all a so bet tromplet evelse?

N'en em gomportàn-me quet evel pa ne dlefen quet mervel, ha ma tlefen beva bepret er bed-mâ.

Petra ra din-me caret quement ar vuez-mâ? Ha cavet am eus-me biscoas enni ur gontantamant parfet? Ne santàn-me quet avoalc'h ez eo leun a boaniou hac a viseriou? Da bed danger evit va silvidiguez n'oun-me quet exposet? Seul vuy e vevin, seul vuy a gont em bezo da renta.

**P E D E N.**

O va Doue, grit din compren muy-oc'h-muy ar ber amser eus ar vuez-mâ, anaout ar fragilite eus a oll vadou an douar, consideri ar bed-mâ evel un exil hepquen hac un traounen a zaëlou, hac huanada bepret varlec'h

ar vuez eürus hac an demeuranç eter-  
nel eus an Eê, pehini eo va guir bro.

---

EVIT AR C'HUEZECVET SUL GOUDE AR  
PANTECOST.

*Abrege eus an Aviel hirio.*

**J**Esus o velet penaus ar re a oa  
conviet da ur Fest, a choase ar  
renq huella, a lavaras dezo : pa viot  
conviet da ur banquet, n'en em liquit  
quet er c'henta plaç, gant aoun na  
ve bet pedet unan bennac brassoc'h  
ha consideraploc'h evidoc'h, ha na  
zeufe an hini o deus ho pedet o taou  
da lavaret deoc'h : roit ar plaç-ze d'an  
den-mâ ( ar pezh a vezo ur vez hac ur  
goufusion evidoc'h ); mæs en em li-  
quit er plaç isela, hac an hini en deus  
ho pedet a rai deoc'h, pignat hueloc'h  
Quemense a rai enor deoc'h, ha pep-  
unan a veulo ho modesti : *Car piou  
bennac en em huella, a vezo iseleet ;  
ha piou bennac en em isela, a vezo  
hueleet.*

*Sant Lucas, Ch. 14.*

N 4

*Meditation var an Orgouil.*

1 P. An horror a dleomp da gaout ouz ar viç-mâ.

2 P. Ar voyen d'e zisc'hrienna eus hor c'halon.

Evit caout c'âs hac horror ouz an Orgouil, considerite effejou maleürus.

An orgouil eo a ziscaras ar goall Ælez eus an Eê, hac o strincas e goelet an ifern.

Abalamour d'an orgouil eo bet chaseet eus ar Barados terrestr hon Tad hac hor Mam guenta Adam hac Eva, hac ez int bet rentet, ii hac o oll bugale, sujet da bep sort miseriou.

Ar superbite a so ur sotrçen eus an oll viçou. Doue a resist ouz ar re superb hac a ro e c'hraçou d'ar re humbl.

Ar superbite a so ur poëson secret pehini a gorrump ar guella actionou, hac a ra coll ar frouez anezo.

Un arrêt eo prononcet gant Map Doue e-unan, penaus piou bennac en em huelaï, a vezo iseleet, an nep a fell dezàn pignat re huel, a vezo confrontet.



O peguen horribl eo an Orgouil,  
pa zeo caus eus a vakeuriou quer  
bras!

Considerit ha ne d'oc'h-huquet su-  
jet da ur viç quer maleürus, car beza  
ez eus cals hac en em rent coupabl  
eus ar viç-mâ, pere cousgoude n'er  
c'hredont quet, evel ar re a ra un is-  
tim vras anezo o-unan, abalamour ma  
o deus muy a speret, muy a nerz,  
muy a vadou evit ar re-all; ar re ne  
zesiront na ne glascont nemet beza es-  
timet gant an dud, ar re a barlant eus  
anezo o-unan e pep rancontr hac en  
em veul o-unan; pe a chelo gant com-  
plesañç ar meuleudiou a roer dezo,  
ar re ne allont quet anduri beza repre-  
net pe avertisset eus o fautou; ar re a  
so aheurtet en o santimant, hac a zis-  
pris an avisou mad, a roer dezo, oc'h  
en em gridi fur avoalc'h evit en em  
c'houarn o-unan; ar re a zispris ar re-  
all, o cridi beza guell pe vertuzus-  
soc'h ho devotoc'h evit-o.

Examinit ha ne d'oc'h-hu quet  
coupabl en ur poent bennac eus ar  
re-ze.

2 P. Evit disc'hrienna an orgouil eus ho calon, en em servichit eus ar remejou-mâ, pe da viana eus a unan bennac anezo.

*Quenta remed.* Considerit eo digant Doue e teu quement a so enoc'h a vad a quement avantaich hoc'h eus; da Zoue eta eo dleet an oll gloar a guemense, ha non pas deoc'h-hu.

*Eil remed.* Songit peguen nebeut a dra eo an oll istim a ouffe an dud da ober ac'hanoc'h, hac e vec'h meulet hac enoret gant an oll, ne viot na brassoc'h, na guelloc'h, nac eürusoc'h, ne viot ato nemet ar pez ma oc'h dirac Doue. Ouzpenze pa ho meulont ha c'hui so sur o deus istim evidoc'h e gulet o ene? Marteze e reont-ii goab ac'hanoc'h.

*Trede remed.* Songit en hoc'h infirmiteou quen corporel, quen spirituel petra eo ho corf nemet douar ha corruption; da be seurt miseriou ne d'eo quet sujet hoc'h ene? Antreit enoc'h hoc'h-unan hac e quefot pe-a-dra d'en em humilia, en ur gonsideri ho sempladurez, ho fragilite, an nivet ho pec'hejou.

*Pevare remed.* Na barlantit morse eus ac'hanoc'h hoc'h-unan nac e mad nac e drouc; ha mar ho meuler, na rit vâñ ebet a guemense, chenchit propos, comsit a draou all, ha rentit an oll gloar da Zoue.

P E D E N.

O va Doue; grit din hoc'h anaout hac en em anaout va-unan. Grit din anaout ho crandeur, hac anaout va iselet ha va neant. Grit din anaout ho madelezou hac anaout va ingrateri. Grit din anaout ar pez am eus recevet digueneoc'h, evit ho trugarecât hac ho meuli, hac anaout ar pez am eus ae'hanon va-unan, evit eo em humilia.

---

EVIT AR SEITECVET SUL GOUDE AR  
PANTECOST.

*Abrege eus an Aviel hirio.*

**A**R Farisianet o veza tausteet ouz Jesus, unan anezo pelini a oa Doctor eus al lesen, en interrogeas, o clasq e surpren en e gomsou. Mæstr, emezàn, pelini eo ar brassa gour-

c'hemen eus al lesen ? Jesus a respo-  
tas : Caret a reot Doue eus a greiz ho  
calon , eus hoc'h oll speret, eus hoc'h  
oll ene hac eus hoc'h oll nerz. Cetu aze  
ar brassa gourc'hemen hac ar c'henta :  
cetu amâ an eil pehinia so henvet ou-  
tân : Caret a reot ho Nessa eveldoc'h  
hoc'h-unan. Quement tra a so ordre-  
net dre al lesen, ha quement o deus  
lavaret ar Brofetet a so comprenet en  
daou gourc'hemen-ze.

*Sant Vaze , Ch. 22.*

*Meditation var ar Garantez.*

1 P. Peguer just eo caret Doue.

2 P. E pe façon e tleomp disquez  
dezàn hor c'harantez.

Considerit penaus ar c'henta hac ar  
brassa Gourc'hemen en deus roet  
Doue deomp , eo d'e garet dreist  
quement tra so : *Un Doue hepquen  
a ulori , ha dreist pep tra oll a guiri.*  
Peguer just ha peguer rasonabl eo  
ar Gourc'hemen-mâ !

Va Doue , c'hui a so va Zad , va  
c'hrouet hoc'h eus evit va renta eürus  
guencoc'h en ho cloar , va frenet hoc'h

eus en amser ma voàn collet, c'hui a so leun a garantez evidòn, va c'harga a ret bemdez eus ho craçou hac ho tonæsonou, digueneoc'h eo am eus recevet quement mad am eus, ha digueneoc'h-hu eo e esperàn quement mad a esperàn er bed-mâ hac er bed-all. Pet ræsoun, pet obligation n'am eus-me quet d'ho caret-hu, va Doue! Penaus e allàn-me goude quement a c'hraçou revus deoc'h va c'halon ha va c'harantez?

C'hui va Doue, hoc'h eus roet din ar vuez ha furmet va c'halon : n'em edòn var an douar ha ne vevàn nemet evit ho caret : ma n'ho caràn quet eta, e veritàn ar maro.

Pe sort natur a so em c'halon-me, ma ne garàn quet un Doue quer mad, un Doue quel liberal em andret, un Doue quen dign da veza caret !

Mar d'eo just din caout ur garante special evit va c'herent, va mignonet hac ar re a ra vad din, pebes carante na dleàn-me quet da gaout evidoc'h, va Doue, c'hui pehini hoc'h eus grêt muy evidòn, evit n'o deus-y grêt oll

assambles, ha muy evit na ouffent da ober!

a P. Dre hon œuvrou ispicial e tleomp disquez da Zoue hor c'harantez : hervez ma en desq deomp hor Salver e-unan : *An nep a vir va Gourc'hemennou, emezàn, hennes eo em c'har. Ar re a lavar din, va Doue, va Doue, ne antreint quet oll e Rouantelez an Eé, mæs hepquen ar re a ra bolonte va Zad.*

Mar em eus carante evit un den, mar em eus ur mignoun fidel, n'en em gontantàn quet da ziscleria dezàn dre va c'homsou penaus er c'haràn, ober a ràn va fossibl da blijout dezàn e pep rancontr, divoal a ràn na zisplichen dezà e façon ebet, ne espernàn quet va foan evit renta servich dezàn, plijadur am eus oc'h en em antreteni gantàn, songeal a ràn alies ennàn, hac en em blijout a ràn o coms anezàn.

Mar credàn beza obliget da ober quemense evit ur mignon, ha mar er gràn en effet, ne dleàn-me quet gant muy a ræsoun e ober evit Doue

pehini a so guelloc'h ha fideloc'h evit  
an oll mignounet ?

*Reflexion varnomp hon-unan.*

Ha sujet am eus-me da gridi am  
eus ur guir garante evit Doue ? Petra  
a ràn-me evit Doue ? Petra souffràn-  
me evit Doue ?

Ober a ràn-me evit Doue quement  
memes ha ma ràn evit va mignounet ?  
Clasq a ràn-me da blijout dezàn e pep  
rancontr ? Lacât evez a ràn-me na  
zisplichen dezàn , me pehini a zeu d'e  
offançi quen alies hac evit an distera  
tra ?

En em blijout a ràn-me oc'h en  
em antreteni gant Doue en Oræsoun ?  
Sevel a ràn-me alies , va c'halon varzu  
Doue ?

Plijadur am eus-me o coms eus a  
Zoue , hac o clevet comsou Doue ?

Peguen tom eo va c'halon e quen-  
ver va mignonet , ha peguer yên en  
ho quenver-hu , va Doue ? peguer  
pront oùn-me da renta servich da ur  
mignon , ha peguen diegus d'ho ser-  
vicha-hu.

O va Doue, pa ordrenit din ho caret, hac ho caret dreist quement tra so, alumit em c'halon an t'ân eus ho carante divin, evit ma ho carin eus va oll ene, eus va oll nerz hac eus va oll gallout.

Piou oc'h-hu, va Doue, ha piou ou'n-me, ma coumandit din ho caret? Hac e a so netra, avantajussoc'h din eguet ho caret? Hac e a so brassoc'h miser evid'ôn, eguet manc'out d'ho caret? Ha c'hui a vezo eürussoc'h, mar ho car'ân-me? Ha c'hui vezo nebeutoc'h eürus, ma n'ho car'ân quet? O carantez eus va Doue, c'hui fell deoc'h ho carren, evit va renta eürus dre ar garantez am bezo evidoc'h! ha! re divead am eus ho caret, quenet bepret'ancien ha bepret'nevez, re divead am eus ho caret!

EVIT AN TRIVEC'HVET SUL GOUDE AR  
PANTECOST.

*Abrege eus an Aviel hirio.*

**T**Ud vad ha carantezus a zougas  
Hac a bresantas da Salver ar bed



un den clàn pehini a oa paralitic, da lavaret eo, seyet, hac a oa gourveet var ur guele. Jesus o velet ar feiz o devoa, a lavaras d'ar paralitic : va map, ho pet fizianç ha quemerit cou-raich, ho pec'hejou ha so pardonet deoc'h. Goudeze e lavaras dezàn : savit, douguit ho quele, hac iit d'ho ty. An den-ze en em gavas er moment-ze yac'h ha dispos : ober a eure ar pez a oa ordrenet dezàn, hac ar bobl o velet ur miracl quer bras, a rentas gloar da Zoue.

*Sant Vaze, Ch. 7.*

*Meditation var an dispositionou gant pere e tleomp caout recours ouz Doue evit beza chelaouet.*

*Ret eo en em adressi dezàn gant fizianç ; goulen dreist pep tra hon ezmou spirituel ; ober eus hor c'hostez ar pez a ellomp, hac en em resina d'e volonte divin.*

Considerit penaus ar feiz hac ar fizianç vras eus ar Paralitic-mâ hac eus ar re er presantas da Jesus-Christ, a zesq deomp an dispositionou gant pere e tleomp caout recours dezàn :

ha Jesus-Christ e-unan o pardoni e bec'hejou d'ar Paraltic abars renta dezàn ar yec'het, a zesq deomp penaus e tleomp e bidi principalamant hac abars pep tra d'hon dilivra eus a infirmiteou ha clevejou hon ene.

Ar Paraltic hac an dud vad-ze pere an dougue, a zisquee dre an action-ze penaus e credent en devoa hor Salver ur gallout souveren var an oll infirmiteou hac an oll glenvejou, ha penaus en devoa ur vadelez pehini ne scuize quet o soulagi ar re miserabl hac oc'h ober vad da bep sort tud. Credit ive hoc'h-unan penaus en deus hor Salver carantezus ur guir desir d'ho tilivra eus hoc'h oll miseriou hac infirmiteou. Presantit dezàn hoc'h ene, ha pedit-èn d'e farea eus he faralisi spirituel; mæs pedit-èn gant ur feiz beo, gant ur fizianç humbl ha disposet da gooperi d'e c'liraçou : ha credit parfet e roi deoc'h ar sclerigen, an nerz hac an oll graçou neoesser evit silvidiguez hoc'h ene.

Pegner bras pec'her bennac e vec'h, credit penaus e illit en em gonver-

tissa gant sicour Doue ; ne deus quet a voal-acustumanç a behini ne allac'h en em zizober gant ar sicour eus e c'hraç ; dont a illit memes da veza ur Sant bras , mar doc'h fidel da heulia an inspirationou santel a zeu deoc'h eus an Eê.

Pegument a Sant a so er Barados pere a so bet pec'herien vras er penn quenta eus o amser ! O c'honversion a zisqueze deoc'h ar batiantet vras hac ar vadelez infinit eus a Zoue , hac a dle disqui deoc'h esperout gant fizianç ar pardon eus ho pec'hejou , ha cridi e erruot er memes eürusdet mar bezit fidel d'ar c'hraç evel ma ind - y bet. Peguer consolant eo ar virionez-mâ ! Pebes couraich na dle - hi quet da inspira da ur pec'her !

Cridi a ràn , va Doue , hoc'h eus ur guir volonte , ur guir desir d'am fardoni ha d'am savetei , mar caràn distrei ouzoc'h : perac eta e taleàn-me ur moment d'en em deul etre divrec'h ho misericord infinit ? Pebes consolation douçoc'h evidon , eguet ho clevet - hu o lavaret din evel ma

leverzoc'h d'ar paralytic : *va map, ho pec'hejou a so pardounet deoc'h.*

Ho fizianç e Doue a dle chasséal eus ho calon pep desesper, mæs ne dle quet ober deoc'h coueza er bresumption. Doue a fell dezàn ho save-  
tei, mæs goulén a ra ma labourot ive evit ho silvidiguez, rei a ra deoc'h e c'hraçou, deoc'h eo ober un usaich mad anezo. Ar c'hraç ne vanq quet deoc'h, mæs na vanquit-hu quet oc'h-unan d'ar c'hraç ?

Evidoc'h-hu, eneu fidel, mar en em guivit nec'het gant poaniou speret, tourmantet gant temptationou, heb consolation ebet ; mar seblant deoc'h e vec'h dileset gant Doue, hac e ve desperet pep tra evidoc'h, na gollit quet couraich, en em acquitet atau ouz ho tever guella ma allot, en em abandounit hac en em resinet da volonte Doue ; livirit dezàn gant ur fizianç humbl : va Doue, ne gavàn consolation ebet em poaniou, ne gavàn goud ebet em devotionou, tourmantet ouñ gant pep sort temptationou, ne ouzòn quet petra a zeuìn,

quement a allàn da ober em affliction,  
eo en em abandoni etre ho taouarn :  
va oll boan ha va oll spont a dremen ,  
hac en em gavout a ràn e peoc'h ,  
querquent ha ma em eus lavaret  
deoc'h a galon : *Va Doue , ne zesiràn  
nemedoc'h ; va Doue , en em abandoni  
a ràn deoc'h.*

*Reflexion varnoc'h hoc'h-unan.*

Ha beza hoc'h eus-hu an oll fizianç  
a dleit da gaout er visericord eus a  
Zoue ?

Na songit-hu quet marteze penaus  
ne deus moyen ebet deoc'h d'en em  
disober eus ur goall accustumanç  
bennac ho pe quemeret ?

Ne doc'h-hu quet er c'hontrol ur  
pec'her presumptuus ? Songeal a rit-  
hu e viot pardonet gant Doue hac e  
viot salvet heb ober netra hoc'h-  
unan !

Petra a rit-hu evit silvidiguez hoc'h  
ene ?

Pe seurt effort a rit-hu evit trec'hi  
ho coall inclinationou !

Pebes profit a dennit - hu eus a

c'hraçou an Autrou - Doue , eus e inspirationou santel ?

Elec'h songeal da chein ch buez , na berseverit - hu quet en ho tisurz heb remors nac aoun ebet ?

O va Doue , na bermetit quet e couessen nac er bresomption nac en disesper. Grit din ar c'hraç da labourat evit silvidiguez va ene gant aoun ha gant spont en ur gonsideri va simpladurez ha va fragilite ; mæs liquit ive em ene ur fizianç parfet en ho craç , en ho madelez , en ho misericord.

EVIT AN NAONTECVET SUL GOUDE  
AR PANTECOST.

*Abrege eus an Aviel hirio.*

**R**Ouantelez an Eê , eme hor Salver , Ra so hênvel ouz ur Roue pehini a gonvias cals a dud da eured e Vap , evit pehini e reas prepari ur banquet caër. Mæs unan o veza en em bresantet hac en em lequeet ouz taul heb ar saë a eured , heb ur guiscamant deread , ar Roue a ordrenas e lacât er mæs , hac e deul en ur

prison téval, e zaouarn hac e dreit amarret.

*Sant Vaze, Ch. 22.*

*Meditation var an Ifern.*

1 P. Beza ez eus un Ifern.

2 P. Ar poaniou a andurer eno n'o devezo biquen fin.

An Eê eo ar banquet-ze da behini omp oll galvet, mæs ar re a bretand antren ennàn heb' caout ar saë a eured, da lavaret eo, heb beza e stad a c'hiraç, a so precipitet en Ifern.

Beza ez eus un Ifern, abalamour ma eus un Doue infinimant just, pehini a bunis ar c'hrimou pe er bed-mâ pe er bed-all. Ar re vechant a so alies eürus var an douar, ret eo eta e vent punisset goude o maro. Beza ez eus eta un Ifern, da lavaret eo, ur prison a dan e pehini ar bec'herien a anduro pep sort tourmanchou heb soulageamant na consolation ebet.

Peb hini a vezo tourmantet hervez an nombr hac ar grevusdet eus e bec'hejou, ha pep pec'het en devezo e boan hac e dourmant particulier.

Pet pec'het n'am eus-me quet com-

metet, siouas din ? Pet tourmant eta n'am bezo me quet da souffr er bed-all, ma ne ràn pinigen en hemâ.

2 P. Considerit an eternite eus ar poaniou a anduro ar bec'herien. O zourmanchou n'o devezo fin ebet : souffr a raïnt queit ha ma vezo Doue, Doue, goude quen alies a gant mil bloaz evel ar c'heuten a so var an douar, an eternite ne vezo diminuet a netra, hac atau e vezo o coumanç.

Ma ve ur fin bennac da boaniou ar re zaounet, an Ifern ne ve muy Ifern an esperanç da velet ar fin eus o foaniou a ve ur gonsolation evit-o.

Mæs allas ! an amser a visericord a so tremenet evit an eneuou maleürus-ze.

Just eo e ve tretet heb misericord ar re o deus abuset eus ar vadelez hac ar batiantet a Zoue, ha dispriget e c'hraçou.

Antreit er santimanchoù eus un daounet pehini a gouez en Ifern, pa vél ar prison horribl-ze, an tân devorant-ze, an tourmanchiou terribl-ze, ha  
pa



pa gommanç d'o santout : collet oùn,  
emezàn, birviquen ne velin an Eê;  
jamæs ne velin Doue, nac an Ælez,  
nac ar Sænt; an tân a vezo eternella-  
mant ma fartaich, collet oùn evit un  
eternite, ha collet oùn dre ma faut.

O pebes anquen, pebes horror,  
pebes disesper!

*Reflexion varnomp hon-unan.*

N'am eus-me quet meritet an Ifern.  
N'er meritàn-me quet c'hoas? Pebes  
sujet a spount evidòn!

Ar brassa Sænt o deus crenet gant  
aon rac an Ifern; pe seurt santiman-  
chou a dleàn-me da gaout me pehini  
ne doùn nemet ur pec'her?

Ma teufe un Æl da ziscleria diu e  
ve re ret tremen va buez er rusta pini-  
gen evit en em breservi dious poa-  
niou an Ifern, ha mancout a raen-me  
d'e ober! Doue a c'houlen nebeutoc'h  
diguené, goulen a ra ma renoncin  
d'am goal inclination, d'an attaich  
dereglet-ze, d'an accustumanç maleü-  
rus-ze am eus, ha n'er gràn quet;  
pe seurt fin eta a esperàn-me da gaout.

O

O va Doue , meritet am eus an Ifern , eno e tlefen beza o lisqui , mar ho pize va zretet evel ma veritàn. Quellies a bec'het marvel am eus cometet, quellies a veich am eus meritet beza brecipitet en tån devorant-ze. Va freservet hoc'h eus dre ho misericord eus ur maleur quer bras , ha rei a rit din an amser da ober pinigen. Pebes graç , pebes faveur eus ho perz , pebes sujet evidòn-me da labourat evit repari an amser dremenet , ha d'ho servicha gant muy a fidelite ar rest eus va buez !

---

EVIT AN UGUENTVET SUL GOUDE AR PANTECOST.

*Abrege eus an Aviel hirio.*

**U**R Prinç desolet hac affliget dre ma oa clàn e vap ha prest da vervel , o veza clevet ar brud eus a Salver ar bed , a yeas d'e gavout hac er pedas da zont da velete vap evit renta dezàn ar yec'het, Jesus a lavaras dezàn : iit d'ar guer, ho map so pare, Ar prinç a bartias souden , hac a ga-

vas var e hent e servicherien , gant pere e clevas ez oa yac'h he vap lia dispos. En em inform a reas pe da vare e oa guelleet dezàn , liac e ana-veas ez oa d'ar memes mare ma en devoa lavaret dezàn hor Salver, *pare eo ho map*, ha cridi a eure e Jesus-Christ èn hac oll dud e dy.

*Sant Yan , Ch. 4.*

*Meditation var an afflictionou.*

1 P. Ar profit a brocuront deomp.

2 P. Ar voyen da ober un usaich mad anezo.

Considerit penaus da guenta an afflictionou a zistag hor c'halon diouz ar bed. Disquez a reont deomp peguer væn hac inutil eo an traou crouet , pa ne dint quet capabl d'hor sicour na d'hor c'honsoli.

Ober a reont deomp caout recours ouz Doue , ha clasq hor c'honsolation en Eê , pa n'e c'hevomp quet var au douar. Ar Prinç-ze ne vize quet cêt da gavout Jesus-Christ , ma ne vize quet bet clàn e vap , pa ne vet - ze nac èn , nac e vap , na tud e dy n'o

O 2

dèvize quet bet an eur a anaout Salver ar bed. Alies e ancouaomp Doue er brospèrite, mæs an affliction a ra deomp distrei outàn. Da beguement a Sænt eo bet an affliction ar pencaus eus o silvidiguez !

D'an eil, an afflictionou a so ur merq eus a garante Doue evidomp. Pa hon afflich er bed-mâ, ur merq eo e fell dezàn hon espern er bed all : furnissa a reont ive deomp un occasion gaër da zisquezh da Zoue hor c'harante. Æz eo lavaret da Zoue er c'haromp, en amser ma teu d'hor c'harga a gonsolation ; mæs beza fidel dezàn en amser ma teu d'hon affligea a so ur merq eus ur vertu parfet.

D'an drede, an afflictionou a ro deomp un assuranç moral eus hor silvidiguez, hac ur merq int a bredestination. Eürus ar re affliget, *eürus ar re a voél*, eme hor Salver, *abalamour ma vezint consolet. Eürus ar re o andur persecution, abalamour Rouantelez Doue a apparchant outo.*

3 P. Evit ober un usaich mad eus an afflictionou a erru gueneoc'h hac

Evit o anduri gant couraich, songit da guenta er recompañ hac er gloar a brocurint deoc'h en eê. Peguer berr ha peguen nebeut a dra int-y e comparæson d'ar recompañ caer hac eternal a so prepareret evidomp!

An esperanç eus an eternite eürusze e deus grêt da un infinite a Sænt santout ur joa hac un douçder interieur en o foaniou hac e creis ar persecutionou a andurent.

D'an eil, songit e poaniou an Ifern pere hoc'h eus meritet dre ho pec'hejou; neuse e comprenot peguen avantajus eo evidoc'h gallout dre boaniou quer ber racquita poaniou eternal.

D'an drede, considerit ar pezh en deus anduret Jesus-Christ evidoc'h: sellit ouz e groas, hac e vellot penaus ar pezh a souffrit ne deo netra e comparæson d'ar pezh en deus-èn sóuffert.

Songit erfin ne arru gueneoc'h affliction ebet nemet dre urz Done pe dre e bermission, ha penaus n'er permet nemet evit ho mad hac ho profit; ha credit certen penaus ne bermeto quet e veac'h tentet en tu-all

d'ho nerz , pe e arrue gueneoc'h affliction ebet a guement na allac'h da supporti gant ar sicour eus e c'hraç.

*Grit reflexion varnoc'h hoc'h-unan.*

Ha souffr a ràn-me a galon vad , gant resination da volonte Doue an afflictionou a erru guené , ar poaniou-speret , an infirmiteou , ar c'hlévejou , ar baourente , an injuriou ?

N'en em glemàn ha ne vurvuràn me quet em poaniou , n'en em c'hagràn me quet , n'en em abandonàn-me quet d'an dristidiguez.

Pa c'hoare un drouc pe ur c'holl bennac guené , pa stourm un dra bennac ouzin , ne doun me quet de-pitus ha colerus e quênver ar re a so en dro din , heb gallout memes rei respont vad ebet da zen ?

O va Doue , grit ma considerin bepret ar poaniou hac ar c'hroasiou a zigassot din , evel ur merq eus ho carante , hac evel ur voyen a silvidiguez evidòn.

Grit din souffr er bed-mâ ar pezh a bligeo gueneoc'h , er façoun ma pli-

geo gueneoc'h, ha queit a ma pligeo gueneoc'h.

Resolvet oùn d'ho c'heulia, o va Jesus; ha pa hoc'h eus douguet ho croas, e touguìn va hini var ho lec'h.

---

EVIT AR C'HENTA SUL VARN-UGUENT  
PANTECOST.

*Abrege eus an Aviel hirio.*

**R**Ouantelez an Eê, eme hor Salver, a so hênvel ouz ur Roue pehini en ur ober d'e receourien ha servicherien renta cont dezàn, a gavas unan pehini a dliè dec mil talant; hac evel n'en devoa quet pe-a-dra d'o fêa, e ordrenas ma vize guerzet e oll vadou evit péa e zle. Ar servicher-ze en em daulas d'e dreit, er pedas da rei amser dezàn, hac a brometas er peesse. E Væstr gant truez outàn a bardonas deza an oll som a dlie. Quer buan goudeze ar servicher-mâ o veza cavet unan eus e gonsortet pehini a dlie dezàn cant diner, er gourdrousas oc'h e zerc'hel dre'r gouzoug : pee din; emezàn, ar pes a dlees. Heman

248 *Ar c'henta Sul varn-uguent*  
 er suplie hac a lavare; roit din un  
 nebeut amser, ha me ho péo; mæs  
 n'er chelaouas quet, hac e lacât a  
 eure er prison. Ar roue o veza clevet  
 quemense a reas e c'hervel hac a re-  
 bechas dezàn : servicher fall, pardo-  
 net am boa deoc'h quement a dleïac'h  
 din, abalamour ma ho poa ma fedet;  
 na dleïac'h-hu quet eta ive caout  
 truez ouz ho consort, evel ma em  
 eus-me bet ouzoc'h? Neuse e ordre-  
 nas e brisonia quen na en devize peet  
 e oll dle. Evelhen eo, eme hor Salver  
 e viot tretet gant va Zad Celestiel, ma  
 n'ho bardonit d'ho Preuteur.

*Sant Vaze*, Ch. 18.

*Meditation. Ret eo supporti hon nessa  
 gant patientet, douçder ha made-  
 lez, evel ma oump suportet gant  
 Doue.*

Considerit penaus peb hini ac'ha-  
 nomp a so representet dre ar servi-  
 cher-ze Peguement na dleomp-ni quet  
 da Zoue, pehini a so ive representet  
 dre ar Roue-ze? Peguement a dleomp-  
 ni d'e vadelez evit an oll gracou hac



a oll vad en deus grêt deomp? Pegue-  
ment a dleomp-ni d'e justiç evit ar  
pec'hejou hon eus commetet? Pegue-  
ment a dleomp - ni d'e batiantet da  
veza hor gortoet queit amser, ha  
roet deomp ar spaç d'en em aznaout  
ha da ober pinigen?

Ingrat oump e quênver an Autrou-  
Doue, e offanci a reomp bemdez, ha  
cousgoude ne zeu quet d'en em vengi  
na d'hor punissa. O caout mil voyen  
d'hor c'holl, en deus ar vadelez d'hor  
suporti, ne hean oc'h ober vad  
deomp, hac hor c'harga a ra bepret  
eus e faveriou.

Admiromp ha meulomp e batian-  
tet, e zouçder, e vadelez, ha rentomp  
dezàn actionou a c'hraç.

Considerit penaus ar pez a ra Doue  
en hon andret, a dle disqui deomp  
ar pez a dleomp da ober hon-unan e  
quênver hon nessa; ha cousgoude  
hon eus poan oc'h en em suporti an  
eil eguile, ne allomp quet anduri an  
distera tra gant hor breudeur, ne fell  
quet deomp souffr ur goms hepquen,  
beza ez oump impatient, colerus,

250 *Ar c'henta Sul varn-uguent*  
venjus, cruel, evit traou pere ne dint  
netra pe casi netra.

Ne dleomp-ni quet caout aoun ne  
lavare Doue deomp evel d'ar servi-  
cher fall - ze : Na dleïac'h - hu quet  
caout truez ouz ho preudeur evel ma  
em eus - me bet truez ouzoc'h ? Ha  
pebes sujet n'hon eus-ni quet da gaout  
aoun ne rae Doue deomp ar rebeich  
terribl-ze, goude ma en deus discleriet  
Jesus - Christ penaus e quemer evel  
grêt dezâ e-unan an oll droug a rêr  
d'an nessa, ha penaus e varno heb  
misericord ar re a vezo bet criz ha  
didruez e quênver o breudeur.

*Reflexion varnomp hon-unan.*

Penaus en em gomportàn - me e  
quênver va nessa ? souffr a ràn - me  
gant patientet e humor hac e imper-  
fectionou ? Me a fell din e ve suportet  
va re, just eo din eta caout ar memes  
madelez evit ar re-all.

Anduri a ràn-me gant patientet an  
offançou a rêr din, hac o fardoni a  
ràn-me a galon ? E lavaret a ràn bem-  
dez er *Bater*, mæs ha gant guirionez  
el lavaràn-me ?

Ne doun-me quet rust e quénver  
ar re a so dleourien din, n'o foursuàn-  
me quet gant rigor, ha memes en  
amser n'emaïnt quet e stad da béa?

O va Doue, ma zreti a reot er  
memes façon ma em bezo tretet va  
breudeur; grit din! eta dre ho craç o  
suporti gant douçder ha gant patian-  
tet, evel ma em suportit hoc'h-unan,  
evit ma allin caout graç ha miseri-  
cord dirazoc'h.

---

EVIT AN EIL SUL VARN-UGUENT  
GOUDE AR PANTECOST.

*Abrege eus an Aviel hrrio.*

**A**R Farisianet a gassas tud da gaout  
hor Salver evit e surpren en e  
gomsou, en ur c'houlén outàn hac èn  
oa ret péa an tribut da Cesar. Jesus  
oc'h anaout o goall intantion, a lavaras  
dezo : perac e clasquit-lu va surpren?  
Disquezit din ar mony a roer evit an  
tribut. Ar re-mâ o veza presantet dezàn  
ur pez arc'hant, Jesus a c'houlennas :  
Imaich piou eo a so merquet amâ!  
Imaich Cesar eo, emind-y. Neuse

252 *An eil Sul varn-uguent*  
e respontas dezo : rentit eta da Cesar  
ar pez a so da Cesar, ha da Zoue  
ar pez a so da Zoue. Admira a rezont  
e respont hac en em denzont.

*Sant Vaze, Ch. 22.*

*Meditation var ar pez a dleomp da  
Zoue, hac ar pez a dleomp d'an  
nessa.*

Considerit pènaus ez oc'h da Zoue  
ha quement tra hoc'h eus. Doue eo  
en deus ho crouet, Doue eo ho con-  
serv, ha digantàn eo e teu hoc'h oll  
madou.

Roet en deus deoc'h ur s'peret evit  
e anaout, ur memor evit caout sonch  
anezàn, ur galon evit e garet, ha nerz  
evit e servicha. Raporti a dleit eta  
dezàn hoc'h oll actionou hac an oll  
affectionou eus ho calon. Ur servicher  
ne dle labourat nemet evit e v'estr.  
Da biou eo dleet frouez ur vezen,  
nemet d'an hini en deus-hi plantet!

Renta a dleit da Zoue actionou a  
c'hraç evit e oll madelezou ha donæ-  
sonou.

E garet a dleit dreist quement tra

so

so, ha beza disposet da vervel quent evit displijout dezàn.

Clasq plijout da Zoue hac accomplissa e volonte, e veuli hac e adori, a dle beza ho studi epad hoc'h oll buez. Ma ne illit quet beza occupet bepret d'e adori, songit da viana ur pen bennac eus an deiz da veuli ha da exalti e berfectionou infinit, e c'hrandeur, e buissanç, e justic, e furnez, e vadelez, hac e visericord.

Desirit ma vezo Doue anavezet, caret, servichet, meulet ha glorifiet gant an oll; ha contribuit da guemense hervez ho callout, da viana dre hoc'h exempl vad ha dre ho pendennou.

2 P. Rentit da Zesar ar peza so da Zesar; rentit d'ho superioret quen ecclesiastiq quen temporel, ar respet, an enor, an obeissanç a dleit dezo.

Tretit gant peb honestis ar re a so eus ho renq pe eus ho condition: bezet serviabl ha carantezus en o andret.

Sicourit ha protegit ar re a so iseloc'h pe disteroc'h evidoc'h; bezit

P

douç ha patiant e quénver an oll : ret eo caout patiantet evit beva ervad gant pep sort tud.

Roit bepret exempl vad d'ho nessa, pidit evit-àn, ha pratiquit an œuvrou a visericord en e andret hervez ho commodite.

Grit evit Doue an oll vad a reot d'ho nessa : er fæçon-ze en ur renta d'an nessa ar pez a so dleet dezàn, e reñtot er memes amser da Zoue ar pez a dleit ive dezàn.

*Reflexion varnomp hon-unan.*

Fidel oùn-me da renta da Zoue ar pez a dleàn dezà? Clasq a ràn-me e pep tra plijout da Zoue hac ober e volonte? Raporti a ràn-me dezàn va oll actionou? Aba ma oùn var an douar, peguement a amser am eus-me roet da Zoue? Peguement a amser a roàn-me pep devez da Zoue?

Ha sourcins oùn-me da renta d'am nessa ar pez a dleàn dezà?

E pet occasion n'oùn-me quet manquet da ober vad d'am nessa, da renta servich dezàn, d'e sicour, d'e gonsoli,

d'e assista en e necessiteou corporel  
ha spirituel?

Va Doue, c'hui hoc'h eus va  
c'hrouet, roet hoc'h eus din ar vuez  
ha quement mad am eus, ha ne heanet  
oc'h va c'harga a c'hraçou hac a zonæ-  
sonou. Va oll buez ne ve quet re evit  
ho trugarecât eus ho madelezu; he  
implija oll am bize dleet d'ho caret,  
d'ho meuli ha d'ho servicha. Mas  
allas! an nebeut a reflexion am eus  
grêt var an obligationou infinit am eus  
deoc'h, a so bet caus eus va nebeut a  
anaoudeguez-vad hac eus va nebeut  
a garantez evidoc'h. Pardonit din va  
negligeanc ha va ingrateri. Me a gue-  
mer hirio ar resolution da ober, da  
viana ur veich an deiz, reflexion var  
ar graçou general ha particulier am  
eus recevet digneneoc'h, evit en em  
excita d'ho caret ha d'ho servicha  
gant muy a ferveur. Hac evel ne allàn  
quet caout ur guir garantez evidoc'h,  
va Doue, ma n'em eus ive carantez  
evit va nessa, en em broposàn, gant  
ar sicour eus ho craç, da veza caran-  
tezussoc'h en e andret ha d'e assista  
en e ezomou.

EVIT AN DREDE SUL VARN-UGUENT  
GOUDE AR PANTECOST.

*Abrege eus un Avel hirio.*

**G**Oude un instruction gaër a reas  
Salver ar bed d'ar bobl; ur vreg  
pelini abaoe d'abuzec vloaz a voa  
clan gant an divoada, a daस्ताas out-  
àn a zladre hac a douchas ous bord e  
saë, o cridi parfet hac o lavaret enni  
e-unan: mar touchàn hepquen ouz e  
saë, e vezin pare. Hor Salver a zistroas  
out-y, hac a lavaras dezi: va merc'h,  
ho pet fizianç, ho feiz e deus ho  
rentet pare; hac en heur ze memes  
e voe yac'h ha dispos.

*Sant Vaze, Ch. 9.*

*Meditation var ar fizianç parfet ha  
leun ha humilite e devoa ar vreg  
clan-mâ e Doue, ha var an lûni a  
dleomp ive da gaout ennàn.*

Considerit penaus ar vreg affliget-  
mâ ha rentet pare gant Jesus-Christ  
en ur façon quer miraculus, a so  
evidomp un exempl caër eus ar fizianç



gant pehini e tleomp tostaat ouz Doue  
evit beza sicouret en hor poaniou hac  
hon oll necessiteou.

He humilitea ra-dezi en em zerc'het  
a dre. Salver ar bed ; oc'h en em es-  
timout indign dien em bresanti dirac  
e zaoulagat ; hac ar fizianç e deus en  
e vadelez hac en e buissanç , a ra  
dezi cridi parfet e recevo ar yec'het ,  
mar gall touich hepquen ouz bord  
e saë.

Ar vreg paour-mâ en em guef in-  
dign d'en em bresanti dirac Jesus-  
Christ ; ha dre e humilite e oblich  
Jesus - Christ da drei out - hi. He  
guervel a ra va merc'h , rei a ra dezi  
an hano pehini a verq guella e vade-  
lez evit hi ; he assuri a ra e rendze  
pare , hac en effet e rentas dezi ar  
yec'het er moment-ze.

Pegument a brofit a guef en ur  
dostaat ouz oc'h nep a ene ervad e  
baourente hac ho puissanç , e in-  
dignite hac ho misericord ! Eürus an  
hini a laca e oll fizianç enoc'h pa  
dosta ouz an trôn eus ho craç evit  
goulen sicour en e ezomou , consola-

258 *An drede Sul varn-uguent*

tion en e boanion , pardon ha remission eus e bec'hejou ! Eürus an hini en em abandon d'ho Providanc , ha pehini en em repos var ho madelez ! Netra n'e d'eo capabl d'e droubli , abalamour ma quef enoc'h ur protector oll-galloudec. Netra n'er chagrin , abalamour ne zesir nemet ar pezh a fell deoc'h. Pep tra a erru hervez e volonte , abalamour ma zeo coustant a guement a erru gantàn. Chom a ra e peoc'h epad an tourmant hac e creiz ar persecutionou , abalamour ma oarez oc'h e dad , e bastor , e brotector , e refuich hac e nerz.

Biscoas , va Doue , n'hoo'h eus abandonnet , na birviquen ne abandonnot ar re en em abandon evelse etre ho taouarn : quemer a ret ur sourci special anezo , exauci a rit o fedennou , en em interessi a ret en o oll afferiou , scuilla a ret ho penediction var o oll labourou , pourvei a rit d'o oll necessiteou.

*Reflexion varnoc'h hoc'h-unan.*

**Examinit ho calon , ha guelit ha**

c'hui hoc'h eus ur fizianç dign eus a vadelez an Autrou-Doue.

Ha beza hoc'h eus-hu an oll fizianç a dleit da gaout en e brovidanç divin?

E gonsiderit a rit-hu evel ho tad hac ar guella eus an oll dadou?

Ha recours hoc'h eus-hu dezàn en hoc'h ezomou quen spirituel, quen temporel gant fizianç ur c'hrouadur?

Pa hoc'h eus recours da Zoue, e ober a rit-hu gant santimanchoù a humilite, oc'h anaout ho miser, ho paourentez, hoc'h indignite, oc'h anaout ne veritet graç na faveur ebet, mæs o lacaat ho fizianç en e visericord hepquen, hac e meritou Jesus-Christ.

O va Doue, en em blijout a ret oc'h hon assista en hon oll ezomou, pa en em adressomp deoc'h gant ur guir fizianç : commandi a ret deomp esperout ennoc'h, hon alya a ret da lacât ennoc'h hon oll fizianç dre ar c'homsou douç ha consolant - mâ : *Deut oll davedon-me, c'hui pere a so poaniet hac affliget, ha me ho soula-geo.* O peguer bras eo ho madelez,

260 *An drede Sul varn-uguent*  
mæs allas ! n'am eus quet he anave-  
zet mad bete vremâ ; ha chetu ar pez  
a so caus eus an nebeut a fizianç am  
eus bet ennoc'h. Va Doue , pardonit  
din ma faut , hac inspérit din santi-  
manchou dign eus ho madelez infinit,  
evit ma em bezo hiviziquen recours  
deoc'h gant ur fizianç parfet em oll  
poaniou hac em oll necessiteou ;  
peguen agreabl ve neuse deoc'h va  
fedem , ha peguemant a c'hraçou na  
recesen-me quet !

### AVIS.

*Pa vez ouzpen pevar Sul varn-  
uguent goude ar Pantecost , e quemer-  
rot evit ho remplissa ar Meditationou  
goude ar Rouane , pere ne dint quet  
bet grêt er mare ze.*

*Mar deus pemp Sul varn-uguent ,  
e quemerrot an Aviel hac ar Vedita-  
tion eus ar c'huec'hvet Sul goude ar  
Rouane.*

*Mar deus c'huec'h Sul varn- u-  
guent , e reot ar Meditationou eus ar  
pempvet hac eus ar c'huec'hvet goude  
ar Rouane.*

*goude ar Pantecost.* 261

*Mar deus seiz varn-uguent, e quemerrot ar bevare, ar bempvet hac ar c'huec'hvet goude ar Rouane.*

*Mar deus erfin eiz varn-uguent, ret eo commañ dre an drede Sul goude ar Rouane, ha continui betec ar c'huec'hvet; ha ne reot-ar Veditation a so amá varlec'h, nemet d'ar Sul diveza goude ar Pantecost hac an tosta d'an Azvent.*

*An Ilis a observ ar memes tra en oferen hac an ofiç divin.*

---

EVIT AR SUL DIVEZA GOUDE AR  
PANTECOST.

*Abregé eus an Aviel hirio.*

**S**alver ar bed goude beza instruet  
e Zisquibien var meur a dra, a  
achuas e instruction dre ar c'homsou-  
mâ : An Eê hac an douar a dremeno,  
mæs va c'homsou-me ne dremenint  
quet.

*Sant Vaze, Ch. 24.*

*Meditation var ar virionez vras-mâ :*  
*An Eé hac an douar a dremeno,*

P 5

*mæs va c'homsou-me ne dremenint  
quet.*

Doue na cheinch quet, nac e gomsou na zeinchont quet quen nebeut. E gomsou a so guirioneou eternal hac a subsisto bepret.

Considerit eta penaus quement tra a so comprenet en Aviel, quement tra en deus lavaret Jesus-Christ, hac a zeu ar Bredicatoret da ziscleria eus e berz er gador a virionez, a so hac a vezo guir bepret. An Eê hac an douar a dremenno quent evit na ve chenchet ul liseren pe ur poent hepquen eus al Lesen.

Songit pe na songit quet, credit pe na gredit quet, ne d'eo ha ne vezo quet nebeutoc'h guir penaus n'emaoc'h er bed-mâ nemet evit labourat evit an affer eus ho silvidiguez, ha penaus n'hoc'h eus, evit lavaret mad, nemet an affer - ze hepquen. Songit ar pez a guerot, beza ez eo hac a vezo bepret guir penaus an hent pehini a gondou d'an Eê, a so enq ha stris; guir e vezo bepret e renquer douguen e groas bemdez, ha resista

continuëllamant ouz e voal inclinationou; guir a vezo bepret penaus an Aviel hepquen a dle beza ar reglen eus hor buez, ha penaus en em gollomp, mar heuliomp ar reglennou faus eus ar bed.

Erfin guir e vo bepret penaus evit beza salvet, eo necesser practica an œuvrou mad hervez hor gallout, ez eo ret en em acquita eus hon oll obligationou e quenver Doue hac honnessa, ha penaus mar mancomp en ur poent hepquen, en em gollimp maleürusamant epad un eternite.

*Reflexion varnomp hon-unan.*

Hervez an Aviel e vezin barnet un deiz. Ha quemeret am eus-me bete vremañ an Aviel evit reglen eus va buez?

Pe sort profit, pe sort frouez am eus-me tennet eus a guement a Sermoniou hac a Instructionou santel am eus clevet?

Gant pe seurt dispositionou a speret hac a galon e chelaouañ-me comsou Doue? Ober a ran-me reflexion var-

264 *Ar Sul diveza goude ar Pant.*  
nezo? O lacât a rân-me doùn em  
c'halon evit o fratica?

O va Doue, ho 'comsou a so com-  
sou a vuez. C'hui a so ar virionez,  
an hent hac ar vuez; rac-ze resohvet  
oùn gant ar sicour eus ho craç, da  
chelaou gant docilite ho comsou  
divin, ha da guerzet gant couraich  
dre an hent hoc'h eus desquet deomp;  
ha dre ar voyen-ze e esperàn e arruin  
en termen eürüs, pehini eo ar vuez  
eternel.





---



---

## INSTRUCTION

*Var ar profit bras a ellomp da denna  
eus ar Veditation.*

**U**R virionez incontestabl eo penaus ne doump quet capabl heb ar sicour eus ar c'hraç an Antrou-Doue, da ober an distera mad evit hor silvidiguez, non pas memes da gaout ur sonch vad ac'hanomp hon-unan; ne allomp quet c'hoas sortial eus ar stad deplorabl a bec'het, na trec'hi hon inclination direglet, nemet dre ar sicour eus e c'hraç.

Var an necessite-ze hon eus a c'hraç Doue e pep occasion, eo fontet an necessite eus an oræsoun, pehini eo ar voyen en deus Jesus-Christ etablisset e-unan evit e obteni. Dro-ze ivez an Ilis a bropos d'e vugale an oræsoun evel ur voyen puissant da lacaat da zisquen en o c'halonou ha conservi enno ar c'hraç divin-ze, pehini a so buez o ene.

An Tadou Santel eus an Ilis o deus recommandet dreist pep tra an oræsoun mental, da lavaret é, an oræsoun a galon, pe ar veditation, pehini a galvont alc'huez an Ee, ar man pehini a ranferm an douçder eus an oll vertuziou, ar sourcen eus an oll graçou hac eus an oll madou eus ar vuez spirituel: hiniennou memes eus an tadou santel-ze o deus avancet penaus ne gomp-

nent quot e voa possibl cundui ur vuez c'hristen hep an oræsoun mental. Mæs petra bennac a ve, consideret o deus- oll an oræsoun mental evel an agreapla da Zoue hac ar profitapla evit an eneuou, evel ar voyen an æzza, ar berra hac an assura evit ober e silvidiguez, evel ar propa da inspira deomp an horrol eus ar pec'hed, da ober deomp istimout ha caret ar vertuz, ha d'hor chreat e servich Doue.

Dre an oræsoun, e teu an den d'en em antreteni calon-ouz-calon gant e Zoue. Pebes enor ha pebes avantaich! En oræsoun eo e communiq Doue d'an den e c'hraçou gant abundanç, o scleraat e speret, oc'h anflammi e galon, hac o carga e ene eus a un douçder pehini a dremen infinimant an oll joa eus ar bed. Avantachou quer bras ha quer caër na dleont—ii quet hon excita da ur pratiq quer mad ha quer santel?

Mæs martese e leverrot-hu : ne ouzòn quet ober oræsoun, ha n'em eus quet amser d'e ober. Da guemense e respontin : da guenta, mar livirit n'hoc'h eus quet amser, dre'n abec ma hoc'h eus cals a labour (supposit memes e vec'h o servicha) na illit-hu quet da viana ober oræsoun da Sul ha da Vouel? Ne guavit-hu quet d'an deziou pemdez memes, pegument bennac a labour o pe, an amser evit ho repasiou reglet? N'oufac'h-hu quet ivez, en ur regli mad hoc'h amser, caout un anter-heur pe ur c'hard-heur evit rei d'hoc'h ene ar vagadurez spirituel a

behini he deus quement a ezom ? Mæs supposit e ve guir n'o pe quet amser avisiou : grit neuse'ta hoc'h oræsoun en ur vont d'ho tevez , pe en ur ober memes ho labour , nemet na glefot quet cals a drous en dro deoc'h. Mar d'hoc'h custom da lavaret cals a bedennou vocal , e allot , mar quirit , diminui darn anezo evit caout ar spaç da ober oræsoun mental , pehini a-dra-sur a vezo agreaploc'h da Zoue , hac a behini e tennot avantachou brassoc'h evit avanç hac assuri ho silvidiguez.

Mar livirit ne ouzoc'h quet ober oræsoun , evit e zisqui n'hoc'h eus nemet lenn an nao Chabist quenta eus an eil Quevren eus al Lévr *Introduction d'ar vuez devot* , e pelec'h e quefot quement a zo necesser evit ober ervad oræsoun. Hac e cas n'o pe quet al lévr - ze , e quefot amà varlec'h e ber gomsou ur method a oræsoun , a behini e vezo ezzoc'h deoc'h derc'hel sonch.

---

## METHOD A ORÆSOUN

*Da lavaret eo , ur Reglen , ur voyen æz ha facil evit ober oræsoun.*

Da guenta , evit coumanç hoc'h oræsoun , en em liquit e presanç an Autrou-Doue , da lavaret é , songit penaus Doue ho cuel hac ho clef , hac ez é disposet da accordi deoc'h ar pez a c'houlennot digantàn : adorit e Vajeste Souveren gant an oll respect a

behini oc'h capabl : en em aznavesit indin d'en em bresanti dirag un Doue quer bras ha quer santel : goulennit digantâ pardoun eus ho pec'hejou tremenet, evit ma viot guell disposet da receo e c'hraçou hac e favoriou. Goude beza en em lequeet e presañ Doue er feçoun - mâ pe en ur feçoun ben-nac-all, goulennit digantân gant fizianç ar sclerigen hac ar c'hraç da ober un oræsoun vad : pedit ar Speret-Santel da scleraat ho speret, da doma ha da anflammi ho calon.

*Er bagen 280 amd varlec'h e quefot quemense merquet oll, en hevelep feçoun n'ho pezo nemet lenn.*

D'an eil, considerit an traou importante o pezo lennet pe clevet lenn, hac ar pezo a allot guell da imita ha da bratica. Grit reflexionou serius, guella ma allot, var ar virionez pe ar sujet hoc'h eus da vedita : considerit ar mad a so proposet deoc'h evit e imita, pe an drouc a broposer deoc'h evit e evita : songit a barfetet peguen avantajus eo ober ar mad-ze, ha peguen dommachus eo ober an drouc-ze : examinait ha c'hui a so bet a ziaguent fidel da ober ar pezo a dliac'h var guemense, pe c'hui hoc'h eus manquet er poent-ze. Ma n'o pe quet manquet, trugarecait Doue pehini en deus roet ar c'hraç-ze deoc'h, ha quemerit ar resolution d'e bratica en ur feçoun c'hoas par-fetoc'h en amser da zont. Mar hoc'h eus manquet da ober ar pezo a dliac'h, goulennit gant an oll humilité possubl, pardoun

digant Doue, grit ur resolution ferm da veza fideloc'h en amser da zont; guelit pere eo an occasionou o deus ho lequeet da goueza en direglamant-ze, hac en em resolvit da bellaat diouto a-grenn.

Abarc achui hoc'h oræsoun, trugarecañt un Autrou-Doue eus ar graces en deus accordet deoc'h enni, eus ar sclerigen en deus roet deoc'h, eus ar santimanchoù mad en deus inspirèt deoc'h, eus an affectibnou ha mouvamanchoù santel en deus excitet en ho calon. Erfin goulennit digantan ar gouraich hac an nerz da bratica gant fidelite ar resolution ho pezo quemeret: goulennit ar c'hraç ze dre milidou Jesus-Christ, dre intercession an Itron Varia, hoc'h Eal-mad hac ar Sænt da bere hoc'h eus may a zevotion.

*Er bagen 280: amé varloc'h e quefet ive quemense scrivet pen-da-ben.*

Goude hoc'h oræsoun, evit conservi ar speret a zevotion, songit alies en deiz-ze er pez en deus ho touchet muya, hac o pezo cavet ar propra evit hoc'h avançamant spirituel. Ar poent-mañ a so hanvet ar *Boquet spirituel*, hac a so ispliquet en hiroc'h comsou ha scleroc'h el lêvr an introduction d'ar *Vuez devot* er bagen 95.

Mar en em roet evelhen a galon vad da ober Meditation, ec'h esperan eus a visericord an Autrou-Doue e communico deoc'h un donesoun a oræsoun pehini ho sicouro meurbet da gundui ur vuez devot ha fervant, hac e quefet cals a gonsolation en Exercic santel - mâ.

**INDULGEANÇOU** da berbetuite pe da viquen  
e faver an Oraçoun Mental.

**BENEAT**, Pap pevarzecvet eus an bano ;  
breudeur Venerabl, Esqueb ha Pveladet,  
Salut ha Benediction Apostolic.

Evel ne deus quet, evit an dud pere o  
deus ar mader da veza privet eus an an-  
tretien familier hac eus ar communication  
intim gant Doue, a voyen a guement a vo  
profitaploc'h dezo ha necesseroc'h evit receo  
e sclerigen hac e inspirationou, evit en  
em gorren betec ennàn dre desirou devot  
a fervant, evit en em unissa gantàn dre  
affectionou santel, evit operi o silvidiguez,  
eguet an oraçoun, pehini a so evel ur  
squeul misterius dre behini an ene en em  
gorren eus an douar betec an Ee, pehini  
a so un enclaq eus an traou celestiel, un  
desir eus ar madou invisibl, un union gant  
ar Speret - Santel, hac ur conversation  
gant Doue, evel a hent-all e tleomp caout  
aoun rag ar mader a behini e parlant ar  
Prophed : *An douar oll a so en un deso-  
lation horrupl, abalamour ne antren den  
ennàn e-unan dre reflexionou serius : im-  
portant bras eo avertissa an oll dud fidel  
eus ar gourc'hemen pehini hon oblich da  
bidi bepret, evit, en ur bresanti hep he-  
ana da Zoue hor pedennou hac oraçounou  
unisset gant hon actionou a c'hraç, ma  
pligeo gantàn sellet a druez ouzomp hac*

ober deomp santout an effejou douç eus e vadelez hac eus e visericord. Dreze ivez ar Pabet diarauzomp, cunduet gant ar Sporet-Santel, o deus digoret tèsor an Ilis, evit inspira creoc'h d'ar gristenien fidel ar pratiq continual eus ar beden, hac evit quemense o deus accordet meur a Indulgeançou.

Excitet hon — unan dre an exemplou meulabl eus hor predecessoret, e accordomp an Indulgeançou merquet amà varlec'h, e faver ar re en em applico d'an exercic eus an Oræsoun Mental, pe Meditation : evel ma zeomp d'he discleria.

Da guenta, e accordomp Indulgeançou a seiz vloas d'ar re a zesco en Ilisou pe e lec'h -all, e publiq pe e particulier, ar feçoun da bidi pe da vedita; e pe feçoun bennac e ve, d'ar re n'er gouzont quet evèl d'ar re a assisto en Instructionou devot-ze, quellies gueich ha ma recevint ar Gommunion santel gant ur speret a vir binigen, ha ma observint ar c'honditionou hon eus lavaret, da ouzout eo, *disqui d'ar re ne ouzont quet ar feçoun da vedita, pe assista en Instructionou-ze.*

Ouspen e accordomp Indulgeançou Plienier ur veich bep miz d'ar re a rañ assidu an instructionou -ze, ha d'ar re a assisto enno, pere gant ur speret a binigen a recevo ar Gommunion santel hac a offro da Zoue pedennou fervant evit an union etre ar Brincet Christen, evit extirpation

272 • *Indulgeançou evit an Oræsoun.*

an heresiou, evit exaltation an Ilis santel hor Mam. An Indulgeanç-mañ a allo beza gounezet d'ar choas ha d'ar gommodite eus a bep-unan hac a allo beza appliquet d'an Eneou fidel decedet.

Accordi a reomp c'hoas ur veich bep miz Indulgeanç Plenier d'ar re pere epad ur miz a rañ bemdez un hanter-heur, pe da nebeuta, ur c'hard-heur a Oræsoun mental, pere e guirionez penitant, ha goudo beza confesseet o feñhejon, a recevo ar Sacramant adorabl, hac a offro da Zone pedennou fervant evit an Union etre ar Brincet Christen, evit Extirpation an Heresion, evit Exaltation hor Mam santel an Ilis. Applica a allint ivez an indulgeanç - mañ d'an Eneou eus ar Purgator, etc. Roet e Rom e Santes Mari Majeur, ar c'huezecvet a viz Quersu 1746, ar c'huezehvet bloavez eus hor Pontifica. *Sinet CAËTAN Aimé.*

Ar Bull-mañ a so bet publicet en Eo-oopti-mañ er bloaz 1748.

An oll a ell gouzout an Indulgeançou-mañ, pere a so eus ar re gaëra ha profitapla a so accordet biscoaz, hac a ouffer biquen da accordi; rac ne d'èquet quen diez ober oræsoun, evel ma sonch da gals a dud, ec'his a velot en Instruction amañ varleg'h, pehini ho pedañ c'hoas da lenn.



**INSTRUCTION DIVEZA,**

*E pehini e cavo pep unan ur voyen  
æzzoc'h c'houz ha berroc'h evit ober  
Oræsoun, hac a ell servichout ispecial  
d'ar re ne ouzont quel lenn.*

Ma n'en em guivit quet instruet suffi-  
samant dre ar method a oræsoun a so  
amâ diaraug, ha dre ar pez a so mer-  
quet e Levr an Introduction d'ar vuez  
devot na songit quet e ve un dra im-  
possibl deoc'h ober oræsoun, ha na gollit  
quet couraich. Ne c'houlennân digue-  
neoc'h nemet un nebeut a volonte vad,  
ha ma heuliot an avis a rân amâ deoc'h.  
Mar ez grit, e viet gant graç Doue ca-  
pabl da ober oræsoun, ha d'e ober ervad.

Da guenta, mar gouzoc'h lenn, n'hoc'h-  
eus nemet lenn poset ar Veditation evel  
ma zeo merquet el Levr, oc'h en em  
arreti var ar pez a rai muy a impres-  
sion var ho calon, hac excita en hoc'h  
ene ar memes santimanchou devot a re-  
mercot.

Ma ne ouzoc'h quet lenn, e alfac'h  
marteze songeal n'ho pe quet avoalc'h a  
speret hac a squiant evit ober oræsoun.  
Var guemense e livirin deoc'h penaus en  
em blich an Autrou-Doue oc'h en em  
antreteni gant an eneo simpl hac humbl,  
ha penaus cals a simplicité a so un dispo-  
sition guelloc'h evit ober oræsoun, eguet  
ne d'e cals a squiant!

274 *Instruction evit an Oræsoun.*

Mæs lavaret a alfac'h c'hoas penaus na illit nemeur a veich devez ul lectur devot evit ober ar sujet pe ar matier eus ho Meditation. Evit respont d'an difficulte-ze, hac evit miret n'ho pezo muy digarez ebet, e livirin deoc'h penaus coummancammant an oræsoun a so bepret ar memes, da lavaret eo, e coummancer pep oræsoun dre en em tacât e present Doue, ha dre c'houlen digantân ar sclerigen hac ar c'hraç da ober un oræsoun vad.

Ar fin eus an oræsoun a so ive bepret ar memes, da lavaret è, en ur achui pep oræsoun, e renquer trugarecât Doue eus ar santimancheu mad en deus roet deomp enni, ha goulen digantân an nerz hac ar gouraich da bratica ar resolution hon eus quemeret. Ne vezo quet diaz deoc'h derc'hel sonch a guemense.

Ne vanq deoc'h muy eta nemet gouzout var betra e allot medita, hac e pe feçoun e rencot medita var ar sujet ho pezo çeaset. An dra-ze ne d'è quet c'hoas diaz; rac da guenta, medita a illit var Passion hor Salver. Pa çonsiderot quement en deus souffret Jesus-Christ evit ho prena: o contempli neuse an excez eus e garantez evidoc'h, ha c'hui e ve ingrat avoalc'h evit revus dezân ho carantez? Excitet eta neuse en hoc'h ene ur garantez vras evit Jesus-Christ, ha guelit petra a reot evit renta

dezàn carantez evit carantez : ne faut quet davantaich evit ober un oræsoun excellent. E meur a feçoun e aller medita var Passion hor Salver; hac ar pez am eus lequeet amâ ne d'ê nemet evit servichout da squèr ha da batron.

D'an eil, medita a illit var ar Finvezou diveza, ar Maro, ar Varn, ar Barados hac an Ifern.

Peb hini eus a C'hourc'hemenou Doue ha re an Ilis a furnisso deoc'h ur sujet bras a veditation. Evel ar fin a dleer en em broposi en oræsoun, eo reformi e vuez ar guella oræsoun eo an hini a ro deomp muy a horreur eus hor pec'hejou, ha muy a c'hoant d'ho c'horrigea; evelse e rêer ur Veditation vad, pa en em examiner mad. Oc'h en em arreti eta var unan ar Gourc'hemenou Doue e particulier, considerit petra a ordren ha petra a zifen : quemense hoc'h eus clevet hac a illit c'hoas da glevet er C'hatechis : considerit penaus eo ordronet quemense deoc'h gant Doue, da behini e tleit obeissanç : considerit peguer just eo ar Gourc'hemenze, peguen avantajus eo, peguen æz da viret, ha peguer resonabl. Goudese examinait ha c'hui er mirit, pe n'er miret quet : hac o velet ar fautou hoc'h eus grêt, excitet 'en hoc'h ene ur guir guez ha glac'har evit an amser dremenet, ha quemerit ur resolution gre d'e viret guell evit an amser da zont.

276 *Instruction evit ober Oræsoun.*

Ober allot ive ho Meditation var pep unan eus ar seiz pec'het capital, o consideri ar valiç hac ar grevusdet eus ar pec'het.-ze; o consideri pegument e tisplich da Zoue ha peguen domachus è deoc'h; oc'h en em examina goudese evel hoc'h eus guelet amà var Gourc'hemennou Doue. Grit cousgoude aliessoc'h ho Meditation var an hini da bhini e santit hoc'h eus muy a inclination.

Quemeret a illit c'hoas evit sujet a oræsoun unan beannac eus ar vertuziou quen Theological, quen Cardinal, ha Moral. Songit e petra e consist ar vertu-ze, hervez ma en desq c'hoas ar C'hatechis: considerit pe seurt resoun hoc'h oblich da labourat evit e acquisita: considerit peguen agreabl è da Zoue, peguen avantachus è deoc'h: guelit pe seurt fautou hoc'h eus grèt a enep ar vertu-ze. Goulennit digant Doue pardon eus hoc'h infidelite, eus ho lachete, eus al lesireguez hoc'h eus bet, ha songit a be seurt moyen en em servichot evit pratica guell ar vertuz-ze.

Peb hini eus ar seiz goulen a rit da Zoue en Oræsoun Dominical pe er *Bater*, a furnisso deoc'h c'hoas ur sujet caër a veditation.

Pa reot hoc'h oræsoun var an drede goulen, *Ho polonte bezet grèt en Douar evel en El*, grit evel ma reas hor Salver er Jardin Olivet. Lavaret a eure meur a  
veich

veich d'e Dad Eternel ar c'homsou-mà :  
*Va Zad, ra vezo grêt ho polontez, ha non-pas va hini.* Ne ouffac'h quet ober guelloc'h ha caëroc'h oraesoun evit an hini en deus grêt Jesus-Christ. Songit eta e quement tra hoc'h afflich hac a ra poan deoc'h, hac en em s'oumetit gant ur resimation parfet da volonte Doue. Mar hoc'h eus ur boan speret bennac, mar hoc'h eus nec'h pe un trubuil bennac, livirit en despet d'an oll repugnanç a santit : *Va Salver, c'etu ar c'halir c'huero da eva : me ho ped, mar d'e possibl, d'er pellaat diouzon, cousgoude ho polontez ra vezo grêt, ha non-pas va hini-me.* Mar leverer drouc ac'hanoc'h injustamant, mar d'oc'h dispriget, mar d'oc'h persecutet, livirit : *Va Doue, c'etu ur c'halir a confusion hac a vez a so presantet din; me ho suppli, mar deus moyen, d'er pellaat diouzon; cousgoude ho polontez bezet grêt, ha non pas va hini.* Mar d'ouc'h clàn, mar d'ouc'h paour, livirit : *Va Zad ha va Doue c'etu ur c'halir anquennius ha tenn evidon; me ho ped, mar d'e possubl, d'er pellaat diouzon; cousgoude ho polontez ra vezo grêt ha non-pas va hini.* Peguer caër eo an oraesoun-mà! Peguer consolant ha peguen æz da ober!

**AVIS.**

MA n'hoc'h eus quet comprenet scler avoalc'h ar method a oraesoun pe ar re-

Q

glen d'e ober, lennit - hi c'hoas diou pe  
deir gueich, hac e comprenot bepret guel-  
loc'h, hac o pez ar garantez d'he lenn ivez  
d'ar re n'o deus quet ar memes avantaich  
eveldoc'h da allout e ober o-unan.

### EIL AVIS.

EVEL adversour hor silvidiguez a glasq  
bepret hon distrei diouz ar mad, ne vanco  
quet da glasq ho tistrei diouz an exercic  
eus an oraesoun, hac e rai deoc'h caout  
meur a zigarez evit he dilesel, dre ma azne  
an avantaichou bras a brocule deoc'h. Mæs  
na sezlaout quet an aly hac an dromple-  
rez-ze eus an drouc-speret; ha mar ra e  
bossubl evit ho coll, grit eus ho costez ho  
possubl evit en em savetei, oc'h en em  
servicha eus ur voyen quer mad ha quer  
puissant evit assuri ho silvidiguez, evel  
ma ze ar Veditation. Pebes graçou na den-  
not-hu quet yarnoc'h epad ho puez dre  
an exercic santel-ze, ha pebes consolation  
na gueffot - hu quet en heur eus ho ma-  
ro? En heur diveza - ze e carrac'h beza  
grèt bemdez oraesoun, coumancit eta eus  
a vrema.

*Nu gueffot quet amàn a Veditationou  
evit Goueliou Nedelec, Gouel ar Roua-  
nez, Goueliou an Itron Varia, etc. caout  
a reot el Levr buez ar Sænt, reflexionou  
evit an devezion-ze pere a servicho deoc'h  
da sujet a oraesoun.*

## PREPARATION

*Evit an Oræsoun pehini a dleer da ober e coumançamant pep Oræsoun.*

NE d'équet cousgoude necesser prononç ar c'homsou; mar quirit, e allot en em gountanti d'o lavaret interioramant a galon.

*Ar merq-ma\* pe ar Stereden pehini a guefet amàn, a sinifi penaus e sleit en em arreti eno un tamg, spac ur Bater pe var an dro, evit imprima downoc'h a-ze en hoc'h ene ar virionez-ze, pe evit excita muy-oc'h-muy ar santimanchoù mad-ze en ho calon. Pa gueffot diou Stereden\*\* en em arretit un draic bennac muy. Cousgoude heubiit quen e quemense ho te-rotion hac ar mouvamant eus ar c'itrag.*

VA Doue, me a gred parfet emañ amàn en ho presañ, hac e velit betec ar santimanchoù secreta eus va ene.

Me hoc'h ador a greis va c'halon; hoc'h aznaout a ràn evit va Autrou souveren a behini e tepandàn e pep tra, evit an amser hac evit an eternite.

Me a offr deoc'h, evit supplei d'am faourentez, an oll adorationou a rent deoc'h an Ælez hac ar Sænt en Eé, hac an Eneou santel var an douar.

Piou oun-me evit en em bresanti dirazoc'h, va Doue, hac evit parlant ouzoc'h! C'hui a so ar santelez memes, ha me ne doun nemed ur pec'her.

Q 2

280 *Conclusion eus an Oræsoun.*

Sellit a druez ouzin, va Doue, c'hui pehini n'hoc'h eus biscoas rebutet ur galon contristet hac humiliet.

Purifit ma ene diouz quement a alle displigeout d'ho Majeste, evit ma vezo guell dispozet da receo ho craçou. \* \*

Va Doue, disposit ma spered ha ma c'halon evit aznaout ar pezh a c'houlennit diguené. Va disquit da ober ervad an oræsoun - mán, evit ho cloar hac evit silvidigvez va ene : disquit din ar pezh a dleán da c'houlenn digueneoc'h, hac ar feçoun d'e c'houlenn.

Aznaout a ràn na vilitàn netra, hac ez oun indin eus ho faveriou.

E milidou Jesus-Christ va Salver e lacàn va oll fizianç, hac en ho madelez infinit, va Doue.

Guerc'hes Vari, ma Eal - mad, ma Fatron, pliget gueneoc'h intercedi evidon. \* \*

*Goude beza grêt evelse ho preparation, e lennot ar sujed eus ho meditation, hac a heuliot ar pezh a so merquet amañ diarauc er method a oræsoun, er bagen 279.*

---

## CONCLUSION

EUS AN ORÆSOUN A DLEER DA OBER  
E FIN PEP ORÆSOUN.

*Mar quirit, e prononçot ar c'homsou, ha mar quirit, o lavarot a galon hepquen. Ar feçoun diveza - mán a ve, a gredàn, ar quella.*



Me ho trugareca, va Doue, a greiz va c'halon, eus ar sclerigen, eus an inspirationou santel, eus ar santimanhou mad, eus an oll graçou a so pliget guencoc'h rei din en oræsoun-mâ. \*

Me en em offr deoc'h antieramant-oll, ô va Doue, evit ho servicha gant fidelite, gant guir garantez. \*

Me a offr deoc'h specialamant ar resolutionou mad pere am eus quemeret en oræsoun-mâ, ha pere hoc'h eus inspiret din : roït dezo ho benediction, ha grit ma vezin fidel d'o fratica. \*

Anaout a rân va sempladurez, ma inconstanç ha ma fragilite.

Roït din eta, va Doue, dre ho madelez, dre ho misericord, an nerz hac ar gou-raich da bratica ar pezh hoc'h eus inspiret din hoc'h-unan.

Ar c'hraç-ze a c'houlennân dre meritou Jesus-Christ va Salver.

Guerc'hes Vari, ma Eal-mad, ma Patron, ha c'hui oll Sænt ha Santeset, pliget gueneoc'h intercedi evidôn. \* \*

*Amân a reot ho poquet spirituel evel ma ze ispliquet diarauc er method a oræsoun, er bagen 279.*

*Erfin e lavarot ur Bater hac un Ave Maria gant an oll fervor a vezo possubl deoc'h evit pidi an Autrou-Doue d'ho credit en ho resolution vad, hac evit lacât hoc'h oræsoun dindan protection an Itron Varia.*

## MEDITATIONOU

PERE A ILLIT DA OBER A PEP AMSER EUZ  
AR BLOAZ, HA PERE NE OUFFAC'H  
QUET OBER BE ALIES.

*Pelec'h e oàn-me cant vloaz so ? Da  
biou oàn-me dleour eus va buez hac  
eus a quement mad am eus ?*

Ne doùn quet bet atau er bed : bremà  
cant vloaz so ne oàn quet ennàn. Ne deus  
nemet ugent vloaz, tregont vloaz, muy pe  
nebeutoc'h, ma edòn var an douar ?

Pelec'h e oàn-me abars an amser-ze !  
Beza e oàn en neant ; ne oàn netra, n'em  
boa netra, ne voàn capabl a netra. Mar  
doùn bremà, un dra bennac, mar em eus  
ur madou, mar em eus galloud, nerz,  
speret, squiant ; quemense oll a so deut a  
netra, quemense tout a so fontet var an  
neant. Doué eo en deus va c'hrouet, ha di-  
gantàn eo am eus recevet quement avan-  
taich am eus hep em be o meritet.

2 P. Pebes sujet n'am eus-me quet d'en  
em humilia ? Ha mar em disprizer, a betra  
e allàn-me en em glem ? Avoalc'h eo evit  
discar vanite un den superb hac orgouillus,  
pa eller lavaret dezàn ez eo deut a netra,  
penaus ne deus quet pell ne oa netra, ha  
n'en devoa netra. Lavaret a dleàn quement  
all din va-unan, pa en em santin tentet a  
vanite : piou oud-é, petra oud-é ! Deut oud  
a netra. Ha songet mad am eus-me biscoas  
e quemense ?

En em gonsideri a rin eta bepret evel ur paour pehini n'en deus netra nemet dre alusen ; hac e livirin gant ur santimant a humilite : petra a so ennòn-me a guement n'am eus quet recevet ; ha mar em eus e recevet , perac en em c'hlorifiàn-me ?

3 P. Mæs pebes anaoudeguez-vad na dleàn-me quet da gaout ; pebes graçou na dleàn-me quet da renta da Zoue ! Pebes carantez na dleàn-me quet caout evit-àn ! N'ouñ-me quet obliget da garet an hini en deus roet din quement mad am eus , hac en c'honserv din da bep moment ? Ne dleàn-me quet e drugarecât alies bemdez ? Ne dleàn-me quet songeal ne doùn netra hep-dàn , hac en em soumeti dezàn e pep tra. Va Autrou souveren co , digant pehini e teu din quement avantaich am eus em c'horf hac em enc. Ne dleàn quet eta en em servi-chout anezo nemet hervez e intantion hac hervez e urz , pe autramant ez ouñ un ingrat , un disleal hac ur revoltet. Meritout a ràn e teufe diguenê an oll madou en deus roet din ; hac ar vuez memes , pa abusàn anezo , hac o impligeàn a enep e volóntez.

Allas ! bevet am eus evel ul libertin , bevet am eus bemdez , evel pa n'em bize dleet netra da Zoue. Ne doùn quet en em lequeet en poan da ouzout ar pez a zesire-èn diguenê , quen nebeut a ra ne vize quet bet Mæstr varnòn.

Ah ! va ene , consider petra oud bet , evit en em humilia , hac ar pez ma oud bremàn dre vadelez an Autrou-Doue , evit e garet

hac e servicha evel da Grouer, da Dad ha da Autrou Souveren; da behini e tlees peb tra, hac a behini a dependes e pep tra.

---

## MEDITATION

*Ha beza e vezin-me bepret er bed-mâ? Pe seurt fin am bezo-me?*

Va buez a dremen insansiblamant : eus an nombr a vloaveziou em boa da veva, un darn vras a so deja tremenet, ar rest a dremeno er memes feçoun. A-benn nebeut amseñ ne vezin muy var an douar : va zud coz a so passeet oll : passeal a rin evel do, ha ne chomo guenê netra eus a blijadurezou nac a vadou ar bed, quen nebeut ma so chomet gant o.

Perac eta en em arretân-me quement d'en em avanç er bed, da ober va fortun, da glasq plijadurezou, da zestum madou pere am c'huitai hac a ranquin da guitaat ?

Da betra servicho din quement a sourciou væn a guemerân, ha quement a songesonou a ruillân em speret ? Quemense oll a zisparisso evel ur vogueden, evel un hunvre.

2 P. Petra vezo grêt ac'hanon pa varvin ? Va c'horf a vezo taulet en douar da vreina : va ene a vezo presentet dirac Doue evit renta'cont eus ar pez e devezo grêt er bed-mâ, hac evit receo e setanç diveza evit ar Barados pe an Ifern.

Pebes follantez cherissa ha caret quement

ur c'borf pehini a dle beza magadurez ar prènvèt, pehini a vezo souden goude ar maro ur c'haing flierius, hac a raï euz hac horror d'am brassa mignonet! Mæs peguen disquiant oùn-me o chom heb songeal er gont rigourus a dleàn da renta d'ar Barner souverèn!

3 P. Mar doùn cavet din eus ar Barados, e vezo evit james. Ah, pebes eur-vad! Mar doùn condaounet d'an Ifern, e vezo evit birviquen, evit un eternite. Allas, pebes maleur! Ah Eternite! Eternite a valeur, peguen horribl oud-e! Reza eürus eternal-lamant: beza maleürus eternellamant: quemense ne verit-èn quet e songen ennàn a barfetet?

O va ene, sonch alies en eternite, pa zco eno e quivi da vir eürusdet pe da vir maleur. Eno eo e tlees erruout abred pe zivead, goude beza ~~bet tremenet nebeut~~ amser var an douar.

## MEDITATION.

### *A Salvet e vezin-me?*

Evit ober va silvidiguez, ret eo songeal enni, ret eo pratica ar vertu, ober œuvrou mad ha douguen va c'hroas. N'em bezo quet ar Barados evit netra, ret eo e c'hounit. Hent an Eê a so enq ha stris. An hent ledan a gнду d'ar precipiç, d'ar berdition, d'an Ifern.

2 P. Pelec'h ema oùn-me? Quemer a ràn

me an hent mad ? N'en em gontraignàn e netra, heulia a ràn ma inclinationou, ne fell din souffr netra, ne garàn ha ne glas-  
càn nemet ma slijadur : dibaut gueich e songeàn e Doue hac en eternite; beva a ràn quel lesirec evel pa ne ranquen ober netra evit en em savetei. Hac hennes eo an hent stris ? N'ef-én quet an hent ledan, hent ar bed, hent ar re libertin ? N'en em dromplàn me quet, mar songeàn ober va silvidiguez o veva evel ma ràn ? Petra am eus-me grèt bete vremen evit Doue ? Petra am eus-me grèt evit silvidiguez va ene ? Petra am eus-me grèt hac a verit ur recompanç hac ur gurunen eternal ? Ne ràn netra pe casi netra evit gounit ar Barados, hac ober a ràn cals a draou pere a verit an lfern.

3 P. Un dra scler eo n'emaou'n quet en hent mad; mar continuàn, ne deus quet a Varados evidòn : collet oùn da virviquen, ma ne cenchàn a vuez. Ret eo din eta quitaat ar vuez libertin-ze am eus conduet bete vremen; ret eo din trec'hi va humor; mortifia ma inclinationou, ha renonç da guement tra em ampeich da ober va silvidiguez.

O va Doue, grit din querzet en hent stris pehini a gundu d'an Ee, roit din ar gouraich d'en em drec'hi va-unan; roit din poaniou, afflictionou, croasiou, evel ma pligeo gueneoc'h : n'am espernit quet er bed-mâ : mæs va espernit, me ho supli, or bed-all.

## MEDITATION

## VAR AR PEC'HED MARVEL.

CONSIDER, va eme, petra eo ar pec'hed marvel. Ma sonches mad peguer grevus ha peguen horrubl eo ; ne gretes biquen e goumeti, ne oufesquet memes songeal ennàn hep horrol.

Pec'hi marvelamant, eo disprigeout Doue, disprigeout Jesus-Christ ; hac en em goll e-unan.

Coumeti ur pec'hed marvel, eo disprigeout Doue, rac terri e Lesen eo, ober un dra eo control d'e volonte ha d'e c'hourc'hemennou. Doue a zifen touet, difen a ra drouc-prezeg, difen a ra al laëronci, an impurete, ar vesventi, ha dindan boan a zaounasion : ouzpen, Doue a so presant partout : guelet ha clevet a ra oll. Mar grêr eta en e brezanç ar peç a zifen, ha ne d'eo quet disprigeout e autorite ? Ha ne d'eo quet discleria en effet ne sourcier quet nac eus e varados pehini a bromet, nac eus an Ifern a behini e c'hourdrous ? Caret guell countanti e inclinationou direglet, caret guell pligeout d'ar bed ha senti ous an drouc-speret, pehini a incit d'an drouc, eguet respeti Doue pehini en difen ? O insolanc, o impiete !

2 P. Coumeti ur Pec'hed marvel, eo disprigeout Jesus-Christ, rac en em gret eo Den dre garantez evidon ; en em rentet en

deus sujet d'an oll miseriou eus ar vuez-  
 mâ, evit rei din exempl eus ar pez a dleàn  
 da ober evit gounit ar Barados; souffret  
 en deus tourmanchou estrainch evit sa-  
 tisfia evit va fec'hejou hac obteni din  
 graçou a silvidiguez. Ne doùn-me quet  
 obliget da garet ur vadelez quer bras? Ne  
 dleàn-me quen ober un dra bennac evit  
 an hini en deus grèt ha souffret quement  
 evidòn? ma en deffe un den grèt evidòn  
 ar c'havet eus ar pez hoc'h eus-hu grèt,  
 va Salver, e tleffen e garet ha disquez  
 dezàn va anaoudeguez. Mæs allas! Petra  
 am eus-me grèt evidoc'h? Elec'h sou-  
 geal ennoc'h, elec'h ho caret, elec'h  
 profita eus hoc'h exempl hac eus ho cra-  
 çou, em eus grèt ar c'hontroll beo: ren-  
 tet am eus inutil an oll poaniou ho poa  
 quemeret evidòn, rejetet am eus ar gra-  
 çou ho poa meritet din, abandonet am  
 eus va ene ha va silvidiguez, evit pere  
 ho poa quement labouret. Ah! Disqui-  
 aùtet oùn-me ah! Ingrat, penaus e creden-  
 me comparissa dirazoc'h en heur ar maro  
 evit beza harnet? Petra a respontin-me  
 d'ar rebechou a reot din?

3 P. Coummeti ur pec'het Marvel,  
 eo en em goll e-unan. Pa em eus coum-  
 metet ar pec'het, em eus quitect Doue  
 renoncet em eus d'e servich, en em  
 rentet em eus esclaf an drouc-speret.  
 Pebes cenchamant eus ur Mestr quer mad  
 pehini or devoa recompañou quer caër  
 da



da rei din, en un tyrant quer cruel pehini n'en deus nemet tourmanchou da bartachi guenê! Gouzout a ren penaus ur pec'het hepquen a ree din coll graçou mad va Doue hac ar guir a allen da bretandi er Barados, ha penaus em rente coupabl eus an Ifern, ha cousgoude em eus en commetet; n'am eus-me quet grêt evel pa em bize signet va c'hondaounation, hac evel pa em bize lavaret: n'emaoum quet e sourci na gant ar Barados na gant an Ifern, nemet ma countantin va inclination. E petra e songen-me, maleürus! Ma vizen maro er stat - ze, pelec'h e ven - me breman? O dallentez!

O va Doue, pa zisplich quement deoc'h ar pec'het, inspirit din an oll horror a dleân da gaout anezân. Grit ma reparin dre ur guir binigen an offañcou am eus commetet en hoc'h enep. Resolvet ouñ, gant ar sicour eus ho craç, da bellaat diouz an occasionou a so bet quer maleürus evidon, ha da resista ouz va goall inclinationou gant moy a gouraich evit pa ve question da goll va madou, va enor ha va buez.

## MEDITATION

*Var ar Maro maleürus.*

CONSIDERIT tri-maler bras pere a erru peurvuya gant ar bec'herien pa varvont.

Darn aneze a so surprenet gant ar maro.

! R

Darn - all en em drompl o - unan.

Re - all erfin a gouez en disesper. -

Da guenta, peguement a bec'herien a ve surprenet gant ar maro, o deus ur maro subit, a varf dre ur goall fortun pe un accident, hac aviziou memes e creiz o dibauch hac o dibordamanchou. Mervel a reont hep caout an amser d'en em anaout na da reperi o fautou; mervel a reont en o fec'het, hac eus a greiz o fligeadurezou maleürus e couezont en un taul e creiz an tourmanchou horrubl eus an Ifern, sionaz dezo !

E pe stad en em guivit-hu ? Ha c'hui so dispozet mad da vervel, pa blijo gant Doue ho quervel.

N'hoc'h eus-hu quet c'hoaz un urz bennac da lacaat en ho coustianç ? Mar hoc'h eus un dra bennac da ober, penaus e credet-hu d'ale un devez hepquen, goude an exempl eus a guement a bec'herien pere a so bet surprenet gant ar maro ?

*En em arretit amd un nebeut.*

Q P. Peguement a bec'herien, pere en o c'hlenvet mortel ne fell quet dezo cridi e varfent e'hoaz, pere ne songeont nemet en o drouc pe en o foan, pere goude beza bet diegus en ho huez da dostât ouz ar Sacramanchou, o deus ar memes diegui en o c'hlenvet; ha mar en em resolvont erfin da gofes, n'er greont nemet pa int quer sempl n'emaint muy e stad da gofes

erfad, na da en em excita da ur guir  
goutrition, na da reparañ an domaich o  
defe grêt. Mervel a reont hep preparation  
ebet, mervel a reont en o fec'het.

3 P. Peguement a bec'herien a gouez  
en disesper er moment ar maro! Epad o  
buez e coumetent pep sort crimou hep  
scrupul, heb remors ebet, ar brassa pe-  
c'hejou a gontent evit nebeut a dra, lonca  
a rent ar pec'het evel dour; mæs en heur  
ar maro o c'houstianç a zeu d'o ficat.  
Nense e teu sonch dezo eus un infinit a  
voall actionou hac abominationou o deus  
commetet, eus un infinite a voall gom-  
son, songesonou, desirou, hac e santont  
ar pouez hac an enormite anezo. Quemense  
tout, gant ar spout rag jugeamant an  
Autrou-Doue e pehini e rencont appa-  
rissa, hac an horror eus an Ifern e pe-  
hini int prest da veza confonet, a zeu d'o  
zroubli, d'o zourmanti, d'o disesper.

Mar goulennont pardon digant Doue, e  
santont ne d'ê quet touchet o c'halon pe-  
hini a so calet evel ar mean. Guelet a  
reont eo ar pec'het o c'huita, ha ne d'eo  
quet ind-ii a quita ar pec'het. Mervel a  
reont erfin en ur stad quen trist ha quen  
deplorabl.

Pet pec'her disesperet a so bet clevet  
pa oant prest da vervel, o prononç o-  
unan o c'hondaounation, en ur lavaret:  
hevelep buez, hevelep maro: Bevet am  
eus evel un impi, ha mervel a ran evel  
un impi.

*Reflexion varnomp hon-unan.*

Ma vizen maro ur certen amser so , ar maro n'en devize - èn quet va c'havet er stad - ze ?

Em heur diveza ha contant en em guivin-me da veza bevet er feçoun ma vevàn ?

Ma tigoueffe din mervel hirio , ha prest oùn - me ?

Goude an avertissamançhou a ro Doue din , goude an exemplou a zisqueze din , ar santimançhou mad a inspir din , an amser a accord din , ar gourdrouzou a ra din , ha mancout à rin me pelloc'h da lacaat urz em c'houstianç ?

Ma ne brofitàn quet bremàn eus ar c'hraç a ra din , ha mar abusàn eus e visericord , ne dleàn-me quet caout aoun n'en devezo quet truez ouzin var va maro ?

Va Doue , me ho trugareca dre ma roit din c'hoas un nebeut a vuez evit en em brepari d'ar maro. Anzao a ràn penaus am eus cunduet buez ar bec'herien , ha penaus em eus ive meritet mervel eguis ma varf ar bec'herien ; mæs hirio , gant ar sicour eus ho craç , e quemeràn ar resolution da lacât urz er pezh a alfe ma zroubli ha ma ambarassi en heur diveza. Resolvet oùn da repari ma fautou , ha d'en em disposi dre ur vuez christen da ur maro mad ha santel.

## MEDITATION

*Var ar Maro eürus.*

Considerit peguen douç eo mervel da nep en deus bevet erfad.

Ar maro pehini a so quen terribl d'ar bec'herien, a so d'ar re just ur sujet bras a gonsolation hac a joa.

Ar peoc'h eus o coustianç, an esperanç hac an desir da velet Doue en Eé, a ro dezo ur joa vras. Ar sonch eus o euvrou mad ne ñ'é quet evit-o ur sujet a vanite, mæs ur sujet a fizianç e misericord an Autrou-Doue, hac a ra dezo esperout penaus goude ma en deus grêt dezo quement a c'hraçou en o buez, n'o abandono quet en heur ar maro.

Doue eus e gostez o c'honsol, a ro dezo graçou caër; a lacâ en o ene ur feiz parfet, un esperanç ferm, ur garantez ar dant, hac a ra dezo santout en o c'halon un douçder pehini a so un tânva eus a eürusdet an Eé.

Mervel a rân, eme ur C'hristen mad en e heur diveza, mont a rân da guitât an douar evit mont d'an Eé; sortial a rân eus va exil evit distrei d'am bro; mont a rân d'al lec'h a repos, d'ar Rouantelez a beoc'h, d'ar Palæs a c'hloar; mont a rân da veza delivret eus a boaniou ha miseriou ar vuez - mâ; ne vezin muy exposet da bec'hi nac en danger d'en em goll;

R 3

mont a ràn da velet ar pez biscoaz lagad n'en deus glevet, da glevet ar pez biscoaz scouarn ne deus clevet, da bossedi ar pez biscoaz speret an den n'en deus comprenet; mont a ràn da velet ma Doue, d'e gontempli, d'e garet ha d'e veuli epad un eternite.

Peguen douç eo an heur diveza-ze da un ene mad, pehini a so bet sourcius d'en em brepari da vervel ha d'en em zerc'hel atau prest! Peguen douç e quef ar maro nep en deus cunduet ur vuez christen, hac e zremenet en exerciçou a zevotion hac a garantez! Penaus ne varfe quet contant an hini a varf Sant?

Ne depend nemet eus ac'hanoc'h, va breur ha va c'hoar, caout un hevelep maro; bevit evel ma o deus bevet ar re just. Ar re just a veill varnezo o-unan, en em zalc'h atau var evez, hac en em brepar bemdez d'ar maro, gant aoun na vent surprenet. Grit evel-do, hac esperit penaus an Autrou-Doue dre e c'hraç hac e visericord n'oc'h abandono quet var ho maro. Liquit evez ouz ar pec'het; grit bremàn ar pez a garrac'hi beza grèt pa viot var ar poent da sortial eus ar bed-mà; grit euvrou - mad : Ind-ii eo a vezo en deiz-ze ho consolation, ho pinvidiguez hac ho cürunen.

*Grit bremà ho resolution.*

## MEDITATION

*Var ar Varn particulier.*

Considerit penaus an ene, querquent a ma zeo separet diouz e c'horf, ha so presentet dirag Jesus - Christ ar Barner souveren, evit beza juget ha receo e santañ pehini a zecido eus e eürusdet pe e maleur eternal hervez e euvrou mad pe fall.

Pebes spount evit ur pec'her, pa vezo digoret al levr eus e goustiañ, e pehini e velo scler an oll pec'hejou en deus grêt adalec an usaich a resoun bete fin e vuez, ar goall songesonou e pere en deus en em bliget, an desirou fall en deus bet, ar goall gomson en deus lavaret, al leou-douet, ar mallozou, ar blasfemou, ha quement action criminel en deus commettet, an injuñçou, an usurerez, an impurete, ar gassoni, ar vengeance.

Renta a renco ouspen cont eus ar mad a dlie da ober, ha pehini n'en devezo quet grêt, pet gueich en devezo negliget d'en em acquita eus e zeveriou a Gristen, hac eus an obligationou eus e stat; pet gueich en devezo manquet da bratica an euvrou a visericord hervez e c'hallout, etc.

Goulennet a vezo oun-tàn cont eus an usaich en deus grêt eus e vadou, eus ar peñ en deus impliget e dispignou foll, e vaniteou, en dibauch.

Eno e vezo examinnet ar mad memes

R 4

pehini en deus goall-grêt, ar c'hofessionou - ze heb ur guir gontrition hac heb cenchamant, an Oferennou clevet heb devotion, ar pedennou lavaret hep attantion.

Eno e vezo rebechet dezàn an inspirationou mad, ar graçou, ar moyennou a silvidiguez en devoa bet, hac a bere n'en deus quet profitet.

Renta a rei cont non pas hepquen eus e bec'hejou, mæs c'hoas eus a bec'hejou ar re-all, a bere e vezo bet caus dre voal avi, pe dre voal exempl, pe en ur feçoun bennac - all.

Considerit pebes spount, pebes anquen, pebes disesper a santo ur pec'her pehini en em velo contraign da anzañ ar virione eus ar rebechou hac an accusationou grêt en e enep, pehini ne allo en em excusi e feçoun ebet, ha pehini en em varno hac en em gondaono e-unan.

Erfin Doue o veza prononeet e setañ, e commanço e eternite maleürus.

Considerit an dallentez eus an darn-vuya eus an dud pere a sonch quen nebeut er gont terribl o devezo da renta da Zoue en heur ma varvint. Ar brassa Sænt o deus crenet gant spount rac jugeamant an Austru-Doue; pebes aoun eta ne dleomp-ni quet da gaout, ni pec'herien !

Songeomp alies e comparissimp un deiz dirac Doue evit beza barnet. Songeomp pe na songeomp quet, un dra eo pehini a er-rue gueneomp abred pe zivead. Songeomp



eta da regli ho c'hont; divead e vezimp d'en em brepari pa vezimp dirac hor Barner.

Greomp bremàn hor possubl da veritout ur setañç favorabl. Peguer bras pec'her bennac e veac'h, na zisesperit quet da obtèni misericord epad ma em'oc'h er vuez-mà, pa hoc'h eus evit Barner an hini a so deut evit savetei ar hec'herien. Grit pinigen, goalc'hit ho pec'hejou gant an daëlou eus ar gñontrition, ha ne vezint quet rebechet deoc'h da zeiz ar varn. Grit evrou mad: beza e vezint ho consolation en deiz-ze, hoc'h heulia a rañt dirac ho Parner, hac e procurint deoc'h ar setañç douç ha favorabl - mà: *Deut, servicher mad, deut servicheres fidel, antreit er joaùsdet hac er gloar eus ho Toue.*

Petra raën-me, va Doue, penaus en em gafen-me, ma ve ret din en heur-mà comparissa dirac ho Tribunal terribl, pec'her maleürus ma oàn?

O va Jesus, douç ha mad, ho pet truezous ar c'hriminel paour-mà pehini a implor ho misericord; songit ez eo dre garantez evidon hoc'h eus en em c'hret den hac hoc'h eus souffret quement a boan; considerit ez eo ho Maro ar bris eus va ene; na lesit quet da vont da goll ar peza so coustet quement deoc'h. Va barnit bremàn, va c'hondaounit da souffr ar poaniou a blijo gueneoc'h, hac o ve epad va oll huez; mæs grèt din graç ha misericord en heur ar maro.

R 5

## MEDITATION

## Var ar Barados.

1. P. *Peguer caër eo ar Barados.*

2. P. *Ar peñ a dleomp da ober evit e c'hounit.*

Considerit peguer caër eo ar Barados, Palæs an Autrou-Doue, an Tron eus e c'hloar, ar pen-œuvr eus e vanifiçanç, ur plaç a bhjadurez e pehini e jouis ar Sænt eus un eürusdet eternal, o velet Doue faç-a-faç, hoc'h e gontemphi, hoc'h e garet ahed un eternite heb fin.

Un Doue eo da behini ar bed-oll n'en deus coustet nemet ur goms, pehini a implic'h e oll baissanç evit renta parfetamant eürus e sêrvicherien fidel.

Represantit eta d'ho speret ar c'haëra traoc'hac ar c'haëra compaignunez a iñit da gompren, ha hvirit goude : ar Barados a so infinimant caëroc'h evit quemense.

An Abostol Sant Paul, goude beza bet ravisset bet'en Ee, en deus discleriet penaus speret an den n'en deus quet comprenet ar peñ en deus preparet Doue d'ar re père er c'har.

2. P. Considerit penaus ar Barados a so hon heritach, acquisitet deomp gant Jesus-Christ dre ar pris eus e Voad precius, mæs pehini cousgoude ne d'eo prometet deomp nemet dindan condition ma labou-

rimp evit e obteni. Ar Barados a so ur recompanç, ret eo eta e meritout dre al labour : ur gurunen eo, ret eo e gounit dre ar victor.

Avi hon eus ouz eürusdet ar Sænt, ha ne zepand nemet ac'hanomp beza un deiz ar pezh ma int. Ar memes curunen pehini o deus-ii meritet, a so proposet deomp evit recompanç eus hon labour : servicha a reomp ar memes Mæstr, beza hon eus ar memes Lesen, ar memes Aviel, mar fell deomp eta erruout er memes termen, heuliomp ar memes hent o deus-ii heuliet, imitomp o exempl, imitomp o vertuziou. N'en em excusomp quet var hor æmpladurez : ar Sænt a oa tud eveldeomp, beza o devoa ar memes sourciou, ar memes tentationou, ar memes difficulteou eveldeomp, hac exposet e oant d'ar memes dangerou ; cousgouda hep caout quen sicour na quen moyen d'ea em savetei, nemet ar re hon eus-ni hon-unan, ez int erruet eürusamant er porz eus ar silvidiguez.

Ar Sænt o devoa ur guir volonte d'en em savetei ; o soueh hac ho c'halon a oa en Eé ; hac aa esperanç eus ar recompanç a c'hortoent, a gresque bepret o c'houraich. Songeomp ivez alies er Barados, sellomp euz an Eé, consideromp ar gurunen a so destinet deomp, hac en em santimp excitet muy-oc'h-muy da labourat evit e meritout.

Evit mont d'an Eé, evit beza Sant, ne

d'ê quet absolutamant necesser ober traou bras ha dreist-ordinal, mæs miret Gourc'hemennou Doue, hac en em acquita eus an deveriou eus ar stat da behini en deus hor galvet. Ha diaz e quivit-hu quemense? Hac e couste un dra bennac deoc'h, pegueit e pado ho poan, ha pegueit ne pado quet ar recompanç? E guirionez, ha coustout a ell re, pa vez question da c'hounit un eürusdet eternal? Quement a oufemp da ober ha da souffr, eme c'hoas S. Paul, ne d'eo netra e comparæson d'ar gloar a so prometet deomp.

O va Doue, ha beza em bo-me un deiz an heur da dârva an douçder eus an eürusdet var pehini e veditân? N'hoc'h eus va c'hrouet nemet evit ar fin-ze, ha rei a rit din an oll moyehou necesser evit quemense. Ha revus a rin-me ar gurunen a offrit dia?

O Palæes caër a Zoue, e pehini pep tra so douç, ha netra c'huero, e pehini ar ros a vezo heb drein, ar peoc'h heb bresel, hac ur vuez heb fin! O Jerusalem celestiel, e pehini e canimp eternellamant ar C'hanticou fervant eus a Sion! Piou a allo caout poan ho labourat, oc'h ouzout ez ouc'h ar recompanç eus e labourou! Piou a revuso combati, o consideri ar gurunen a so preparet evitân!

Peguen dister ha peguen disagréabl e cavân-me madou an douar, pa sellân ouz an Ee, ha pa gonsiderân ar madou cternal!

CONFÉRANÇ SANTEL.

VAR AR VOYEN DA GUNDUI UR VUEZ  
DEVOT HA PARFET.

Daouzec Tad eus an Deserz en em as-  
samblaz un devez evit conféri assambles  
var ar voyenou da erruout er berfection.  
Cetu aman o santimanchoù, eus a bere  
pep Christen a ell ober e brofit, en ur  
ober reflexion varnezo, pe oc'h o medita.

1. Ar c'hossa eus an Tadou a gomsas  
ar c'henta, hac a lavaras : abaoù ma em  
eus quiteet ar bed, em eus dispriget que-  
ment tra a so e mæs ac'hanon, evit clasq  
Doue ennon, ha quentre ma teu em spe-  
ret ar sonch eus ar bed, er chassedn hac  
er flastràn evel ur serpent.

Ha me, eme an eil evit en em excita  
d'ar ferveur, a lavar bemdez din va-u-  
nan : hirio eo hoc'h eus coummancet da  
servicha Doue : hirio eo e commancet da  
belerinaich, ha varsehoas en achui.

An drede a gomsas evelken : Quentre ma  
tihunan, ma speret a nich varzu Doue :  
goudese en em brosternàn d'an douar, en  
ur gonsideri ma fautou ha ma sec'hejou :  
saludi a ràn an Alet santel, hac o fedon  
da intercedi evidon. O veza grêt va feden,  
e tisquennàn en Ifern : consideri a ràn  
an oll tourmanchoù eus ar re daounet,  
hac e lavaràn din ma-unan : cede axe ar  
plaç e pekini e tliez beza, oede ar peç

R 7

hoc'h eus meritet : desq anduri poaniou ur bed-mâ, ma ne fell quet did souffr poaniou eus ar bed-all. Ar reflexion-mâ a ro din nerz ha couraich da zouguen va c'hroas ha da labourat evit ma silvidiguez.

Ar bevare a ajoutas : evidon-me, en em imaginan beza var Menex Olivet gant Jesus-Christ hac e Zisquibien, hac er c'hlevan o lavaret din : chom em c'hompaignunex : en em renq etouez va Disquibien : cheleo va c'homsou ec'his ar Vadalen aseet phars ma xreit : desq guenê-me penaus ez oin douç hac humbl a galon. Cetu aze ar guentel a ra din.

Ar pempvet a exposas ar reflexion en devoa custum da ober. Consideri a ran, emezan, an Alez pere a zisquen eus an El, evit silvidiguez an dud : admira a ran ar zel ardent o deus, hac e concevan un desir bras da labourat evit ma silvidiguez hac evit silvidiguez va nessa. Deport a ran bemdez ar maro, hac e lavaràn da Zeus : Va c'halon a so prest, va Doue, va c'halon a so prest, Ma guervel o reot, hac a respentin deoc'h : cetu me amâ : ha-ret eo mervel? countant oin.

Ar c'huec'hvet pehini a ioa un den a galon, a lavaras : Seblantout a ra din da beb-heur clevet an Autrou-Doue o lavaret din : labour evidon, hac e roin dit evit recompanç ur repos eternal : combat ouz ma adveçour, cede amâ ur gurunen

o breparàn evidoud. Ar c'homsote-ze a ra din trec'hi an oll difficulteou hac an oll tentationou.

Ar seizvet pehini a roa un den a orasoun, a reas an discours-mâ: Quemer a rân evit sujet eus va meditation ar seiz; an esperanç hac ar garantez. Ar seiz am c'harg a sclerigen, an esperanç a joa, hac ar garantez a serveur. Ar seiz a ra din cridi ar pez ne velân quet; an esperanç a ra din gortos ar pez ne veritân quet; ar garantez a ra din caret ar pez ne blich quet din. Ar seiz am fortifi a enep an tentationou; an esperanç am rejois en afflictionou; ar garantez a ra din caret ar bersecutionou, hac a vir ouzon na rân drouc da nep a ra din.

Evidon-me, eme an seizvet, nê rân quen nemet lacât evez ouz ma adversour pehini a so bepret o clasq ma surpren, hac e c'houlennân bepret sicour digant Doue evit e anaout hac evit e resista ountân.

Ha me, eme an navet, ne dremendân devez ebet na gonsiderân ar Roue a c'hloar e creiz an Ælez, pero a gan e veulaudi, ha pere am excit d'e veuli gant-o.

An decvet pehini en devoa ar memes devotion d'an Ælet, a lavaraa e considere bepret e Æl-mad ouz e goste, ha penaus ar sonch-ze en dalc'h en ur respet bras, oc'h ouzout e selle ouz e oll actionou, hac o fresante da Zoue.

An unnecvet, elc'h Ælet, en em ima-

gine bepred beza e compaignunez peder Guerc'hes, an Temperanç, ar Chastete, an Douçder, hac ar Garantez; ha da bep pas a rân, emezân, en em interrogedn pelec'h e ma da gompaignuneset? Emedoud dindan protection ar Vertuziou; laca evez mad n'o offanses; coms e pep lec'h eus o guenet, evit ma vezint favorabl did dirac Doue en heur ma varvi.

An diveza, pehini a oa ur penitant bras, a sarras ar Gonferanç, en ur lavaret: Va Zadou venerabl, ho puez a seblant din oll celestiel. Petra a livirin-me en ho coude? N'oc'h eus quet parlatet evel tud, mæs eguis Alet. O pequen admirabl eo ar grâçou en deus grêt Doue deoc'h! Evidon-me, pehini a so indin eus an oll faveriou-ze, em eus bepret va daoulagat arretet var ar c'hrimou eus va buez, ha var poaniou an Ifern da bere en em gondaounân, abalamour ma em eus o militet; hac e lavarân din: quee da chom en ifern, quee da souffr an tourmanchou e teus millitet souden e vizi stringuet en abim-ze. Neuse e clevân ar c'hri eus ar re daounet pehini ne all quet touch calon Doue. En em brosterni a rân dirazân, hac er pedân n'am c'hasso quet goude va maro er plaç-ze a dourmanchou e pehini ez oun disquennet quelliet a veich opad va buez.



Eus an doauzec moyen-mâ da gundui ur vuez vad ha santel, choasit an hini a ra muy a impression var ho speret ha var ho calon; ar reflexion a reot var ar virionez - ze gant ar sclerigen hac ar sicour a roi Doue deoc'h ho pellañ diouz pep pec'hed, hac hoc'h excito da gundui ur vuez c'hristen ha parfet.

Unan hepquen eus a quirionezou bras hon Religion, mar he c'honsiderer a barfetet, hac e mediter bemdez, a so capabl da ober eus ar brassa pec'her ur Sant bras. Evelse eta ar memes quirionez a ell servichout deoc'h da sujet a Oræsoun un hir amser, ha memes, mar quirit epad ho puez.

FIN.

---

---

# G O U S P E R O U

## A R S U L .

*Goude beza lavaret devoçamant ar Pater  
hac an Ave, grit sin ar Groas o pro-  
nonç ar c'homsou-mâ, Deus in adju-  
torium, hac o aller da gana en Bre-  
zonnec; var an ton, Considerit piz o  
christen.*

BEZIT, ma doue, me ho ped,  
Atiantif d'am sicour bepret;  
Autrou, pliget guencoc'h hasta  
Dont em izom d'am asista.

Rentomp gloar d'an Tad eternal,  
D'ar Map ha d'ar Speret-Santel,  
A so en un doue tri ferson,  
Meulomp ii a greis hor c'halon.

Ar memes gloar a ioa a viscoas  
Ra vezo rentet bremâ choaz,  
Hac atau ha da virviquen  
D'an drindet en un doue hepquen.

Evelse, va doue, bezet grêt,  
Ha ra viot trugarecait,  
Meuleudi deoc'h, Autrou Santel,  
Ha roue a c'hloar eternal.

### *Psalm 109.*

DOUE en deveus lavaret  
D'e Vap hon Autrou beniguet,  
Asezit an tu - deou din me  
Da gaout ar memes gloar guenô.

A c'hortos evit birviquen  
Ma liquin hoc'h adversourien,  
Da servichout deoc'h da scabel;  
Dindàn ho treid, va Map santel.

En Sion eo e tle commañç  
Ar voualen eus ho puissañç,  
Iit ac'hano partout da ren  
En creis hoc'h oll adversourien.

D'an devez bras eus ho callout  
E vellint ouc'h ar c'henta tout  
En creis ar c'hloar ar guenet  
Eus an oll Sænt ha Sænteset.

Neuse e vouezzint eo me ho Tad  
Am eus hoc'h anjandret, va Map,  
Eveus va substanç ma-unan  
Abarz ma crouis ar bed-màn.

D'e Vap ep devezs c'hoaz doue  
Touet, hep e chenchò e le;  
C'hui eo da james va Belec  
Diouz an urz a Velchisedec.

Ya, ema deoc'h an tu - deou,  
Va doue, ho Map hon Autrou,  
Ha d'an deiz m'en en golerò,  
Ar re superb a vrusunò.

Rac pa dui da varn ar bed-oll,  
E caço an dud fall da goll,  
Hac e flastro, hep lacat mar,  
Da gals o fenn ouz an douar.

Hac evel m'en devezs efet  
An dour a souffrançou ar bet,  
E vezo guelet o c'horren  
E benn gant ur c'hloar souveren.

Rentomp gloc'h d'an Tad eternal.

*Psalm 110.*

A greis va c'halon, va Autrou,  
E rentin deoc'h meuleudiou  
Hac en secret hac en public,  
Etouez ar re just ha jurdic.

OEuvrou doue so bras meurbet,  
Diouz e polontez int reglet;  
Daoust petra erru mad pe zrouc,  
En a zispos a bep tra tout.

Manific eo ar pezh a ra,  
Meulabl eo ata en peb-tra;  
E justic en em zalc'h bepret  
Ar memes, ha ne chencho quet.

Leset en devezs gant an dud  
Ur memor a guement burzud  
E devezs grêt en ho c'hever  
E drugarez leun a zouder.

Ar memor se quen agreabl  
Eo ar vagadur admirabl  
En devezs roet er Sacramant  
Da nep en douich parfetamant.

Memor en devezo bepret  
Eus ar pezh en deus prometet,  
Hac e rai d'e bobl anaout  
Eus e oll ceuvrou ar c'hallout.

Dezo e rei an heritaich,  
Eus e Varados da bartaich;  
En traou a ra n'en em zisquezh  
Nemet justic ha guirionezh.

E oll Gourc'hemennou santel  
A so bepret ferm ha fidel;  
Fontet int var ar virionezh.

Ha var pep seurt justic ivez.  
Digacet en deus er bed - mâ  
E Vap evit hon redima;  
Grêt en deus deomp un testamant  
A bado eternalamant.

Santel ha terrubl eo meurbet  
E hano, piou n'en douche quet?  
Commançamant ar furnez e  
Doujanç an Autrou hon doue.

Quement a vev en e zoujanç  
O deus ur guir intellijanç,  
Ar seurt - ze eo en em rent din  
De veuli en Eevou hep fin.

Enor ha gloar da Zoue an Tad,  
Ar memes gloar da Zoue ar Map,  
Ha d'ar Speret - Santel ive,  
Tri ferson distinct en un doue.

Ar c'hloar a so bet a viscoaz,  
Ra vezo rentet bremâ c'hoaz,  
Hac ato, ha da virviquen  
D'an brindet en un doue epquen.

*Psalm. 111.*

O Peguen eürus eo an den  
A zouich an Autrou souveren  
Hac a so leun a zesiron  
Da viret e C'hourc'hemennou!

E raç a vezo galloudus  
Var an douar dre ar vertuz,  
Rac bep seurt benediction  
A heul nep so eun a galon.

En e d'y en em guff ivez  
Ar c'hloar hac ar binvidiguez;

310. *Gousperou ar Sul.*

Hac evit birviquen epad  
E justic hac e œuvrou - mad.

Savet eo en devaligen  
D'an dud santel ar slerigen,  
Rac doue so leun a druez,  
A justic hac a drugarez.

En so eürus hac agreabl  
Un den so prest ha charitabl,  
Hac a so e gomsou reglet!  
James ne vezo discaret.

Eus a nep so just ha santel  
E vezo ur memor eternal;  
Evit quement droug a glevo;  
Anquen ebet n'en devezo.

E galon a so preparet  
Da esperout en doue bepret,  
Ferm eo hac e vezo biquen.  
An despet d'e adversourien.

Roet en devezs an aluseu  
Liberalamant d'ar beaurien;  
Receo a rañ ur buissanç.  
Hac ur c'hloar vras en recompanç.

Gant jalousi oc'h e velet  
E vezo ar pec'her coleret;  
E zeut gant dipit a sraigno,  
Ha var e dreit e tisec'ho.

Hoguen desir ar bec'herien  
A vezo vean evit biquen;  
Elec'h ma vezo countantet  
Desir nep a vezo salvet.

Enor ha gloar d'an Tad, etc.

Evel diarauc.

## Psalm. 112.

MEULIT an Autrou souveren  
 Entrezoc'h e servicherien ;  
 Meulit an Hano a Zoue,  
 Ha gant respet prononcit - è.

Ra vezo benignet ato.

Ha glorifiet an Hano  
 Eveus hon Autrou souveren  
 Eus a vrema da virviquen.

Hano an Autrou a die bepret  
 Gant ar bed oll beza meulet  
 A dal sao heaul en Oriant  
 Bete cuz heaul en Occidant.

An Autrou so huel meurbet  
 dreist quement pobl a so er bet,  
 Hac ar c'hloar eus e Vajeste  
 A so dreist an Eevou ive.

Piour so henvel cuz an Autrou  
 Hon doue a chom en Eevou,  
 Hac a c'hano a consider  
 Quement ha so humbl ha dister?

En eus ar fang hac an douar  
 A denn an isomec, pa gar  
 Hac a ra d'ar paour quer sevel  
 divar an teil da lec'h huel.

Evit e lacat assambles  
 Gant ar Brincet eus e Balas,  
 Gant ar Brincet eus e Bobl quer  
 da aseza en ho c'henver.

En eo a rejouis ivez  
 An hini a yoa hep lignez,  
 Oc'h e renta Mam en ho zi

Da forz bugale bet dezi.

Enor ha gloar d'an Tad, etc.

Evel diarauc.

*Psalm. 113,*

PA sortias Pobl Israël  
Eus a Egypt ar Vro gruel,  
Pa voue ty Jacob dilivret  
Eus a greis ar Barbaret.

Neuse voue ar hobl a Judee  
Censacret da servich doue,  
Israël a zeuas da veza  
Dindan e ren sujet deza.

A hent ar hobl-mâ e tec'has  
Ar mor neuse, pa er guelas;  
Ha var ec'his Rivier Jourdren  
A redas varzu e sourcen.

Neuse gant spont o deus lampet  
Ar meneziou eguis maoutet,  
Lampet o deus an torguennou  
Eguis ma lamp oanedigou.

Mor-ruz, petra oa o sujet  
Ma zouc'h bet evelse tec'het?  
Perac oc'h-hu bet, c'hui Jourdren,  
Distroet varzu ho sourceon?

Perac hoc'h eus-hu bet lampet,  
C'hui meneziou, evel maoutet?  
Perac evel oanedigou  
Hoc'h eus-hu lampet torguennou?

Presañ an Autrou eo a ra  
Evelhen d'an douar creana;  
Presañ an hini so doue  
Da Jacob ha d'e vugale.



Ar mean so quen en deus chenchet  
 En ul lenn bras a zour carguet :  
 Hac eus ar roc'h en deus ouzpen  
 Lequeat da redec ur sourcen.

Autrou an Eê hac an douar,  
 Ne de quet deomp-ni eo ar c'hloar ;  
 Roït ar c'hloar a zeu ac'hano,  
 Non pas deomp-ni, mæs d'oc'h hano.

Ma c'henevo peb nation  
 Oc'h trugarezus ha guirion,  
 Ha na rebechint quet deomp-ni :  
 Peleac'h e mâ o doue-ni ?

Mæs na gomsent quet evelse ?  
 Rac hon doue ni so en Eê,  
 Pehini en deus grêt bepret  
 Quemant en deus desiret.

Hoguen doueou a re vechant  
 Ne dint nemet aour hac arc'hant,  
 Pere so ouvrachou forget  
 Gant daouarn an dud abuset.

Guenou o deus da brezec,  
 Ha cousgoude ne gomsint quet ;  
 En o fen ez eus daoulagad,  
 Pe gant re ne velint berad.

Diou scouarn o deus ive,  
 Ha ganto ne glevint banne :  
 Diou fran o deus en o fri,  
 Ha ne santint c'huez dre hini.

Gant o daouarn ne douehint quet,  
 Ha gant e zreit ne guerzint quet,  
 Hac evito da gaout gouzoug  
 Ne allint crial morse tout.

Ra dui parmemes da veza

Hevel outo an dud e gra,  
 Gant quemment o devez fizianç  
 En traou quen din a zisprijanç.

Fizianç bugale Israël.

So en Autrou celestiel :  
 En o sicour hac o souten  
 A enep ho adversourien.

Bugale Aaron a laca  
 Ho esperanç ivez ennâ  
 En o sicour hac o souten  
 A enep ho adversourien.

Ar re a vev en e zougeanç,  
 A laca ennâ o fizianç,  
 En o sicour hac o souten  
 A enep o adversourien.

An Antrou gant truez onzomp  
 En deus bet memor ac'hanomp,  
 O rei deomp e protection  
 Couls hac e venediction.

E venediction santel  
 En devez roet da Israël,  
 Ar memcs benediction  
 En devez roet da dy Aaron.

Roet en devez an abundanç  
 Da guement o deus e zougeanç ;  
 E venediction a c'hraç  
 D'ar re vian ha d'ar re vras.

Pliget gant doue hon Autrou,  
 Ajouti c'hoas cals a c'hraçou  
 dec'hu e oll servicherien  
 Ha d'ho pugale so muiquen.

Ra viot ato benignet  
 Gant an Autrou oll galloudec,

Pehini en deus evit e c'hloar  
Crouet an Eê hac an douar.

An huela eus an Eêvou  
A so demeuranç d'an Autrou :  
Mæs an douar en deus leset  
Gant an dud bete fin ar bet.

Ne de quet ar re so maro  
dirazoc'h , Autrou , ho meulo ,  
Na quen nebeut quement hini  
A ya d'an ifern da lesqui.

Mæs ni pere a vev er stad  
Eveus ho craç , ho meul erfad ;  
Hac ho meulo hiviziquen ,  
Eus a vrema da virviquen.

Enor ha gloar d'an Tad , etc.  
Evel diarauc.

*Hymn.*

O Crouer mad d'ar sclerigen ,  
C'hui evit ober dez d'an den  
Pe gommançoc'h croui ar bed ,  
A groueas quenta ar sclerded.

C'hui a ra guervel un devez  
Ar mintin gant ar pardæz ;  
Endra dosta nos ar maro ,  
Clevit hor pedennou bep tro.

Na bermetit e vemp bepret  
Eus ar vuez a c'hraç privet ,  
O coumeti traou criminel ,  
Hep songeal en traou eternal.

Grit ma pigno bete ho Tron ,  
Dreist an Eêvou hon Oræson ,  
Evit eus ar vuez eternal

Ma c'hoptenimp ar pris huel.

Hac evit e acquisita,

Roit deomp ar c'hraç da evita

Quement so noasus d'hon ene,

Ha d'e netaat diouz droug ive.

Hon exaucit, doue an Tad,

Ha c'hui egal dezàn e Vap,

A ren gant ar Speret - Santel

En ur memes gloar eternal. Amen.

γ. O va doue grit ma pigno va Oraëson.

β. Evel an esañ dirac e Vajeste.

*Cantic var ar Magnificat.*

Eus a galon hac a c'henou

E c'hlorifiàn va Autrou,

Hac ec'h admiràn bepret

E vadelez em andrèt.

Gant ur joa bras eo va ene

Ravisset oll en e doue,

Pehini eo va Salver

Trugarezus em c'héver.

Abalamour m'en deus priget

Sellet ouzin ha me displet;

Galvet vezin a vremen

Eürus bras gant peb unan.

Rac an hini ell bep - tra

So e hano ar santela,

En deus eno operet

Traou pere so bras meurbet.

E drugarez a squill e c'hraç

En abundañ e raç-e-raç

Var nep a zeu gant fixianç

Da veza en e zougeañç.

Disquezet en devezs ivez  
Eus e vrac'h ar galloudegeuz ;  
Ar re superb a speret  
En devezs humiliet.

Da nep a voa bras hac huel  
En devezs grêt disques isel,  
Hac en devezs enoret  
Ar re vian ha displeet.

Ar re naonec a vertuziou  
En deus carguet a faveriou,  
Ha pinvidien ar bed  
En deus goullo dileset.

Ha pa ze bet e bolontez  
Caout memor eus e drugarez,  
E zeo en em discleriet  
Un Tad mad en hon andret.

Hervez ar bromessa fidel  
En deus bet grêt d'hon tad santel  
Da zigaç deomp er bed-mâ  
E Vap prop d'hon redima.

Enor ha gloar da Zoue an Tad,  
Ar memes gloar da Zoue ar Mab,  
Ha d'ar Speret - Santel ive,  
Tri ferson distinct en un doue.

Ar c'hloar a so bet a viscoaz,  
Ra vezo rentet brema c'hoaz,  
Hac ato ha da virviquen  
D'an drindet en un doue epquen.

*Ant.* Mam eürus ha Guerc'hes ar burra,  
Rouanes gloriüs eus ar bed : intercedât  
evidomp dirac an Autrou.

Autrou doue, ho pezet truez ouzomp.

Jesus-Christ, ho pezet truez ouzomp. Autrou doue, ho pezet truez ouzomp.

✠. Autrou doue, exaucit va Oraeson.

✠. Ha grit ma erruo ar c'hri eus va feden betec enoc'h.

*Pedomp.*

Autrou doue, accordit, ni ho supli, c'ho servicherien baour ma zomp, ar c'hraç da jouissa gant joa eus ar yec'het perpetuel quen a gorf quen a speret, ha ma vezimp dre an intercession eus ar Verc'hes gloriüs Vari dilivret diouz an dristidiguez presant ha pourveat eus al laouenidiguez eternal. Dre verit hon Autrou Jesus-Christ ho Map unic, pehini a vev hac a ren gwe-neoc'h, ha gant ar Speret-Santel en ur memes doue epad an oll eternite.

Evelen bezet grêt.

8 00 57

*Fin eus ar Gousperou.*

# AN DAULEN

## GENERAL,

Diouz pehini e caffer eas quement  
tra so el Levr - mâ hoc'h heul  
a chifr.

<b>E</b> Vit ar sul quenta eus an Azvent, pag.	1
Evit an eil sul eus an Azvent,	6
Evit an drede sul eus an Azvent,	10
Evit ar bevare sul eus an Azvent,	13
Evit ar sul goude Nedelec,	18
Evit ar sul quenta goude ar Rouane,	22
Evit an eil sul goude ar Rouane,	25
Evit an drede sul goude ar Rouane,	31
Evit ar bevare sul goude ar Rouane,	36
Evit ar bempet sul goude ar Rouane,	40
Evit ar c'huec'hvet sul goude ar Rouane,	45
Evit sul ar Septuagesim,	50
Evit sul ar Sexagesim,	55
Evit sul ar Quinquagesim,	59
Evit Merc'her al Ludu,	63
Evit ar sul quenta eus ar C'horais,	66
Evit an eil sul eus ar C'horais,	71

S

<i>Evit an drede sul eus ar C'horais,</i>	75
<i>Evit ar bevare sul eus ar C'horais,</i>	79
<i>Evit sul ar Bassion,</i>	84
<i>Evit ar sul Bleuntou,</i>	87
<i>Evit ar Yaou amblit,</i>	91
<i>Evit Guener ar Groas,</i>	95
<i>Evit ar sul Pasq,</i>	99
<i>Evit al Lun Pasq,</i>	102
<i>Evit ar Meurs Pasq,</i>	105
<i>Evit sul ar C'hastimodo,</i>	109
<i>Evit an eil sul goude Pasq,</i>	113
<i>Evit an drede sul goude Pasq,</i>	117
<i>Evit ar bevare sul goude Pasq,</i>	121
<i>Evit ar pempet sul goude Pasq,</i>	126
<i>Evit Gouel an Assancion,</i>	131
<i>Evit ar sul goude ar Yaou-Basq,</i>	135
<i>Evit sul ar Pantecost,</i>	139
<i>Evit al Lun ar Pantecost,</i>	143
<i>Evit ar Meurs ar Pantecost,</i>	145
<i>Evit Gouel an Dreindet santel,</i>	148
<i>Evit Gouel ar Sacramant,</i>	153
<i>Evit sul ar Sacramant,</i>	160
<i>Evit an 3 sul goude ar Pantecost,</i>	165
<i>Evit ar 4 sul goude ar Pantecost,</i>	169
<i>Evit ar 5 sul goude ar Pantecost,</i>	174



<i>An Daulen.</i>	<b>321</b>
<i>Evit ar 6 sul goude ar Pantecost,</i>	<b>178</b>
<i>Evit ar 7 sul goude ar Pantecost,</i>	<b>184</b>
<i>Evit an 8 sul goude ar Pantecost,</i>	<b>189</b>
<i>Evit an 9 sul goude ar Pantecost,</i>	<b>193</b>
<i>Evit an 10 sul goude ar Pantecost,</i>	<b>198</b>
<i>Evit an 11 sul goude ar Pantecost,</i>	<b>203</b>
<i>Evit an 12 sul goude ar Pantecost,</i>	<b>206</b>
<i>Evit an 13 sul goude ar Pantecost,</i>	<b>210</b>
<i>Evit ar 14 sul goude ar Pantecost,</i>	<b>215</b>
<i>Evit ar 15 sul goude ar Pantecost,</i>	<b>219</b>
<i>Evit ar 16 sul goude ar Pantecost,</i>	<b>223</b>
<i>Evit ar 17 sul goude ar Pantecost,</i>	<b>227</b>
<i>Evit an 18 sul goude ar Pantecost,</i>	<b>232</b>
<i>Evit an 19 sul goude ar Pantecost,</i>	<b>238</b>
<i>Evit an 20 sul goude ar Pantecost,</i>	<b>242</b>
<i>Evit ar 21 sul goude ar Pantecost,</i>	<b>247</b>
<i>Evit an 22 sul goude ar Pantecost,</i>	<b>251</b>
<i>Evit an 23 sul goude ar Pantecost,</i>	<b>256</b>
<i>Evit ar sul divexa goude ar Pantec.,</i>	<b>261</b>
<i>Instruction var ar profit bras a al-</i>	
<i>lomp da denna eus ar Veditation,</i>	<b>265</b>
<i>Method a Oræsoun, etc.</i>	<b>267</b>
<i>Indulgeançous da berpetuite pe da vi-</i>	
<i>quen e fover an Oræsoun Mental,</i>	<b>270</b>
<i>Instruction divexa, e pehini e cavo</i>	

- pep-unan ur voyen æzetoc'h c'hoaz  
 ha berroc'h evit ober Oræsoun,* 273  
*Avis pe Avertissamant,* 277  
*Preparation evit an Oræsoun pekini  
 a dleer da ober e commañcamant  
 peb Oræsoun,* 279  
*Conclusion eus an Oræsoun, hac a  
 dleer da ober e fin pep Oræsoun,* 280  
*Meditation. Pelec'h e oân-me cant  
 vloaz so. Da biou oûn-me dleour  
 eus va buez hac eus a guement  
 mad am eus,* 282  
*Meditation. Ha beza e vezin-me be-  
 pret er bed-mâ? Pe sort fin am  
 bezo-me?* 284  
*Meditation. Ha salvet e vezin-me?* 285  
*Meditation var ar pec'het marvel,* 287  
*Meditation var ar maro maleürus,* 289  
*Meditation var ar maro eürus,* 293  
*Meditation var ar Varn particulier,* 295  
*Meditation var ar Barados,* 298  
*Conferanç santel var ar voyen da  
 gundui ur vuez devot ha parfet,* 301  
*Gousperou ar Su* 306

8 OC 57  
 FIN.